




OTIVM
SINE LITERIS
MORS EST

Seneca

Ex Libris Joannis Nenovini
1874




~~1. 2. 3.~~ D. 2.





CORNELIUS
N E P O S.







CORNELIUS NEPOS,

De Vita excellentium Imperatorum.

Ex recognitione

STEPH. AND. PHILIPPE.



LUTETIÆ PARISIORUM,
Sumptibus MICH. STEPH. DAVID.


M. DCC. XLV;

in italiano

tradotto da Azzecehi Tomaso, in

franca 1831, per Bernardino Giuseppe







DIONYSIUS LAMBINUS

Monstrolienſis , Græcarum Litterarum Lutetiæ Doctor Regius ,

*ERRICO VALESIO ,
Andium Duci , Regis Chriſtianiſſimi
Caroli noni Fratri , liberaliſſimo , &
maximi animi Principi ,*

P. S. D.



UM ſemper antea bonarum litterarum ſtudio mihi ad innumerabiles animi moleſtias , quas fert vita , leniendas , & moderate ferendas , tranquillumque animi ſtatum comparandum , magno adju-

a iiij

mento fuisse expertus sim , *ERRICE VALESI* , Princeps clarissime , & generosissime ; tum superioris anni tumultu civili , penè dicam , salutem attulisse cognovi. Nam cùm Galliam , communem omnium nostrùm parentem , bello domestico ardere , multosque ad hoc incendium amplificandum undique convolare , paucos ad restinguendum accurrere viderem , incredibilique animi dolore ex calamitate Reipublicæ afficerer : quibus in rebus illo tam atroci , & turbulento tempore acquiescerem , aut unde potissimum tanto mœori vel remedium , vel allevamentum quærerem , præter libros & litteras , reperire non potui.

Quamvis enim illius belli civilis secundi initium in id tempus inciderit , quo tempore docendi munus mihi , ceterisque collegis meis , Doctoribus Regiis , post intermissiones usitatas , & more majorum concessas , repetendum erat ; neque me à meo necessario docendi munere tanta Reipublicæ perturbatio , civitatisque trepidatio abduxerit , cùm præsertim viderem , omnes bona-

rum artium magistros ac Doctores in hujus scholæ universæ gymnasiis suas docendi partes diligenter agere : non tamen hæc mea quotidiani muneris functio ita me tenere poterat occupatum , ut à præsentium malorum , quæ quotidie ante oculos versabantur , cogitatione animum avocare posset.

Porro autem ut vel miles castra sequeretur , vel armatus in urbe volitare , homo rei militaris imperitus , & ad bellum ineptus naturâ , semperque in litteris usque à puero versatus , & , quod caput est , corpore imbecillo , & ætate jam ingravescente , animum inducere non poteram : Et verò si hoc facerem , æquè me ridiculum hominibus futurum existimabam , atque si bos piger venari , aut in stadio currere conaretur : ceteroquin ad patriam , & Religionem Christianam antiquam , & καθολικὴν , nobisque à majoribus per manus traditam , retinendam , ac defendendam , animo & voluntate promptus ac paratus. Itaque , quod ipse per me efficere atque exsequi nequibam , id per aliam personam , communi omnium bonorum

civium incommodo , periculoque excitatus , & communi dolore commotus , subrogato meæ operæ , meique laboris vicario , homine tractandorum armorum non imperito , libenter , & diligenter obibam : qui pro me & noctu stans diebus excubabat , & interdum ad certam urbis portam in præsidio stabat. Quod ab illo usque tempore ad hodiernum diem fieri desitum non est , propterea scilicet quod res ne pace quidem constitutâ , ut pote parum certâ & firmâ , satis tranquillatæ fuerunt.

Sedulitatem autem eorum qui , vel corporis robore pollentes , vel ætatis maturitate florentes , vel in laboribus militaribus exercitati , pro patria , pro aris & focis , pro Reipublicæ statu , pro regni incolumitate , pro Religione denique arma capiebant , seque ipsi in discrimen capitis offerebant , non solum laudabam , verum etiam æmulari cupiebam. Imperatam ac descriptam in capita , aut in ostia ad belli sumptus tolerandos pecuniam , pro facultatum mearum tenuitate conferebam ; ceteraque munera & onera civilia mihi com-

muniter cum aliis civibus à Præfectis urbanis imposita , æquo animo subibam , ac sustinebam.

Cùm igitur patriæ in pessimum locum certorum hominum culpâ adductæ , neque consilio , neque lacertis , neque facultatibus rei familiaris magnopere opitulari possem : consilio , quia , cùm privatus sim , in consilium publicum non adhibeor : lacertis , quia ætas , & imbecillitas corporis , & invaletudo ab hoc munere fungendo me vindicant : facultatibus , quia res mea familiaris ejusmodi est , ut , quantulumcumque de ea detrahatur , ac decedat , id mihi quidem & meis valde incommodum sit futurum ; fiscum autem non multò pleniorum sit facturum : cùmque non solum ex præsentī , verùm etiam ex impendente toti Galliæ calamitate , & vastitate , majorem animo , quàm ut eam ferre possem , molestiam caperem : unum solatium , unumque adeo per-fugium nactus sum , quo uterer , Musas & litteras.

Quæ cùm latè pateant , cùmque

non unius generis sint : [nam partim Philosophorum disputationibus , partim Poëtarum carminibus , iisque multum inter se dissimilibus , partim oratorum dictionibus atque actionibus , partim Historicorum narrationibus continentur :] Oratores & Poëtas , ut parum ad eam rem , quam quærebam , utiles , in præsens tempus seposui. Philosophi & Historici restabant , quorum lectio mihi maximè animi molestias abstergere posse videretur. Ex his igitur duobus scriptorum generibus cum viderem , Philosophos res præclaras illas quidem , & vehementer ad usus vitæ quotidianæ , animique tranquillitatem utiles , litteris mandasse ; sed vel non omnibus faciles , vel non omnibus probabiles , nimisque ferè ab hominum sensibus , & vulgi opinionibus remotas ; magis denique ad cognitionem , mentisque agitationem , quam ad actionem accommodatas ; Historicos sumpsi , ac delegi , quibus illo quidem tempore me totum traderem : idque eo magis quòd volebam totam hanc lectionem quam institueram , ac susceperam , non mihi solùm sed etiam om-

nibus hominibus , qui bonis artibus eruditi , & litteris politi sunt , fructum aliquem ferre.

Cùm itaque hoc consilium cepissem , ut meæ vigiliæ multis prodesse , Historicisque omnes Græcos ac Latinos , aut , ne mentiar , probatissimos ac nobilissimos , maximèque ad eam rem , quam meditabar & moliebar , necessarios , Herodotum , Thucydidem , Xenophontem , Polybium , Plutarchum , Diodorum Siculum , Appianum , Sallustium , T. Livium , Cornelium Tacitum , & nonnullos alios similes , accuratè perlegissem ; existimavi , me , si , quæ ab illis de excellentibus & præstantibus Græciæ , & Italiæ , & Asiæ imperatoribus , multis verbis exposita sunt , ea ad Æmilium Probum , seu Cornelium Nepotem (non enim satis constat , quis sit harum vitarum scriptor) illustrandum , quibus in locis brevior , atque idcirco obscurior esset , congestissem & contulissem.

Fuit porrò mihi , verè loquar , harum commentationum conscriptio , &

confectio , operosa illa quidem & laboriosa , sed tamen dulcis & jucunda. Nam primum aberrationem à molestiis , quam optabam & quærebam , hinc sum consecutus : deinde non parva voluptate afficiebar , cum multorum sæculorum historiam jucundissimæ varietatis plenam , clariorum virorum aliorum optabiles , aliorum miserabiles exitus , magnorum Imperatorum res vel secundas , vel adversas , Rerum-publicarum commutationes , urbium oppugnationes & everfiones , potentium Regum fortunas prostratas atque affictas , bellorum & externorum & domesticorum calamitates , populorum iracundias & insanias , cetera hujus generis innumerabilia cognoscebam & considerabam.

Postremò legentem me & scribentem , & singula suo loco disponentem ac dirigentem mirificè excitabant litteræ tuæ , sexdecim circiter abhinc menses ad me datæ , breves illæ quidem , sed tamen liberalitatis & singularis in litteratos & eruditos viros amoris plenæ : quibus , præterquàm quòd mihi

significabas , libros Aristotelis de optima Reipublicæ administrandæ forma à me latinitate donatos , quos tuo nomini consecraram , & ad te mittendos curaram , fuisse gratissimos atque acceptissimos ; præterea adscribebas , si te hoc modo studiorum meorum participem facere perseverarem , maximam abs te , pro eo , quanti me , meique similes , faceres , & omni vitæ tempore facturus esses , gratiam initurum. Ad extremum hac clausula utebare , judicii istius tui , quo mihi , ac nostri ordinis hominibus plurimum tribueres , optimam ac promptissimam voluntatem faciendi meâ causâ quamcumque occasionem nactus esses , si quid abs te postulandum esse existimarem , comitem assiduam & perpetuam futuram.

Quem non , vel ignavissimum ac tardissimum , tam liberales & munificæ litteræ , & à tali tantoque Principe missæ ad scribendum incitarent ? Quis non tantâ spe propositâ omnes corporis & animi labores perferret , omnesque ingenii vires contenderet , ut aliquid tanti Principis expectatione dignum

ederet? Sic igitur feci : hoc est maximam diligentiam adhibui , summoque studio elaboravi , ut *Æmilius Probus* , sive , ut alii volunt , *CORNELIUS NEPOS* , hac nostra editione non solum quàm emendatissimus , verùm etiam nostris commentariis quàm ornatissimus , & quàm explicatissimus in publicum sub tuo nomine prodiret.

Quanquam , ne quid dissimulem ; majora paro. Cogito enim res vestras gestas , eas , inquam , quas tu , & frater tuus Carolus Rex Christianissimus & augustissimus , & gessistis jam , & geretis , litteris mandare , memoriæque sempiternæ tradere , si modò vos operam meam non aspernabimini , & si vita mihi suppetet. Quamvis enim vestrorum in Rempublicam meritorum , vestrarumque rerum bene fortiterque gestarum aliam fortasse mercedem non desideretis , quàm conscientiam rectæ voluntatis , & testimonium bonorum qui hodie vivunt ; tamen laus posteritatis , & gloria sempiterna , quæ sine litterarum monumentis constare non potest , non est pro nihilo putanda. Hanc

enim fortissimi , & omnibus virtutibus præstantes viri non contempserunt : neque id immeritò. Gloria enim , quæ laus est rectè factorum , magnorumque in Rempublicam meritorum , fructus est veræ virtutis honestissimus , unaque res est , quæ vitæ brevitatem posteritatis memoriâ consoletur , ut scripsit optimus auctor quodam loco. Nam præter illam immortalitatem , quam nos Religionis Christianæ sacris initiati , & divinis oraculis confisi , post hanc vitam , quæ corpore & spiritu continetur , cujusque curriculum brevibus à Natura terminis est circumscriptum , expectamus , est & illa altera quæ in memoria vivorum est posita , quamque multorum sæculorum posteritas alet ; quæ sine litterarum præsidio suum jus tueri non potest. Sed hac de re aliàs : nunc ad hoc quod agimus.

Hoc igitur multorum dierum multarumque noctium opus , *ERRICE* Princeps magnanime , cùm cuperem omnibus doctrinâ excultis hominibus mecum esse commune , sub tuo potissimum illustrissimo & auspicatissimo

nomine in eorum manus pervenire volui , primùm ut tu , qui amore & studio in litteras ac litteratos viros , *CAROLO* Regi Christianissimo , fratri tuo , nihil concedis , primus utilitatem aliquam ex hoc meo labore , si qua omnino cæpi potest utilitas , perciperes : deinde ut omnes viri liberali doctrina ornat , qui nostras in hunc scriptorem commentationes in manus fument , si quid sibi eas profuisse sentient , hujus rei tibi potius , qui mihi tam acres ad scribendum stimulos admoveris , quàm mihi , gratiam habeant.

Noli autem existimare , *ERRICE* , hujus libri lectionem nihil aut parum tibi profuturum. Quamvis enim tu jam vel ortu ipso , & stirpe generis , ac feminis , vel spe , atque indole virtutis , his omnibus Imperatoribus antecellas : quia tamen tua ætas , (non enim dicam tua animi magnitudo) ab eis rerum gestarum amplitudine , gloriâque superatur , persuasum tibi esse debet , magno tibi adjumento fore ad gloriam bellicam , cujus tu studio inflammatus es , ut par est adolescentem

tem tali loco natum , comparandam , si non solum domestica , quibus abundas , majorum tuorum , eorundemque Galliae Regum , verum etiam externa praestantissimorum , & clarissimorum Graeciae , & Italiae , & Asiae Ducum exempla , tibi ipse ad imitandum , seu potius ad superandum proponas.

Quemadmodum enim Themistocles cum assidue in publico noctu ambularet , somnumque capere non posset , amicis causam quaerentibus respondebat , se Miltiadis tropæis è somno excitari ; ita tu cum ab Æmilio Probo , sive Cornelio Nepote commemorari audies non solum communes horum omnium Imperatorum , quorum hic res gestas scripsit , sed etiam uniuscujusque proprias virtutes , ut Themistoclis sollertiam , & prudentiam , & celeres ingenii motus ; Aristidis justitiam , atque abstinentiam ; Cimonis liberalitatem & munificentiam ; Thrasibulli fidem , constantiam , & animi magnitudinem ; Agefilai religionem , & modestiam ; Eumenis Cardiani vigilantiam , & patientiam ; Phocionis bo-

nitatem , & in sententia perseverantiam ; Timoleontis clementiam , & moderationem animi cum incredibili felicitate conjunctam , aliorumque præcipuas quasdam & singulares virtutes : hæc , inquam , multaque generis ejusdem cum apud hunc scriptorem leges , igniculi isti plurimarum , divinarumque virtutum tibi à Natura dati , quamvis quotidie per se emicantes , tamen his veluti fomentis magis ac magis in dies excitati , maximum sument incrementum , clarissimumque lumen in omnes terrarum oras longè latèque diffundent.

Neque verò eorum virtutes solùm , & fortia , laudabilioraque facinora , & res bene gestas ; verùm etiam vitia , & offensiones , & peccata , & res malè gestas cognoscere juvabit. Quemadmodum enim virtutis pulchritudo , & honesti species suâ sponte adollescentes bene à Natura informatos ad se allicit ; ita vitii deformitas , & turpitudinis spurcicies alienat ac deterret. Nam quem honesto loco natum , & liberaliter educatum , atque institu-

tum adolescentem non *Lyfandri* perfidia , & crudelitas ; *Paulaniae* superbia , & contumacia , & sceleratus in Patriam animus ; *Tiſſaphernis* perjurium , & impietas ; *Alcibiadis* morum inæqualitas , & ingenii mobilitas , & inconstantia , & luxuria , & intemperantia ; *Dionysii Tyranni Siculi* prioris sævitia , & inhumanitas , & importunitas ; posterioris libido , & incontinentia , & iniustitia ; *C. Terentii Varronis* arrogantia , ac temeritas ; cetera denique propria quædam singulorum vitia , & flagitia non offendunt , atque à similibus factis revocant ac retrahunt ?

Quamvis autem tu maximo negotio à fratre tuo *CAROLO* Rege nostro (cujus regnum Deus Optimus Maximus incolume servet !) præpositus , & in bello difficili , periculosoque gerendo occupatus , & iis , qui Religionem nobis à Majoribus traditam , atque usu receptam improbant , aliamque publicè profiteri , & colere sibi licere , exercitu comparato , & urbibus Galliae occupatis postulant , obsistere

b ij

ac repugnare jussus , vix satis vacui temporis habere videare , quod talium narrationum auditioni , nedum librorum lectioni impertias : non putavi tamen me munus intempestivum , aut à castris alienum , ad te missurum , si Æmilium Probum , five Cornelium Nepotem , commentationibus nostris explanatum , atque illustratum ad te misissem.

Nam si quod aliud scriptorum genus tibi donassem , ut Philosophum aliquem , aut Poëtam : [quanquam præstantes quidam Imperatores Philosophos quondam , & Poëtas non solum in provincias , verum etiam in castra secum duxisse narrantur] verumtamen si tales Scriptores ad te misissem , fortasse temporis & loci rationem non habuisse videri possem. Nunc autem cum Historicum , & eum Historicum qui varia bella multis ante sæculis gesta , præliaque commissa refert , tibi bellum administranti , & in castris versanti , donem ; videri non debeo munus *ἀντιστοιχίον* , aut non satis opportunum , ad te perferendum curavisse.

Jam verò si qua tibi in commentariis nostris obscuriora videbuntur , (quanquam ne quid esset , operam dedimus : nihil enim Græcè scriptum à nobis relatum est , quòd non continuò Latinè reddiderimus.) verumtamen si quid erit ejusmodi , ut id non facillè intelligere queas , quòd te penitus jam in litterarum studia ingressum , cùm magnos in eis progressus fecisses , tempora Reipublicæ ad rerum majorum curas , & magis necessarias cogitationes à libris quasi in medio cursu avocarunt ; habes Jo. Paulum Selvam , Antistitem Ecclesiæ D. Flori , virum eruditissimum , & in omnibus liberalibus doctrinis diu multùmque versatum , olim doctorem tuum , qui tibi res obscuras declarabit , difficiles explanabit , impeditas expediet , atque explicabit.

Nam , ut fratri tuo Carolo , Regi nostro , ab ineunte ætate doctor contigit cùm singulari doctrinâ præditus , tum linguæ Græcæ cognitione omnibus , qui hodie vivunt , antecellens ,

aut certè nemini secundus , Jacobus Amiotus , nunc magnus ejus Eleemosynarius , & D. Cornelii Cœnobiarcha ; ita tu Selvam puer nactus es , virum cùm in primis doctum , tum prudentem , & follertem animorum , ingeniorumque Regionum fingendorum artificem. Habes præterea Fr. Carnavaleum , Equitem auratum , custodem quondam ac rectorem tuum , virum non solum artibus omnibus militaribus , & virtutibus bellicis ornatum , verum etiam optimis disciplinis eruditum. Quare sive per te leges , ita ingenio vales , ut nihil te in his commentariis fugere , aut fallere queat ; sive domesticorum tuorum , quos modò commemoravi , operâ uti voles , omnia tibi plana erunt , & expedita.

Unum reliquum est , quod abs te petam , prius quàm finem faciam , ut memor promissi tui , litteratis , & bonarum artium studiosis suffragari pergas , tibi que persuadeas , te beneficium , quod in eos conferes , bene collocaturum. Ii enim sunt qui virtutes tuas ab oblivione vindicare , & eas suis eru-

ditis scriptis , sine quibus illæ parum ab inertî , & otiosâ vitâ distarent , immortalitati commendare possunt. Quàm multos enim præter eos , quos vel Poëtæ , vel Historici sempiternæ memoriæ consecrarunt , multa fortiter fecisse , & optimè de Republica meritos esse existimas , qui tamen nobis incogniti jacent ? Innumerabiles scilicet. Quid ita ? Quia nullum suarum rerum bene gestarum nacti sunt præconem , aut prædicatorem. Nam , ut verè Flaccus cecinit ,

*Parum sepultæ distat inertiae
Celata virtus.*

Quare , ut tuæ virtutes commemoratione posteritatis sempiternâ vivant ac vigéant , complectere , si me audis , *ERRICE* , Musarum sacerdotes , hoc est litteratos & doctos viros , quibus cùm res laudabiles , & prædicatione dignas præbueris , ac tradideris , hi vicissim tibi earum rerum testimonium , & præconium suis immortalibus scriptis consignatum reddent.

Neque hoc tibi veniat in mentem ,
 Marti cum Musis nihil esse commune.
 Nam vel hoc eò valet ut intelligamus ,
 Musis in ipso belli strepitu , & clamore
 nullum relinqui locum , non ut bellicæ
 virtutes Musarum ope nihil egeant : vel
 hoc esse falsum facile demonstrare pos-
 sum , cùm summi Imperatores alii Poë-
 tarum carminibus monumentorum suo-
 rum aditus exornarint , alii Martis ma-
 nobias Musis consecrarint.

Vale , & rem bene gere.

*Lutetiæ , a. d. XII. Kal. Decemb.
 Anno à Salute hominum generi data ,
 M. D. LXVIII.*

DE



DE
CORNELII NEPOTIS
VITA ET SCRIPTIS

EX
GERARDI JOANNIS VOSSII,
DE HISTORICIS LATINIS,
Lib. I. Cap. XIV.



CORNELIUS NEPOS, &
ante Cæsaris dictaturam,
& eo dictatore, & postea
vixit. Hieronymus in Chro-
nico Eusebiano refert illum
ad annum Augusti quartum. Nec cui-
quam repugnem, colligenti inde, tum
demum, divulgare ea cœpisse opera.

A

2 CORNELII NEPOTIS

quibus maximè inclaruit. Padi erat ac-
cola, teste Plinio, lib. III. cap. XVIII.
Unde Catullo epigrammate primo, *Italus*;
Ausonio autem, epist. XXIV. Gallus vo-
catur: Nempe quia Italia transpadana
diceretur Gallia Togata. De urbe patriæ
quicquam se habere comperti, negat Elias
Vinetus, in Auson. Idyll. VII. At Veron-
ensem fuisse; in Leandri Alberti Italia
lego: uti & in Cosmographia optimi atque
amicissimi quondam viri, Pauli Merulæ.
Imò ex Veronensium historicorum sylla-
bo, (quem doctissimus, amplissimusque
Alexander Becellus, Veronensis urbis
Cancellarius, fecit, ac Illustrissimus
Comes, Fernandus Nogarola, vir ut
genere, ita litterarum studio nobilissimus,
cum V. Cl. Laurentio Pignorio, atque
is mecum communicavit) intelligo, na-
tum fuisse Nepotem in Hostilia: qui Ve-
ronensium vicus est, Tacito, Plinio,
Cassiodoro, & Antonino in Itinerario
memoratus, hodieque Ecclesiastica Veron-
ensium jurisdictioni subditus.

Historicus hic Ciceronis amicus fa-
miliaris à Gellio vocatur, lib. XV. cap.
XXVIII. Chronica scripsisse, testis est

idem Gellius libro xxvii. cap. xxi. In his pro triplici tempore, ἀδελφῶν, μωδικῶν, καὶ ἰσορκεῶν (de quibus ex Varrone, & aliis, libro de arte historica diximus) tres videtur scripsisse libros ; ac singulis unius temporis narrationem esse complexus. Sanè tres libros fecisse Nepotem, quibus omne ævum comprehenderit, liquidò testatur Catullus initio Hendecasyllaborum. Nec historicum tempus ab eo solùm esse tractatum, indicio est illud Ausonii : Apologos Titiani, & Nepotis Chronica, quasi alios apologos (nam & ipsa instar fabularum sunt) ad nobilitatem tuam misi. Item ex eo, quod Tertullianus in Apologetico adversi gentes (ubi eum inter antiquitatum commentatores disertim reponit) dicit, haud aliud Saturnum, quàm hominem promulgasse. Quod etiam Lactantius tradit, lib. i. cap. xiii.

Reliquit præterea libros illustrium virorum, quorum Gellius meminit, lib. xi. cap. viii. & Servius in i. Æneid. Eorum librum i. xv. & xvi. citat Charisius. Ex his habemus viginti duos exterarum gentium imperatores. Ceteris

4 CORNELII NEPOTIS

libris egisse de Romanis, hæc ejus verba ostendunt in extrema Hannibalis vita: Sed nos tempus est hujus libri facere finem, & Romanorum explicare Imperatores: quo facilius, collatis utrorumque factis, qui viri præferendi sint, possit judicari. Operis enim genuina inscriptio patet ex ultimis hisce præfationis verbis: Quare ad propositum veniemus, & in hoc exponemus libro VITAS EXCELLENTIUM IMPERATORUM. Ac vel propter hoc opus historicis accenseri meretur Nepos, etsi paullo aliter senserit Desiderius in Ciceroniano suo, ubi de Æmilio, seu veriùs Nepote, sic scribit: Candidus est laudator omnium, quorum vitam descripsit, ut encomiasten dicas veriùs, quàm historiographum. Nam præter Imperatores seorsum exarasse etiam librum de Regibus, argumento hæc erunt, quæ Timoleontis vitæ subdit: Hi ferè fuere Græciæ gentis duces, qui memoriâ digni videantur, præter Reges. Namque eos attingere nolimus, quòd omnium res gestæ separatim sunt relatæ; neque tamen hi admodum sunt multi.

*Externi Imperatores , quos habemus ,
'Æmilii esse Probi à multis creduntur.
Qui error indè provenit , quòd librario
id fuerit nomen , qui vitas eas partim
sua , partim patris & matris manu scrip-
tas , Theodosio obtulit. Hoc ita esse ,
ostendunt versiculi , qui vitis istis præ-
mitti in MStis solent. Ac nec Æmilium ,
nec Theodosiani ævi quemquam , eorum
esse librorum auctorem , abundè arguit
pura , & Romana dictio. Opinetur ali-
quis , ut Trogus ab Justino , ita ab Æmi-
lio , qui sub Theodosio vixit , in compen-
dium esse redactum Nepotem. Sed aliud
suadet operis concinnitas , & illa præ-
fandi ratio , quæ est in Epaminondæ vita ,
ac in Pelopida imprimis , ubi brevitatem
justam pollicetur. Attamen sententia
hæc , licet erronea , minùs periculi ha-
beat , dummodo extra controversiam ma-
neat , Æmilium omnia de purissimis
Nepotis fontibus hausisse. Sanè Tulliani
esse ævi scriptorem , neque alium quàm
Nepotem , tum veterum aliquot librorum
indicio cognoscitur , tum etiam , quòd
ad Pomponium Atticum , (cujus idem
rogatu de vita Catonis librum fecit)*

6 CORNELII NEPOTIS

vita istæ scribantur : utcumque id in quarto Miscellaneorum suorum neget Hieronymus Magius , qui ipsa Nepotis præfatione satis refellitur.

'Accedit & altera ratio : Nam his in libris ea legere est , quæ opus hoc scriptum esse clamant , quo tempore Pompeius & Cæsar , plus poterant , quàm liberis in Republica expediret. Ea Lambinus loca congeffit , ut nihil attineat illa hîc reponere. Nec libris istis de Viris illustribus solum persecutus est excellentes Imperatores : sed etiam commentationibus claros. Quod argumentum signat B. Hieronymus , præfatione de Scriptoribus Ecclesiasticis : Ubi Nepotem inter eos refert , quorum exemplo acturus sit de iis , qui scribendo claruerunt. Egit autem Nepos , tum de Græcis Auctoris , tum de Latinis. De Græcis , colligo indè , quòd in Dionis vita dicat , librum se fecisse de illustribus Historicis , in quo inter alia tractarit de Philisto historico. De Latinis , argumento sunt plurima. Nam de Terentio egisse , ex Suetonio scimus in Terentii vita , Donato perperam tributa. Ad hæc primum de vita Ci-

ceronis librum Gellius citat lib. xv. cap. xxviii. Eoque ex opere fragmentum Hieronymus adfert epist. ad Pammachium. Imò verisimile est, indè esse, tum vitam T. Pomponii Attici, quæ exstat, tum vitam Catonis, quam istis claudit verbis: Hujus de vita, & moribus, plura in eo libro persecuti sumus, quem separatim de eo fecimus, rogatu T. Pomponii Attici. Quare studiosos Catonis ad illud volumen relegamus. Apertè indicat, eo nunc de Catone brevius se agere, quia separatim de eodem scripserit. Ergo vita illa Catonis, quam paucis perstrictam habemus, majoris pars est voluminis, in quo Romanorum complurium vitæ continerentur.

Et sanè in antiquissimo codice Oberti Gifanii ante vitam Attici legebantur hæc verba: Ex libro Cornelii Nepotis de Latinis Historicis. Reliquit etiam Exemplorum libros, quos citant Gellius lib. vii. cap. xviii. & Charisius lib. i. Alia quoque ejusdem laudant veteres: sed non item, quæ ad historiam pertineant. Nam ex epistola ejus ad Ciceronem quædam Lactantius adfert lib. iii.

8 CORNELII NEPOTIS

Instit. Divinar. cap. xv. Quemadmodum & Ciceronis ad Nepotem epistolæ meminit Tranquillus in Julio cap. lv. Ammianus Marcellinus initio lib. xxvi. ac Priscianus lib. viii. Imò & secundum Ciceronis epistolarum librum ad Nepotem Macrobius citat libro ii. Saturnal. cap. i. Quòd si quis fragmenta omnia Nepotis desideret, longè iis colligendis priorum vicit industriam Andræas Schottius. Hermolaus Barbarus, castigationibus in Plinii lib. xv. cap. xxix. censet libellum de viris illustribus, qui Plinio tribui solet, Cornelii Nepotis esse, haud Plinii: atque id veteribus coaëcibus adstrui posse asseverat. Etiam Jani hæc Parrhasii sententia fuit. Utrius sit, dubitari ait Vinetus, nec de ea re quicquam statnere ausus est. Imò aliqui, aut Suetonium, aut Tacitum, esse auctorem putarunt: ut indicat Gyraldus dialogismo xxvi. Sed omnino sunt Sexti Aurelii Victoris: ut satis nunc constat ex editione Andrææ Schotti.

Non dubito interim, quin pleraque ex Nepote Victor desumerit. Nam quòd Ludovicus Vives lib. v. de tradendis

disciplinis, Nepotem ait, de Græcis solum ducibus scripsisse: id satis refellitur verbis Nepotis antea adductis. Vir doctissimus, Jo. Maria Catanæus, commentario in Plinii librum IV. epist. XXVIII. quæ ad Severum scripta est, etiam Daretem Phrygium à Nepote translatum arbitratur. Nempe decepit eum vulgaris ἐκρυψεῖν. Attamen & hîc aqua hæret Vineto, notis in Auson. Idyll. VII. Negat esse, qui certi aliquid de translatione hac ausit affirmare. Atqui omnes, quibus ullum in hisce litteris iudicium est, satis vident, nec Daretem illum esse genuinum: nec dictionem ejus Augustæam sapere ætatem: sed recentiore multò. Nepotem autem Cæsaris Augusti obiisse ævo, Plinius testatur, lib. IX. cap. XXXIX. & lib. X. cap. XXIII. Atque hoc fortasse impulit Genebrardum, ut putaret, eum nato jam Christo superstitem fuisse: qui & Jacobum Gualterium, cum primum tabulas ederet Chronographicas, in eam sententiam pertraxit. Sed Nepotem ed usque ætatem prorogasse, nemo temerè dixerit, qui tanti eum in litteris nominis jam Tullii, Attici, Catul-
li temporibus, fuisse cogitarit.



AUCTORUM ALIQUOT

TESTIMONIA ET JUDICIA,

QUI

CORNELII NEPOTIS

MEMINERUNT.

EUSEBIUS IN CHRONICO:

Octaviani Imperii anno quarto,
Olympiade cxxcv. Cornelius Ne-
pos Scriptor Historicus clarus habetur.

POMPONIUS MELA IV. Cap. v.

Cornelius Nepos, ut recentior auc-
toritate, sic certior.

PLINIUS Lib. III. Cap. XVIII. &

Lib. IX. Cap. XXXIX. Lib. X.

Cap. XXXIII.

Cornelius Nepos, Padi accola, qui
Divi Augusti principatu obiit.

TESTIM. AUCTORUM. 11

CATULLUS VERONENSIS,
AD NEPOTEM.

Quoi dono lepidum novum libellum ,
Aridâ modò pumice expolitum ?
Corneli , tibi : namque tu solebas
Meas esse aliquid putare nugas ,
Jam tum , quum ausus es unus Italorum
Omne ævum tribus explicare chartis
Doctis , Jupiter , & laboriosis !

AUSONIUS DREPANIO PACATO
LATINO.

Cui dono lepidum novum libellum ?
Veronensis ait Poëta quondam ,
Inventoque dedit statim Nepoti.
At nos illepidum , rudem libellum
Burras , quisquiliæ , ineptiæque
Credemus gremio cui fovendum ?
Inveni (trepidæ filete nugæ)
Nec doctum minus , & magis benignum ;
Quàm quem Gallia præbuit Catullo.

M. T. CICERO IN EPIST. AD
ATTIC. Lib. XVI. Ep. V.

Nepotis epistolam exspecto. Cupi-
dus ille meorum , qui ea , quibus

12 *TESTIMONIA*

maximè γαυριῶν legenda non putet ?

*HIERONYMUS DE VITA
SCRIPTOR. ECCLESIAST.*

Scripserunt de vita illustrium Scriptorum apud Græcos, Hermippus Peripateticus, Antigonus, Carystius Satyrus doctus vir, & longè omnium doctissimus Aristoxenus Musicus: apud Latinos autem, Varro, Santra, Nepos, Hyginus, &, ad cujus nos exemplum vis provocare, Tranquillus.

*AUSONIUS EPIST. XVI. AD
PROBUM PRÆF.*

Apologos Titiani, & Nepotis Chronica, quasi alios apologos (nam & ipsa instar sunt fabularum) ad nobilitatem tuam misi, gaudens, atque etiam glorians, fore aliquid, quod ad institutionem tuorum, sedulitatis meæ studio conferatur.

A. GELLIUS Lib. XV. Cap. XXVIII.

Cornelius Nepos & rerum memoriæ

AUCTORUM. 13

non indiligens, & M. Ciceronis, ut
qui maximè, amicus familiarisque fuit.

IPSE NEPOS IN VITA ATTICI.

Non auditum, sed cognitum præ-
dicamus. Sæpe enim propter familiari-
tatem, domesticis (*Attici*) rebus in-
terfuimus.

TERTULLIANUS, APOLOGETICO;
Cap. X.

Saturnum, quantum litteræ docent;
neque Diodorus Græcus, aut Thallus,
neque Cassius Severus, aut Cornelius
Nepos, neque ullus Commentator
hujusmodi Antiquitatum, aliud, quàm
hominem, promulgarunt.

IDEM L. II. AD NATIONES;
Cap. XII.

MINUTIUS FELIX OCTAVIO:

Scit hoc Nepos, & Cassius in his-
toria: & Thallus, ac Diodorus hoc
loquuntur.

14 TESTIMONIA

LACTANTIUS FIRMIANUS
Lib. 1. Cap. XIII.

Qui vires ejus in Italia gestas memoriae tradiderunt, Græci, Diodorus, & Thallus : Latini, Nepos, & Cassius, & Varro.

PLINIUS JUNIOR SEVERO
Epist. XXVIII. Lib. IV.

Herennius Severus, vir doctissimus, magni æstimat in Bibliotheca sua ponere imagines municipum tuorum Cornelii Nepotis, & Titi Cassii: petitque, si sint isthic, ut esse credibile est, exscribendas pingendasque delegem. Quam curam tibi potissimum injungo: primum quia desideriis meis amicissimè obsequeris: deinde quia tibi studiorum summa reverentia, summus amor studiosorum: postremò quòd patriam tuam, omnesque qui nomen ejus auxerunt, ut patriam ipsam, veneraris & diligis.

IDEM Lib. V. Epist. III.

Scio non corrumpi in deterius, quæ

aliquando etiam à malis ; sed honesta manere , quæ sæpius à bonis fiunt. Inter quos vel præcipuè numerandus est P. Virgilius , Cornelius Nepos , & prius Ennius Acciusque : non quidem hi Senatores ; sed sanctitas morum non distat ordinibus.

*ONUPHRIUS PANVINIUS ,
Catalogo Illustrium scriptorum Veronensium ; Lib. VI. Antiquitatum ,*

Constantissimo civitatis nostræ testimonio C. Cornelium Nepotem , virum doctissimum , & antiquitatum omnium peritissimum , Veronensem fuisse traditur. Cui in summa curia cum reliquis Veronensibus illustribus etiam statua posita est ex publica auctoritate. Eum Plinius lib. III. cap. XLIX. Padi accollam vocat , & alibi sæpius de eo mentionem facit. Ortus siquidem in vico Veronensium Hostilia ad Padi ripas sito , ut Tacitus auctor est lib. XIX. Historiæ Augustæ. Pius quoque Papa II. in Asiæ descriptione eum Veronensem apertè fuisse scribit. Ad hunc Catullus opus suum misit , tamquam civem suum : *Quoi dono lepidum neu*

16 TESTIMONIA

vum libellum, &c. Hic in Urbe, Ciceronis & Cæsaris tempore vixit, pervenitque usque ad Augusti principatum; scripsit disertissimè *Illustrium virorum vitas*. Quarum tantum Pomponii Attici exstat; quæ ceterarum facillè specimen potest indicare. Ejus illustrium virorum libri XVI. citantur à Charisio Grammatico. Scripsit accuratissimè rerum Romanarum Chronicon, (vel de temporibus librum, in quo brevi explicatione omnis ævi memorias complexus est) quod à Solino citatur. De ejus subinde suprâ scriptis versibus, meminit Catullus; circumferuntur periochæ sub ejus nomine excusæ, Daretis Phrygii, de bello Trojano, tum soluto sermone, tum carmine heroïco Latinè facta; quodcumque fuerit Poëta, testatur Plinius junior, epistola III. lib. IV. Item periocha VI. librorum Daretis sermone soluto eodem volumine impressa. At certè quæ versibus exarantur, imposturarum plena. Mentio enim eo libello de Imperatore Nerone habetur. Et Nepos adhuc Augusto imperante decessit. Verùm Nepotem etiam fuisse Poëtam ex Plinio juniore epist.

epist. III. lib. VIII. colligitur.

JOAN. SAVARO, DE HUIUS
LIBRI AUCTORE.

Hunc librum *Cornelio Nepoti* asserit ipsa præfatio : *Non dubito fore plerosque, Attice, &c. & ex vita Catonis illa : Hujus de vita & moribus, plura in eo libro persecuti sumus, quem separatim de eo fecimus, rogatu T. Pomponii Attici, &c. cujus quidem libri fragmentum, ex Cornelio Nepote laudare videtur Gellius lib. XI. cap. VIII. Præterea libros de viris Illustribus, veterum scriptis celebres, qui Nepoti tribuuntur, ab hujus libri auctore confectos esse satis apparet, ex fine Hannibalis Vitæ : Sed nos tempus est, hujus libri facere finem, & Romanorum explicare Imperatores, quò faciliùs, collatis utrorumque factis, qui viri præferendi sint, possit judicari. Tanta etiam suavitas est sermonis Latini, ut appareat in eo nativum quemdam leporem esse, non ascitum, & jam ævo Theodosii defitum, quo non parum inclinata erat Latiaris eloquentia : Æmilium autem Probum cujus nomine circumfertur hic*

18 TESTIMONIA

liber, Theodosio regnante vixisse; & hujusce libri exscriptorem potius esse, quàm auctorem, patet ex his versibus:

*Vade liber noster, fato meliore me-
mento,*

*Cùm leget hæc dominus, te sciat esse
meum.*

*Ne timeas fulvo striclos diademate
crines,*

*Ridentes blandum vel pietate oculo-
los.*

*Communis cunëtis, hominem se
regna tenere*

*Sed meminit: vincit hinc magis
ille homines.*

*Ornentur steriles: facilis testura libelli;
Theodosio, & doctis carmina nuda
placent.*

*Si rogat auctorem, paullatim detege
nostrum*

*Tunc domino nomen: me sciat esse
Probum.*

*Corpore in hoc manus est genitricis;
avique, meaque:*

*Felices, Domini quæ meruere ma-
nus.*

Hic ergo suo auctori reddatur, quem

sibi Cornel. Nepos justo titulo vindicat, quemve coævo suo & familiari P. Attico dedit, cujus etiam rogatu, vitam M. Catonis separatim scripsit, & illi superstes, elegantissimam ejusdem vitæ consuetudinem, elegantia pari profecutus est. Præter Chronica, Libros exemplorum, de Viris Illustribus, & de Vita Catonis, librum se de historicis Græcis conscripsisse testatur in Dione : *sed de hoc in eo meo libro plura sunt exposita, qui de historicis Græcis conscriptus est.* (Sic enim ex MSS. bona fide supplevi) atque alterum edidit *de Latinis historicis*, ex quo excerpta esse fragmenta Corneliæ Gracchorum matris, Gifanii codice probatur. Quod ad Daretis Phrygiî historiam, quam à Cornelio Nepote Latinè redditam, Volaterranus, & alii tradiderunt, elegantia styli potius ducti, quàm certa ratione, dispar stylus est, & dissimilis genius, & si quid in me judicii, Corn. Nepos illo interprete, ut annis, sic nitore sermonis longè superior, quod, collatis utriusque scriptis, facile potest judicari. De hoc auctore ita mihi visum est ;

20 *TESTIMONIA*

salvo tuo (erudite Lector) iudicio.

*PETRUS NANNIUS DE CLARIS
CORNELIIS.*

Cornelius Nepos quàm elegans sit
Scriptor ex vita Pomponii Attici cog-
noscere licet. Dictione certè vetustissima
& simplicissima ; in disponendo nihil
illo accuratius , in fide nihil sanctius.

*O B E R T U S G I F A N I U S
C O N L E C T A N . L U C R E T I A N I S
I N R E F U T A T U S .*

Cupio purissimum illum Scriptorem
aliquando castigatiorem edere , quem
tum docebimus esse *Cornelium Nepotem*,
non verò *Æmilium Probum* , ut vulgò
putant.

*A N D R E A S S C H O T T U S I N
E P I S T O L A A D L E C T .
N O T I S I N F R A G M .
N E P O T I S S U B J E C T A .*

Quod auctoribus non paucis acci-
disse memini , ut multa ingenii monu-
menta , vel ipsis ablata alteri falsò
attribuerentur , vel aliena ipsis subjice-

rentur , quo in vulgus tituli lenocinio magis probarentur , & tamquam à matribus suppositi filii pro veris obtruderentur : idem NEPOTI nostro usu venisse didici. Librum enim *de vita & moribus Excellentium Græciæ Imperatorum* , ad T. Pomponium Atticum , sequioris ætatis auctori Æmilio Probo attribuerunt : à quo stylus , dicendique elegans character , Attici ætas , multaque abjudicant. Scriptorem contra *de Viris Illustribus urbis Romæ* , qui à Proca ad Cn. Pompeium usque , septingentorum annorum memoriam , resque gestas virorum domi militiæque illustrium breviter colligavit , Plinio minori (cui Aldus Manutius adscripserat) ablatum , Nepoti Cornelio multorum ingratiis inscripserunt , & ex Cæcilia gente in Corneliam, obtorto collo, Itali quidam Censores , Hermolaus Barbarus , Janus Parrhasius , Catellianus Cotta, & Dominicus Machaneus, aliique traduxerunt. Sed neutrius mihi videri , admodum adolescens docui singulari Comm. in eum auctorem , Duaci , & Lutetiæ edito : & veterum libr. fide rationumque momentis Sex

22 TESTIMONIA

Aurelio Victori jure postliminii reddidimus : cujus & Historiam Augustam ante me natum nusquam , quod equidem sciam , typis vulgatam , Antuerpiæ primi edidimus. Quare ut illa *Æmilio* adscripta Nepotis esse γνήσια pronuncio ; ita Viros illustres eidem abjudico , &c.

CASPAR. BARTHIVS IN ADVERS.

Æmilius Probus in ævo Theodosii *Cornel. Nepotis.* libros in epitomen redegit.

JACOB. BONGARSIVS; EPISTOLA AD JOAN. NOELIVM.

Justinus à *Nino* , qui primus est τῶν εἰς ἰστορίαν καὶ μνήμην παραδεδωμένων ad Augustum Cæsarem ; non ut Atticus apud M. Ciceronem , septingentorum : sed ut *Cornelius Nepos* , omne ævum , id est , duum millium annorum memoriam , uno libro colligavit.

JOANNES HENRICUS BOECLERUS
IN LIBRO COMMENTARIO
AD BERNEGGERUM.

Herodianus & Cornel. Nepos, veluti in medium digressi, *Vitas* quidem, sed eo composuerunt opere, ut pleraque ad civilem scientiam accommodarent.

IDEM PAULO POST.

Nepos, castigatissimæ moderationis auctor, cum abstinere illa orationum splendidiore cura, descriptionumque productiore ambitu constituisset; quæcumque ad ingenium, disciplinam, privatam consuetudinem pertinent, breviter ac veluti una congestione, absolvit: Cetera actionibus publicis earumque rationibus informandis bona fide attemperat.

ET TANDEM.

In *Nepote* nostro eò minùs duxi dubitandum, quòd viderem omnia publico destinari, omnemque scriptionis formam hinc spectare; in contextu, in

24 TESTIMONIA AUCTORUM.

judiciis , in phrasi vocumque delectu.
In elogiis etiam , quibus vel naturæ
dotes , vel animi artes persequi solet ,
πολιτικώτερος est. Et quæ omnino linea
reperitur , in qua non deprehendat
σύνεσιν illam πολιτικὴν cum δυνάμει ἑρμηνευ-
τικῇ , qui de utraque aliquid intelligit.



SERIES

SERIES EXCELLENTIUM
VIRO RUM , QUORUM VITA
A CORNELIO NEPOTE
SCRIPTA EST.

- I. MILTIADES.
 - II. THEMISTOCLES.
 - III. ARISTIDES.
 - IV. PAUSANIAS.
 - V. CIMON.
 - VI. LYSANDER.
 - VII. ALCIBIADES.
 - VIII. THRASYBULUS.
 - IX. CONON.
 - X. DION.
 - XI. IPHICRATES.
- C

- XII. CHABRIAS.
- XIII. TIMOTHEUS.
- XIV. DATAMES.
- XV. EPAMINONDAS.
- XVI. PELOPIDAS.
- XVII. AGESILAUS.
- XVIII. EUMENES.
- XIX. PHOCION.
- XX. TIMOLEON.
- XXI. REGES.
- XXII. HAMILCAR.
- XXIII. HANNIBAL.

ROMANORUM.

- XXIV. MARCUS PORTIUS CATO.
- XXV. T. POMPONIUS ATTICUS.



CORNELII NEPOTIS
DE
VITA

**EXCELLENTIUM IMPERATORUM,
AD TITUM POMPONIUM
ATTICUM, LIBER PRIOR.**
AUCTORIS PRÆFATIO.



ON dubito fore plerosque;
ATTICE, qui hoc genus
scripturæ, leve, & non
fatis dignum summorum
virosum personis judicent,
cũ relatum legent, quis musicam
docuerit Epaminondam; aut in ejus

virtutibus commemorari, saltasse eum commodè, scienterque tibiis cantasse.

Sed hi erunt ferè, qui expertes litterarum Græcarum, nihil rectum, nisi quod ipsorum moribus conveniat, putabunt. Hi, si didicerint, non eadem omnibus esse honesta atque turpia, sed omnia majorum institutis judicari, non admirabuntur, nos in Græjorum virtutibus exponendis mores eorum secutos. Neque enim Cimonî fuit turpe Atheniensium summo viro, sororem germanam habere in matrimonio: quippe cùm ejus cives eodem uterentur instituto. At id quidem nostris moribus nefas habetur. Laudi in Græcia ducitur adolescentulis, quàm plurimos habere amatores. Nulla Lacedæmoni tam est nobilis vidua, quæ non ad scenam eat mercede conducta. Magnis in laudibus tota fuit Græcia, victorem Olympiæ citari. In scenam verò prodire, & populo esse spectaculo, nemini in eisdem gentibus fuit turpitudini. Quæ omnia apud nos partim infamia, partim humilia, atque ab honestate remota, ponuntur.

Contra ea pleraque nostris moribus sunt decora , quæ apud illos turpia putantur. Quem enim Romanorum pudet uxorem ducere in convivium ? aut cujus materfamilias non primum locum tenet ædium , atque in celebritate versatur ? quod multò fit aliter in Græcia. Nam neque in convivium adhibetur , nisi propinquorum : neque sedet nisi in intèriore parte ædium , quæ *gynæconitis* appellatur. Quò nemo accedit , nisi propinqua cognatione conjunctus.

Sed plura persequi tum magnitudo voluminis prohibet , tum festinatio , ut ea explicem , quæ exorsus sum. Quare ad propositum veniemus , & in hoc exponemus libro *vitas excellentium Imperatorum.*



I.

MILTIADES

CIMONIS FILIUS,

ATHENIENSIS.



U M & antiquitate generis, & gloria majorum, & sua modestia, unus omnium maximè floreret; eaque esset ætate, ut non jam solum de eo bene sperare, sed etiam confidere cives possent sui, talem futurum, qualem cognitum judicarunt: accidit, ut Athenienses Chersonesum colonos vellent mittere. Cujus generis cum magnus numerus esset, &

multi ejus demigrationis peterent societatem , ex his delecti Delphos de-
liberatum missi sunt (qui consulerent
Apollinem) *quo potissimum duce ute-
rentur* : namque tum Thraces eas re-
giones tenebant , cum quibus armis
erat dimicandum. His consulentibus
nominatim Pythia præcepit , *ut Mil-
tiadem sibi Imperatorem sumerent. Id si
fecissent , incepta prospera futura.*

Hoc oraculi responso Miltiades cum
delecta manu classe Chersonesum pro-
fectus, cum accessisset Lemnum, & inco-
las ejus insulæ sub potestatem redigere
vellet Atheniensium , *idque ut Lemnii
sua sponte facerent* , postulasset , illi irri-
dentes responderunt : *tum id se facturos,*
cum ille, domo navibus proficiscens, vento
aquilone venisset Lemnum. Hic enim
ventus à septentrionibus oriens , ad-
versum tenet Athenis proficiscentibus.
Miltiades morandi tempus non habens,
cursum direxit quò tendebat , perve-
nitque Chersonesum.

Cap. II. Ibi brevi tempore barbaro-
rum copiis disjectis, tota regione, quam

32 CORNELII NEPOTIS

petierat, potitus, loca castellis idonea communivit: multitudinem, quam secum duxerat, in agris collocavit, crebrisque excursionibus locupletavit. Neque minùs in ea re prudentiâ, quàm felicitate, adjutus est. Nam cùm virtute militum hostium devicisset exercitus, summâ æquitate res constituit, atque ipse ibidem manere decrevit: erat enim inter eos dignitate regia, quamvis carebat nomine. Neque id magis imperio, quàm justitia, consecutus. Nequẽ eo fecius Atheniensibus, à quibus erat profectus, officia præstabat. Quibus rebus fiebat, ut non minùs eorum voluntate perpetuò imperium obtineret, qui miserant, quàm illorum, cum quibus erat profectus.

Chersoneso tali modo constitutâ Lemnum revertitur, & *ex pacto* postulat, *ut sibi urbem tradant. Illi enim dixerant, cùm vento borea domo profectus eò pervenisset, sese dedituros: se autem domum Chersonesi habere.* Cares, qui tum Lemnum incolebant, etsi præter opinionem res ceciderat, tamen non dicto, sed secundâ fortunâ adver-

fariorum capti , resistere ausi non sunt ,
atque ex insula demigrarunt. Pari felicitate ceteras insulas , quæ Cyclades nominantur , sub Atheniensium redegit potestatem.

III. Eisdem temporibus Persarum rex Darius , ex Asia in Europam exercitu trajecto , Scythis bellum inferre decrevit. Pontem fecit in Istro flumine , quâ copias traduceret. Ejus pontis , dum ipse abesset , custodes reliquit principes quos secum ex Ionia & Æolide duxerat. Quibus singulis ipsarum urbium perpetua dederat imperia. *Sic enim putavit facillimè se Græcâ linguâ loquentes , qui Asiam incolerent , sub sua retenturum potestate , si amicis suis oppida tuenda tradidisset : quibus se oppresso nulla spes salutis relinqueretur.* In hoc fuit tum numero Miltiades , cui illa custodia crederetur. Hic , cùm crebri afferrent nuntii , malè rem gerere Darium , premique ab Scythis , Miltiades hortatus est pontis custodes : *ne à fortuna datam occasionem liberandæ Græciæ dimitterent. Nam si cum his copiis , quas secum transportaverat , interiisses*

34 CORNELII NEPOTIS

*Darius, non solum Europam fore tutam, sed etiam eos, qui Asiam incole-
rent Græci genere, liberos à Persarum
futuros dominatione & periculo. Id &
facile effici posse. Ponte enim rescisso,
Regem vel hostium ferro, vel inopiâ, pau-
cis diebus interiturum.*

Ad hoc consilium cùm plerique ac-
cederent, Histiaeus Milesius ne res
conficeretur, obstitit dicens: *non
idem ipsis, qui summas imperii tenerent,
expedire, & multitudini: quòd Darii
regno ipsorum niteretur dominatio. Quo
extincto ipsos potestate expulsos civibus
suis pœnas daturos. Itaque adeo se ab-
horrere à ceterorum consilio, ut nihil
putet ipsis utilius, quàm confirmari reg-
num Persarum.* Hujus cùm sententiam
plurimi essent secuti, Miltiades non
dubitans, tam multis consciis ad regis
aures consilia sua perventura, Cherso-
nesum reliquit, ac rursus Athenas de-
migravit. Cujus ratio etsi non valuit,
tamen magnopere est laudanda, cùm
amicior omnium libertati, quàm sua
fuerit dominationi.

VI. Darius autem , cùm ex Europa in Asiam redisset , hortantibus amicis , *ut Græciam redigeret in suam potestatem* , classẽ quingentarum navium comparavit , eique Datim præfecit , & Artaphernem ; hisque ducenta peditum , decem millia equitum dedit : causam interferens , *se hostem esse Atheniensibus* , quòd eorum auxilio Iones Sardeis expugnassent , suaque præsidia interfecissent. Illi præfecti regii classe ad Eubœam appulsa , celeriter Eretriam ceperunt , omnesque ejus gentis cives abreptos in Asiam ad Regem miserunt. Indè ad Atticam accesserunt , ac suas copias in campum Marathona deduxerunt. Is abest ab oppido circiter millia passuum decem.

Hoc tumultu Athenienses tam propinquo , tamque magno permoti , auxilium nusquam nisi à Lacedæmoniis , petiverunt ; Philippidemque cursorem ejus generis , qui *hemerodromæ* vocantur , Lacedæmonem miserunt , ut nunciaret *quàm celeri opus esset auxilio*. Domi autem creati decem prætores ,

36 CORNELII NEPOTIS

qui exercitui præessent ; in eis Miltiades. Inter quos magna fuit contentio , *utrum mænibus se defenderent , an obviam irent hostibus , acieque decernerent.* Unus Miltiades maximè nitebatur , *ut primo quoque tempore castra fierent. Id si factum esset , & civibus animum accessurum , cum viderent de eorum virtute non desperari ; & hostes eadem re fore tardiores , si animadverterent , auderi adversus se tam exiguis copiis dimicare.*

V. Hoc in tempore nulla civitas Atheniensibus auxilio fuit præter Plataenses. Ea mille misit militum. Itaque horum adventu decem millia armatorum completa sunt : quæ manus mirabili flagrabat pugnandi cupiditate ; quo factum est , ut plus , quàm collegæ , Miltiades valuerit. Ejus enim auctoritate impulsî Athenienses , copias ex urbe eduxerunt , locoque idoneo castra fecerunt. Deinde postero die sub montis radicibus , acie è regione instructa , nova arte , vi summa prælium commiserunt. Namque arbores multis locis erant raræ , hoc consilio , *ut & montium tegerentur altitudine , & arborum tractu*

equitatus hostium impediretur, ne multitudine clauderentur.

Datis, etsi non locum æquum videbat suis, tamen fretus numero copiarum suarum, confluere cupiebat: eoque magis, quod *priusquam Lacedæmonii subsidio venirent, dimicare, utile arbitrabatur.* Itaque in aciem peditum centum, equitum decem millia produxit, præliumque commisit. In quo tanto plus virtute valuerunt Athenienses, ut decemplicem numerum hostium profligarent: adeoque perterruerunt, ut Persæ non castra, sed naves peterent. Qua pugna nihil adhuc est nobilius. Nulla enim unquam tam exigua manus tantas opes prostravit.

VI. Cujus victoriæ non alienum videtur, quale præmium Miltiadi sit tributum, docere. Quo facilius intelligi possit, eandem omnium civitatum esse naturam. Ut enim populi nostri honores quondam fuerunt rari & tenues, ob eamque causam gloriosi; nunc autem effusi, atque obsoleti: sic olim apud Athenienses fuisse reperimus,

38 CORNELII NEPOTIS

Namque huic Miltiadi, qui Athenas ; totamque Græciam liberarat, talis honos tributus est in porticu, quæ *Pæcile* vocatur, cum pugna depingeretur Marathoniam : ut in decem prætorum numero prima ejus imago poneretur, isque hortaretur milites, præliumque committeret. Idem ille populus, posteaquam majus imperium est nactus, & largitione magistratuum corruptus est, trecentas statuas Demetrio Phalereo decrevit.

VII. Post hoc prælium classem septuaginta navium Athenienses eidem Miltiadi dederunt, ut insulas, quæ barbaros adjuverant, bello persequeretur. Quo imperio plerasque ad officium redire coëgit, nonnullas vi expugnavit. Ex his Parum insulam opibus elatam, cum oratione reconciliare non posset ; copias è navibus eduxit, urbem operibus clausit, omnique commeatu privavit : deinde vineis ac testudinibus constitutis, propius muros accessit. Cum jam in eo esset, ut oppido potiretur, procul in continenti lucus, qui ex insula conspiciebatur, nescio quo

casu, nocturno tempore incensus est :
cujus flamma ut ab oppidanis & op-
pugnatoribus est visa, utrisque venit
in opinionem, signum à classiariis regiis
datum. Quo factum est, ut & Parii à
deditioe deterrentur, & Miltiades
timens, ne classis regia adventaret,
incensis operibus quæ statuerat, cum
totidem navibus atque erat profectus,
Athenas magna cum offensione ci-
vium suorum rediret.

Accusatus ergo *proditionis*, quòd
cùm Parum expugnare posset, à Rege
corruptus infectis rebus à pugna dis-
cessisset. Eo tempore æger erat vulne-
ribus quæ in oppugnando oppido ac-
ceperat. Itaque quoniam ipse pro se
dicere non posset, verba pro eo fecit
frater ejus Tisagoras. Causâ cognitâ,
capitis absolutus, pecuniâ multatus est;
eaque lis quinquaginta talentis aestimata
est, quantus in classem sumptus factus
erat. Hanc pecuniam quòd solvere in
præsentia non poterat, in vincula pu-
blica conjectus est, ibique diem obiit
supremum.

Hic etsi crimine Pario est accusatus , tamen alia fuit causa damnationis. Nam Athenienses, propter Pisistrati tyrannidem quæ paucis annis ante fuerat , omnium suorum civium potentiam extimescebant. Miltiades multum in imperiis magistratibusque versatus , non videbatur posse esse privatus, præsertim cum consuetudine ad imperii cupiditatem trahi videretur. Nam Chersonesi omnes illos , quos habitârat , annos perpetuam obtinuerat dominationem , *Tyrannus*que fuerat appellatus , sed justus. Non erat enim vi consecutus, sed suorum voluntate , eamque potestatem bonitate retinuerat. Omnes autem & habentur & dicuntur Tyranni , qui potestate sunt perpetuâ in ea civitate , quæ libertate usa est. Sed in Miltiade erat cum summa humanitas , tum mira comitas , ut nemo tam humilis esset , cui non ad eum aditus pateret : magna auctoritas apud omnes civitates , nobile nomen , laus rei militaris maxima. Hæc populus respiciens , *maluit eum innoxium plecti , quàm se diutiùs esse in timore.*

THEMISTOCLES



II.

THEMISTOCLES

NEOCLI FILIUS,

ATHENIENSIS.



HUJUS vitia ineuntis adolescentiæ magnis sunt emendata virtutibus : adeo ut anteferatur huic nemo ; pauci pares putentur. Sed ab initio est ordiendum. Pater ejus Neoclus generosus fuit. Is uxorem Halicarnassiam civem duxit , ex qua natus est Themistocles. Qui cùm minùs esset probatus parentibus , quòd & liberius

D

42 CORNELII NEPOTIS

vivebat , & rem familiarem negligebat ; à patre exheredatus est. Quæ contumelia non fregit eum , sed erexit. Nam cùm judicasset , sine summa industria non posse eam extinguere , totum se dedit reipublicæ , diligentius amicis , famæque serviens. Multùm in judiciis privatis versabatur , sæpè in concionem populi prodibat , nulla res major sine eo gerebatur , celeriterque quæ opus erant , reperiebat. Neque minùs in rebus gerendis promptus , quàm excogitandis , erat : quod & *de instantibus* (ut ait Thucydides) *verissimè judicabat* , & *de futuris callidissimè conjiciebat*. Quo factum est ut brevi tempore illustraretur.

Cap. II. Primus autem gradus fuit capeffendæ reipublicæ bello Corcyræo : ad quod gerendum prætor à populo factus , non solum præsentì bello , sed etiam reliquo tempore , ferociorem reddidit civitatem. Nam cùm pecunia publica , quæ ex metallis redibat , largitione magistratuum quotannis interiret , ille persuasit populo , ut eâ pecuniâ classis centum navium ædificaretur. Quæ celeriter effecta , primùm Corcyræos fre-

THEMISTOCLES. II. 43

git, deinde maritimos prædones confectando mare tutum reddidit. In quo cum divitiis ornavit, tum etiam peritissimos belli navalis fecit Athenienses. Id quantæ salutis fuerit universæ Græciæ, bello cognitum est Persico. Nam cum Xerxes & mari & terrâ bellum universæ inferret Europæ, cum tantis eam copiis invasit, quantas neque antea, neque postea habuit quisquam. Hujus enim classis mille & ducentarum navium longarum fuit, quam duo milia onerariarum sequebantur: terrestres autem exercitus septingentorum millium peditum, equitum quadringentorum millium fuerunt.

Cujus de adventu cum fama in Græciam esset perlata & maximè Athenienses peti dicerentur, propter pugnam Marathoniam, miserunt Delphos consultum, *quidnam facerent de rebus suis*. Deliberantibus Pythia respondit, *ut mœnibus ligneis se munirent*. Id responsum quò valeret, cum intelligeret nemo, Themistocles persuasit, *consilium esse Apollinis, ut in naves se suaque conferrent, cum enim à Deo significari*

44 CORNELII NEPOTIS

murum ligneum. Tali consilio probato addunt ad superiores totidem naves triremes ; suaque omnia quæ moveri poterant , partim Salaminem , partim Trœzenem asportant : arcem sacerdotibus paucisque majoribus natu , ac sacra procuranda tradunt , reliquum oppidum relinquunt.

III. Hujus consilium plerisque civitatibus displicebat , & *in terra dimicari* magis placebat. Itaque missi sunt delecti cum Leonida Lacedæmoniorum Rege , qui Thermopylas occuparent , longiusque barbaros progredi non paterentur. Hi vim hostium non sustinuerunt , eoque loco omnes interierunt. At classis communis Græciæ trecentarum navium , in qua ducentæ erant Atheniensium , primùm apud Artemisium , inter Eubœam continentemque terram , cum classiariis regis conflixit. Angustias enim Themistocles quærebat ne multitudine circumiretur. Hic etsi pari prælio discesserant , tamen eodem loco non sunt ausi manere : quòd erat periculum , ne , si pars navium adversariorum Eubœam superas-

THEMISTOCLES. II. 45

set , ancipiti premerentur periculo. Quo factum est , ut ab Artemisio discederent , & adversum Athenas apud Salamina classem suam constituerent.

IV. At Xerxes Thermopylis expugnatiss protinus accessit Astu , idque nullis defendentibus , interfectis sacerdotibus quos in arce invenerat , incendio delevit. Cujus fama perterriti classarii cum manere non auderent , & plurimi hortarentur , *ut domos suas discederent , mœnibusque se defenderent ; Themistocles unus restitit , & universos esse pares aiebat , dispersos testabatur perituros ;* idque Eurybiadi Regi Lacedæmoniorum , qui tum summæ imperii præerat , fore affirmabat. Quem cum minus , quàm vellet , moveret , noctu de servis suis , quem habuit fidelissimum , ad Regem misit , ut ei nunciaret suis verbis : *adversarios ejus in fugâ esse : qui si discessissent , majore cum labore , & longinquiore tempore bellum confecturum , cum singulos consecrari cogeretur. Quos si statim aggrederetur , brevi universos oppressurum.* Hoc eò vale-

46 CORNELII NEPOTIS

bat, ut ingratis ad depugnandum omnes cogerentur. Hac re audita, barbarus nihil doli subesse credens, postriedie alienissimo sibi loco, contra opportunissimo hostibus, adeo angusto mari confligit, ut ejus multitudo navium explicari non potuerit. Victus ergo est magis consilio Themistoclis, quam armis Græciæ.

V. Hic etsi malè rem gesserat, tamen tantas habebat reliquias copiarum, ut etiam cum his opprimere posset hostes. Interim ab eodem gradu depulsus est. Nam Themistocles verens ne bellare perseveraret, certiorẽ eum fecit, *id agi, ut pons, quem ille in Hellesponto fecerat, dissolveretur, ac reditu in Asiam excluderetur.* Idque ei persuasit. Itaque quà sex mensibus iter fecerat, eadem minùs diebus triginta in Asiam reversus est; *seque à Themistocle non superatum, sed conservatum* judicavit. Sic unius viri prudentiã Græcia liberata est, Europæque succubuit Asia. Hæc altera victoria quæ cum Marathonio possit comparari trophæo. Nam pari modo apud Salamina parvo numero

THEMISTOCLES. II. 47

navium maxima post hominum memoriam classis est devicta.

VI. Magnus hoc bello Themistocles fuit, nec minor in pace. Cum enim Phalereo portu neque magno, neque bono, Athenienses uterentur, hujus consilio triplex Piræei portus constitutus est: isque mœnibus circumdatus, ut ipsam urbem dignitate æquipararet, utilitate superaret. Idemque muros Atheniensium restituit præcipuo periculo suo. Namque Lacedæmonii causam idoneam nacti propter barbarorum excursiones, quâ *negarent oportere extra Peloponnesum ullam urbem haberi, ne essent loca munita quæ hostes possiderent*, Athenienses ædificantes prohibere sunt conati. Hoc longè aliò spectabat atque videri volebant. Athenienses enim duabus victoriis, Marathoniam & Salaminiam, tantam gloriam apud omnes gentes erant consecuti, ut intelligerent Lacedæmonii, *de Principatu sibi cum his certamen fore*. Quare eos quàm infirmissimos esse volebant.

Postquam autem audierunt muros

48 CORNELII NEPOTIS

instrui , legatos Athenas miserunt , qui *id fieri vetarent*. His præsentibus desierunt , *ac se de ea re legatos ad eos missuros dixerunt*. Hanc legationem suscepit Themistocles , & solus primò profectus est. *Reliqui legati ut tum exirent , cùm satis altitudo muri exstructa videretur præcepit*. Interim omnes servi atque liberi opus facerent , neque ulli loco parcerent , *sive sacer esset , sive profanus , sive privatus , sive publicus , & undique quod idoneum ad muniendum putarent , congererent*. Quo factum est , ut Atheniensium muri ex facellis sepulcrisque constarent.

VII. Themistocles autem , ut Lacedæmonem venit , adire ad magistratus noluit , & dedit operam , ut quàm longissimè tempus duceret : causam interponens , *se collegas expectare*. Cùm Lacedæmonii quererentur , *opus nihilominus fieri , eumque ea re conari fallere* , interim reliqui legati sunt consecuti ; à quibus cùm audisset , non multùm superesse munitionis , ad Ephoros Lacedæmoniorum accessit , penes quos summum imperium erat : atque apud eos contendit ,

THEMISTOCLES. II. 49

contendit, *falsa his esse delata: quare
 æquum esse, illos, viros bonos nobiles-
 que mittere, quibus fides haberetur, qui
 rem explorarent: interea se obsidem reti-
 nerent.* Gestus est ei mos, tresque le-
 gati, functi summis honoribus, Athe-
 nas missi sunt. Cum his collegas suos
 Themistocles jussit proficisci: eisque
 prædixit, *ut ne prius Lacedæmoniorum
 legatos dimitterent, quàm ipse esset re-
 missus.*

Hos postquam Athenas pervenisse
 ratus est, ad magistratum, senatum-
 que Lacedæmoniorum adiit, & apud
 eos liberrimè professus est: *Athenienses
 suo consilio, quod communi jure gentium
 facere possent, Deos publicos, suosque
 patrios ac penates, quò faciliùs ab hoste
 possent defendere, muris sepsisse; neque
 eo, quod inutile esset Græciæ, fecisse.*
*Nam illorum urbem ut propugnaculum
 oppositum esse barbaris, apud quam jam
 bis classem regiam fecisse naufragium.*
*Lacedæmonios autem malè & injustè fa-
 cere, qui id potiùs intuerentur, quod ip-
 sorum dominationi, quàm quod universæ
 Græciæ utile esset. Quare si suos legatos*

E

recipere vellent , quos Athenas miserant , se remitterent : aliter illos nunquam in patriam essent recepturi.

VIII. Tamen non effugit civium suorum invidiam : namque ob eundem timorem , quo damnatus erat Miltiades , testarum suffragiis è civitate ejectus , Argos habitatum concessit. Hic cum propter multas ejus virtutes magna cum dignitate viveret , Lacedæmonii legatos Athenas miserunt , qui eum absentem accusarent , *quòd societatem cum Rege Persarum ad Græciam opprimendam fecisset.* Hoc crimine absens prodicionis est damnatus. Id ut audivit , quod non satis tutum se Argis videbat , Corcyram demigravit. Ibi cum ejus principes civitatis animadvertisset timere , ne propter se bellum his Lacedæmonii & Athenienses indicerent , ad Admetum Molossorum regem , cum quo ei hospitium fuerat , confugit. Huc cum venisset , & in præsentia Rex abesset , quò majore religione se receptum tueretur , filiam ejus parvulam arripuit , & cum ea se in sacrum , quod summa colebatur cerimo-

THEMISTOCLES. II. 51

nia, coniecit. Indè non priùs egressus est, quàm Rex eum datâ dextrâ in fidem reciperet: quam præstitit.

Nam cùm ab Atheniensibus & Lacedæmoniis exposceretur publicè, supplicem non prodidit; monuitque, *ut consuleret sibi; difficile enim esse, in tam propinquo loco tutò versari.* Itaque Pydnam eum deduci iussit, & quod satis esset præsidii dedit. Hac re audita, hic in navem omnibus ignotus nautis ascendit: quæ cùm tempestate maximâ Naxum ferretur, ubi tum Atheniensium erat exercitus, sensit Themistocles, si eò pervenisset, sibi esse pereundum. Hac necessitate coactus, domino navis, qui sit, aperit, multa pollicens si se conservasset. At ille clarissimi viri captus misericordia, diem noctemque procul ab insula in falo navem tenuit in ancoris, neque quemquam ex ea exire passus est. Indè Ephesum pervenit, ibique Themistoclem exponit: cui ille pro meritis gratiam postea retulit.

IX. Scio plerosque ita scripisse, Themistoclem Xerxe regnante in

52 CORNELII NEPOTIS

Asiam transiisse. Sed ego potissimum Thucydidi credo, quod ætate proximus erat, qui illorum temporum historiam reliquerunt, & ejusdem civitatis fuit. Is autem ait, ad Artaxerxem eum venisse, atque his verbis epistolam misisse: *Themistocles veni ad te, qui plurima mala omnium Grajorum in domum tuam intuli, cum mihi necesse fuit adversum patrem tuum bellare, patriamque meam defendere. Idem multò plura bona feci, postquam in tuto ipse, & ille in periculo esse cœpit. Nam cum in Asiam reverti vellet, prælio apud Salamina factò, litteris eum certiores feci, id agi, ut pons, quem in Hellesponto fecerat, dissolveretur, atque ab hostibus circumiretur. Quo nuntio ille periculo est liberatus. Nunc ad te autem confugi, exagitatus à cuncta Græcia, tuam petens amicitiam: quam si ero adeptus, non minùs bonum amicum habebis, quàm fortem inimicum ille expertus est. Ea autem rogo, ut de his rebus, de quibus tecum loqui volo, annum mihi temporis des, eoque transactò, me ad te venire patiaris.*

X. Hujus Rex animi magnitudinem admirans, cupiensque talem virum sibi conciliari, veniam dedit. Ille omne illud tempus litteris sermonique Persarum dedit: quibus adeo eruditus est, ut multò commodiùs dicatur apud Regem verba fecisse, quàm hi poterant; qui in Perside erant nati. Hic cùm multa Regi esset pollicitus, gratissimumque illud, *si suis uti consiliis vellet, illum Græciam bello oppressurum*; magnis muneribus ab Artaxerxe donatus, in Asiam rediit; domiciliumque Magnesiæ sibi constituit. Namque hanc urbem ei Rex donarat, his usus verbis; *quæ ei panem præberet*: (ex qua regione quinquaginta ei talenta quotannis redibant) Lampfacum autem *unde vinum sumeret*: Myuntem *ex qua opsonium haberet*.

Hujus ad nostram memoriam monumenta manserunt duo: sepulcrum prope oppidum in quo est sepultus; statuæ in foro Magnesiæ. De cujus morte multimodis apud plerosque scriptum est: sed nos eundem potissimum *Thucydidem* auctorem probamus: qui *illum*

54 CORNELII NEPOTIS

ait *Magnesiæ morbo mortuum* : neque negat fuisse famam , venenum suâ sponte sumpsisse , cùm se , quæ Regi de Græcia opprimenda pollicitus esset , præstare posse desperaret. Idem ossa ejus clam in *Attica* ab amicis esse sepulta , quoniam legibus non concederetur , quod proditiōis esset damnatus , memoriæ prodidit.



W. H. V. F.



III.

ARISTIDES

LYSIMACHI FILIUS;

ATHENIENSIS.



Qualis ferè fuit Themistocli. Itaque cum eo de principatu contendit: namque obtreclarunt inter se.

In his autem cognitum est, quanto antistaret eloquentia innocentiae. Quamquam enim adeo excelebat Aristides abstinentiâ, ut unus post hominum memoriam, quod quidem nos audierimus, cognomine *Justus*

fit appellatus, tamen à Themistocle collabefactus testulâ illâ, exilio decem annorum multatus est. Qui quidem cùm intelligeret reprimi concitatam multitudinem non posse, cedensque animadverteret quemdam scribentem, ut patriâ pelleretur, quæsisse ab eo dicitur: *quare id faceret, aut quid Aristides commisisset, cur tantâ pœnâ dignus duceretur?* Cui ille respondit: *se ignorare Aristidem; sed sibi non placere, quòd tam cupidè elaborasset, ut præter ceteros justus appellaretur.* Hic decem annorum legitimam pœnam non pertulit. Nam postquam Xerxes in Græciam descendit, sexto ferè anno quàm erat expulsus, populiscito in patriam restitutus est.

Cap. II. Interfuit autem pugnæ navali apud Salamina, quæ facta est priùs, quàm pœnâ liberaretur. Idem prætor fuit Atheniensium apud Plataecas in prælio, quo Mardonius fusus, barbarorumque exercitus est interfectus. Neque aliud est ullum hujus in re militari illustre factum, quàm hujus imperii memoria; justitiæ verò & æquitatis, & innocentiae multa. In primis, quod

ARISTIDES. III. 57

ejus æquitate factum est, cùm in communi classe esset Græciæ simul cum Pausania, quo duce Mardonius erat fugatus, ut summa imperii maritimi ab Lacedæmoniis transferretur ad Athenienses; namque ante id tempus & mari & terrâ duces erant Lacedæmonii. Tum autem & intemperantiâ Pausaniæ, & justitiâ factum est Aristidis, ut omnes ferè civitates Græciæ ad Atheniensem societatem se applicarent, & adversus barbaros hos duces deligerent sibi, quò faciliùs repellerent, si fortè bellum renovare conarentur.

III. Ad classes ædificandas, exercitusque comparandos quantum pecuniæ quæque civitas daret, Aristides delectus est, qui constitueret. Ejus arbitrio quadringenta & sexaginta talenta quotannis Delum sunt collata. Id enim commune ærarium esse voluerunt. Quæ omnis pecunia postero tempore Athenas translata est. Hic quâ fuerit abstinentiâ nullum est certius indicium, quàm quòd, cùm tantis rebus præfuisset, in tanta paupertate decessit, ut quî efferretur, vix reliquerit. Quo fac:

58 CORN. N. ARISTID. III.

tum est , ut filiæ ejus publicè alerentur ,
& de communi ærario dotibus datis
collocarentur. Decessit autem ferè post
annum quartum quàm Themistocles
Athenis erat expulsus.





IV.

PAUSANIAS

LACEDÆMONIUS.



Agnus homo, sed varius in omni genere vitæ fuit. Nam ut virtutibus eluxit, sic vitiis est obrutus. Hujus illustrissimum est prælium apud Plataëas. Namque illo duce Mardonius satrapes regius, natione Medus, Regis gener, in primis omnium Persarum & manu fortis & consilii plenus, cum ducentis millibus peditem, quos viritem legerat, & viginti millibus equitem, haud ita magna

60 CORNELII NEPOTIS

manu Græciâ fugatus est, eoque ipse dux cecidit prælio. Quâ victoriâ elatus plurima miscere cœpit & majora concupiscere. Sed primum in eo est reprehensus, quòd ex præda tripodem aureum Delphis posuisset epigrammate scripto, in quo erat hæc sententia : *SUO DUCTU BARBAROS APUD PLATÆAS ESSE DELETOS, EJUSQUE VICTORIÆ ERGO APOLLINI DONUM DEDISSE.* Hos versus Lacedæmonii exsculpservnt, neque aliud scripserunt, quàm nomina earum civitatum quarum auxilio Persæ erant victi.

Cap. II. Post id prælium, eundem Pausaniam cum classe communi Cyprium, atque Hellespontum miserunt, ut ex his regionibus barbarorum præsidia depelleret. Pari felicitate in ea re usus, elatiùs se gerere cœpit, majoresque appetere res. Nam cum, Byzantio expugnato, cepisset complures Persarum nobiles, atque in his nonnullos Regis propinquos, hos clam Xerxi remisit, simulans ex vinculis publicis effugisse; & cum his Gongylum Ere-

PAUSANIAS. IV. 61

triensem , qui litteras Regi redderet , in quibus hæc fuisse scripta Thucydides memoriæ prodidit. *Pausanias dux Spartæ , quos Byzantii ceperat , postquam propinquos tuos cognovit , tibi muneri misit ; seque tecum affinitate conjungi cupit : quare , si tibi videtur , des ei filiam tuam nuptum. Id si feceris , & Spartam , & ceteram Græciam sub tuam potestatem , se adjuvante , te redacturum pollicetur. His de rebus si quid geri volueris , certum hominem ad eum mittas face , cum quo colloquatur.*

Rex tot hominum salute , tam sibi necessariorum , magnoperè gavissus , confestim cum epistola Artabazum ad Pausaniam mittit. In qua eum collaudat , ac petit , *ne cui rei parcat ad ea perficienda , quæ pollicetur. Si fecerit , nullius rei à se repulsam laturum.* Hujus Pausanias voluntate cognita , alacrior ad rem gerendam factus , in suspicionem cecidit Lacedæmoniorum. In quo facto domum revocatus , accusatus capitis , absolvitur ; multatur tamen pecuniâ. Quam ob causam ad classem remissus non est.

III. At ille post non multò suâ sponte ad exercitum rediit, & ibi non calida, sed dementi ratione, cogitata patefecit. Non enim mores patrios solum, sed etiam cultum, vestitumque mutavit. Apparatu regio utebatur, veste Medica: satellites Medi & Ægyptii sequebantur: epulabatur more Persarum luxuriosius, quàm qui aderant perpeti possent: aditum petentibus conveniendi non dabat: superbè respondebat, & crudeliter imperabat: Spartam redire nolebat. Golonas, qui locus in agro Troade est, se contulerat: ubi consilia cùm patriæ, tum sibi inimica capiebat.

Id postquam Lacedæmonii resciverunt, legatos ad eum cum scytala miserunt: in qua more illorum erat scriptum, *nisi domum reverteretur, se capitis eum damnaturos*. Hoc nuntio commotus, sperans se etiam pecuniâ & potentiâ instans periculum posse depellere, domum rediit. Huc ut venit, ab Ephoris in vincula publica conjectus est. Licet enim legibus eorum cuivis Ephoro hoc facere Regi. Hinc tamen se expedit;

PAUSANIAS. IV. 63

neque eò magis carebat suspicione. Nam opinio manebat, eum cum Rege habere societatem. Est genus quoddam hominum, quod *Helotes* vocatur, quorum magna multitudo agros Lacedæmoniorum colit, servorumque munere fungitur; hos quoque sollicitare spe libertatis existimabatur: sed quòd harum rerum nullum erat apertum crimen, quo argui posset, non putabant de tali tamque claro viro suspicionibus oportere judicari, sed expectandum, dum se ipsa res aperiret.

IV. Interim Argilius quidam adolescentulus, quem puerum Pausanias amore Venereo dilexerat, cùm epistolam ab eo ad Artabazum accepisset, eique in suspensionem venisset, aliquid in ea de se esse scriptum, quòd nemo eorum rediisset, qui super tali causâ eòdem missi erant: vincula epistolæ laceravit, signoque detractò cognovit, si pertulisset, sibi esse percundum. Erant in eadem epistola, quæ ad ea pertinebant, quæ inter Regem Pausaniamque convenerant. Has ille litteras Ephoris tradidit. Non est prætereunda gravitas,

64 CORNELII NEPOTIS

Lacedæmoniorum hoc loco : nam ne hujus quidem indicio impulsī sunt , ut Pausaniam comprehenderent , neque prius vim adhibendam putaverunt , quàm se ipse indicasset. Itaque huic indici , quid fieri vellent , præceperunt.

Fanum Neptuni est Tænari, quod violari nefas putant Græci. Eò ille index confugit : in ara confedit : hanc juxta , locum fecerunt sub terra , ex quo posset audiri , si quis quid loqueretur cum Argilio: huc ex Ephoris quidam descenderunt. Pausanias , ut audivit Argilium confugisse in aram , perturbatus eò venit : quem cum supplicem Dei videret in ara sedentem , quærit causæ quid sit tam repentini consilii ; huic ille , quid ex litteris comperisset , aperit. Tantò magis Pausanias perturbatus orare cœpit , ne enunciaret , nec se meritum de illo optimè proderet ; quòd si eam veniam sibi dedisset , tantisque implicatum rebus sublevasset , magno esse ei præmio futurum.

V. His rebus Ephori cognitīs , satius putaverunt in urbe eum comprehendī.
Quò

PAUSANIAS. IV. 65

Quò cùm essent profecti, & Pausanias placato Argilio, ut putabat, Lacedæmonem reverteretur; in itinere, cùm jam in eo esset, ut comprehenderetur, è vultu cujusdam Ephori, qui eum admonere cupiebat, insidias sibi fieri intellexit. Itaque paucis antè gradibus, quàm qui sequebantur, in ædem Minervæ, quæ Chalcioæcus vocatur, confugit. Hinc ne exire posset, statim Ephori valvas ejus ædis obstruxerunt, tectumque sunt demoliti, quò facilius sub divo interiret. Dicitur eo tempore matrem Pausaniæ vixisse, eamque jam magno natu, postquam de scelere filii comperit, in primis, ad filium claudendum, lapidem ad introitum ædis attulisse. Sic Pausanias magnam belli gloriam turpi morte maculavit. Hic cùm semianimis de templo elatus esset, confestim animam efflavit. Cujus mortui corpus cùm eodem nonnulli dicerent inferri oportere, quò hi qui ad supplicium essent dati, displicuit pluribus: & procul ab eo loco infoderunt, in quo erat mortuus. Indè posterius Dèi Delphici responso erutus, atque eodem loco sepultus, ubi vitam posuerat.



C I M O N

MILTIADIS FILIUS;
ATHENIENSIS.



Uro admodum initio usus est adolescentiæ: nam cùm pater ejus litem æstimatam populo solvere non potuisset, ob eamque causam in vinculis publicis decessisset, Cimon eâdem custodiâ tenebatur, neque legibus Atheniensibus emitti poterat, nisi pecuniam, qua pater multatus esset, solvisset. Habebat autem in matri-

CORN. N. CIMON. V. 67

monio sororem germanam suam, nomine Elpinicen : non magis amore , quàm more ductus ; nam Atheniensibus licet eodem patre natas uxores ducere. Hujus conjugii cupidus Callias quidam , non tam generosus , quàm pecuniosus , qui magnas pecunias ex metallis fecerat , egit cum Cimone , ut eam sibi uxorem daret : id si impetrasset , se pro illo pecuniam soluturum. Is cùm talem conditionem aspernaretur , Elpinice *negavit se passuram Miltiadis progeniem in vinculis publicis interire , quoniam prohibere posset ; seque Calliæ nupturam , si ea , quæ polliceretur , præstitisset.*

Cap. II. Tali modo custodiâ liberatus Cimon , celeriter ad principatum pervenit. Habebat enim satis eloquentiæ , summam liberalitatem , magnam prudentiam cùm juris civilis , tum rei militaris , quòd cum patre à puero in exercitibus fuerat versatus. Itaque hic & populum urbanum in sua tenuit potestate , & apud exercitum plurimum valuit auctoritate. Primùm imperator apud flumen Strymona magnas copias Thracum fugavit : oppidum Amphi-

68 CORNELII NEPOTIS

polim constituit, eoque decem millia Atheniensium in coloniam misit. Idem iterum apud Mycalen Cypriorum & Phœnicum ducentarum navium classem devictam cepit. Eodemque die pari fortunâ in terra usus est; namque hostium navibus captis, statim ex classe copias suas eduxit, barbarorum uno concursu maximam vim prostravit. Quâ victoriâ, magnâ prædâ potitus, cum domum reverteretur, quod jam nonnullæ insulæ, propter acerbitem imperii, defecerant, benè animatas confirmavit, alienatas ad officium redire coëgit. Scyrum, quam eo tempore Dolopes incolebant, quod contumaciùs se gesserat, vacuefecit, sessores veteres urbe insulâque ejecit, agros civibus divisit. Thasios opulentiâ fretos suo adventu fregit. His ex manubiis Athenarum arx, quâ ad meridiem vergit, est ornata.

III. Quibus rebus cum unus in civitate maximè floreret, incidit in eandem invidiam, quam pater suus ceterique Atheniensium principes; nam testarum suffragiis, quod illi *ostracis*:

mum vocant , decem annorum exilio multatus est. Cujus facti celerius Athenienses , quàm ipsum , pœnituit : nam cùm ille forti animo invidiæ ingratorum civium cessisset , bellumque Lacedæmonii Atheniensibus indixissent , confestim notæ ejus virtutis desiderium consecutum est. Itaque post annum quintum , quàm expulsus erat , in patriam revocatus est. Ille , quodd hospitio Lacedæmoniorum utebatur , satius existimans , eos & cives suos inter se unâ voluntate consentire , quàm armis contendere , Lacedæmonem suâ sponte est profectus , pacemque inter duas potentissimâs civitates conciliavit ; post , neque ita multò , Cyprum cum ducentis navibus imperator missus , cùm ejus majorem partem insulæ devicisset , in morbum implicitus , in oppido Citio est mortuus.

IV. Hunc Athenienses non solum in bello , sed in pace , diu desideraverunt. Fuit enim tanta liberalitate , cùm compluribus locis prædia , hortosque haberet , ut nunquam in eis custodem imposuerit fructus servandi gratiâ , ne quis

impediretur quò minus ejus rebus , quibus quisque vellet , frueretur. Semper eum pedissequi cum nummis sunt secuti , ut , si quis opis ejus indigeret , haberet , quod statim daret , ne differendo videretur negare. Sæpè , cùm aliquem offensum fortunâ videret minùs benè vestitum , suum amiculum dedit. Quotidie sic cœna ei coquebatur , ut , quos invocatos vidisset in foro , omnes devocaret : quod facere nullum diem prætermittebat. Nulli fides ejus , nulli opera , nulli res familiaris defuit , multos locupletavit : complures pauperes mortuos , qui unde efferrentur non reliquissent , suo sumptu extulit. Sic se gerendo , minimè est mirandum , si & vita ejus fuit secura , & mors acerba.





VI.

LYSANDER LACEDÆMONIUS.

MAGNAM reliquit sui famam, magis felicitate, quàm virtute partam. Athenienses enim in Peloponnesios sexto & vicesimo anno bellum gerentes confecisse, apparet. Id quâ ratione consecutus sit, latet. Non enim virtute sui exercitûs, sed immodestiâ factum est adversariorum: qui quoddam dicto audientes imperatoribus suis non erant, dispalati in agris, relictis navibus, in hostium ve-

72 CORNELII NEPOTIS

nerunt potestatem. Quo facto Athenienses se Lacedæmoniis dediderunt. Hac victoria Lyfander elatus, cū antea semper factiosus, audaxque fuisset, sic sibi indulfit, ut ejus operā in maximum odium Græciæ Lacedæmonii pervenerint. Nam cū hanc causam Lacedæmonii dictitassent sibi esse belli, *ut Atheniensium impotentem dominationem refringerent*, postquam apud Ægos flumen Lyfander classis hostium est potitus, nihil aliud molitus est, quā ut omnes civitates in sua teneret potestate, cū *id se Lacedæmoniorum causā facere* simularet; namque undique, qui Atheniensium rebus studuissent, ejectis, decem delegerat in unaquaque civitate, quibus summum imperium potestatemque omnium rerum committeret; horum in numerum nemo admittebatur, nisi qui aut ejus hospitio contineretur, aut se illius fore proprium fide confirmarat.

Cap. II. Ita decemvirali potestate in omnibus urbibus constitutā, ipsius nutu omnia gerebantur. Cujus de crudelitate ac perfidia, satis est unam
rem,

rem , exempli gratiâ , proferre , ne de eodem plura enumerando fatigemus lectores. Victor ex Asia cùm reverteretur , Thasumque divertisset , quòd ea civitas præcipua fide fuerat erga Athenienses , proinde ac si iidem firmissimi solerent esse amici , qui constantes fuissent inimici , eam pervertere concupivit. Vidit autem , nisi in eo occultasset voluntatem , futurum ut Thasii dilaberentur , consulerentque rebus suis * * * *

III. Itaque decemviralem suam potestatem sui ab illo constitutam sustulerunt. Quo dolore incensus iniit consilia Reges Lacedæmoniorum tollere. Sed sentiebat id se sine ope Deorum facere non posse , quòd Lacedæmoniū omnia ad oracula referre consueverant. Primùm Delphos corrumpere est conatus. Cùm id non potuisset , Dodonam adortus est. Hinc quoque repulsus , dixit *se vota suscepisse , quæ Jovi Ammoni solveret* : existimans , se Afros facilius corrupturum. Hâc spe cùm profectus esset in Africam , multum eum antistites Jovis fefellerunt. Nam non

74 CORNELII NEPOTIS

solum corrumpi non potuerunt , sed etiam Legatos Lacedæmona miserunt , qui Lyfandrum accusarent , *quòd sacerdotes fani corrumpere conatus esset*. Accusatus hoc crimine , iudicumque absolutus sententiis , Orchomeniis missus subsidio , occisus est à Thebanis apud Haliartum. Quam verè de eo foret iudicatum , oratio indicio fuit , quæ post mortem in domo ejus reperta est , in qua suadet Lacedæmoniis , *ut regia potestate dissoluta , ex omnibus dux deligatur ad bellum gerendum* : sed ita scripta , ut Deorum videretur congruere sententiæ , quam ille se habiturum , pecuniâ fidens , non dubitabat. Hanc ei scripsisse Cleon Halicarnasseus dicitur.

IV. Atque hoc loco non est prætereundum factum Pharnabazi , satrapis regii. Nam cum Lyfander præfectus classis in bello multa crudeliter avareque fecisset , deque his rebus suspicaretur ad cives suos esse perlatum , petiit à Pharnabazo , *ut ad Ephoros sibi testimonium daret , quanta sanctitate bellum gessisset , sociosque tractasset , deque*

ea re accuratè scriberet ; magnam enim ejus auctoritatem in ea re fuit. Huic ille liberaliter pollicetur : librum gravem multis verbis conscripsit , in quo summis eum effert laudibus. Quem cum legisset probassetque , dum ob-signatur , alterum pari magnitudine , tanta similitudine ut discerni non posset , signatum subjecit , in quo accuratissimè ejus avaritiam perfidiamque accusarat. Hinc Lysander domum cum redisset , postquam de suis rebus gestis apud maximum magistratum , quæ voluerat , dixerat , testimonii loco librum à Pharnabazo datum tradidit. Hunc , summoto Lysandro , cum Ephori cognosserent , ipsi legendum dederunt. Ita ille imprudens ipse suus fuit accusator.





ALCIBIADES

CLINIÆ FILIUS,
ATHENIENSIS.



N hoc Natura, quid effice-
re possit, videtur experta.
Constat enim inter om-
nes, qui de eo memoriæ
prodiderunt, nihil eo fuisse
excellentius, vel in vitiis, vel in vir-
tutibus. Natus in amplissima civitate,
summo genere, omnium ætatis suæ
multò formosissimus, ad omnes res
aptus, consilii que plenus. Namque

ALCIBIADES. VII. 77

Imperator fuit summus & mari & terrâ. Difertus, ut in primis dicendo valeret: quod tanta erat commendatio oris atque orationis, ut nemo ei dicendo posset resistere; dives, cum tempus posceret, laboriosus, patiens, liberalis, splendidus, non minus in vita, quam victu: affabilis, blandus, temporibus callidissime inserviens. Idem, simul ac se remiserat, neque caussa suberat quare animi laborem perferret, luxuriosus, dissolutus, libidinosus, intemperans reperiebatur: ut omnes admirarentur, in uno homine tantam inesse dissimilitudinem, tamque diversam naturam.

Cap. II. Educatus est in domo Periclis (privignus enim ejus fuisse dicitur) eruditus à Socrate; socerum habuit Hipponicum, omnium Græcæ linguæ eloquentiâ ditissimum; ut si ipse fingere vellet, neque plura bona reminisci, neque majora posset consequi, quàm vel fortuna vel natura tribuerat. Ineunte adolescentia amatus est à multis more Græcorum: in eis à Socrate, de quo mentionem facit Plato in *sym-*

78 CORNELII NEPOTIS

posio. Namque eum induxit commemorantem *se pernoctasse cum Socrate, neque aliter ab eo surrexisse, ac filius à parente debuerit.* Postea quàm robustior est factus, non minùs multos amavit, in quorum amore, quoad licitum est, odiosa multa delicate jocosque fecit; quæ referremus, nisi majora potioraque haberemus.

III. Bello Peloponnesiaco hujus consilio atque auctoritate Athenienses bellum Syracusanis indixerunt: ad quod gerendum ipse dux delectus est. Duo præterea collegæ dati, Nicias & Lamachus. Id cùm appararetur, priùs quàm classis exiret, accidit, ut una nocte omnes Hermæ, qui in oppido erant Athenis, dejicerentur, præter unum qui ante januam erat Andocidis. Itaque ille postea *Mercurius Andocidis* vocitatus est. Hoc cùm appareret, non sine magna multorum consensione esse factum, quod non ad privatam, sed ad publicam rem pertineret, magnus multitudini timor est injectus, ne qua repentina vis in civitate existeret, quæ libertatem opprimeret populi. Hoc

ALCIBIADES. VII. 79

maximè convenire in Alcibiadem videbatur, quòd & potentior & major quàm privatus existimabatur. Multos enim liberalitate devinxerat, plures etiam opera forensi suos reddiderat. Quare fiebat, ut omnium oculos, quotiescumque in publicum prodisset, ad se converteret, neque ei par quisquam in civitate poneretur. Itaque non solum spem in eo habebant maximam, sed etiam timorem, quòd & obesse plurimum & prodesse poterat. Aspergebatur etiam infamiâ, quòd in domo suâ facere mysteria dicebatur: quod nefas erat more Atheniensium: idque non ad religionem, sed ad conjurationem pertinere existimabatur.

IV. Hoc crimine in concione ab inimicis compellabatur: Sed instabat tempus ad bellum proficiscendi. Id ille metuens, neque ignorans civium suorum consuetudinem, postulabat, *ut, si quid de se agi vellent, potiùs de præsente quæstio haberetur, quàm absens invidiæ crimine accusaretur.* Inimici verò ejus quiescendum in præsenti, quia noceri non posse intelligebant, & illud tem-

80 CORNELII NEPOTIS

pus expectandum decreverunt, quo exisset, ut sic absentem aggrederentur; itaque fecerunt. Nam postquam in Siciliam eum pervenisse crediderunt, absentem, *quod sacra violasset*, reum fecerunt; qua de re cum ei nuntius à magistratu in Siciliam missus esset ut domum ad causam dicendam rediret, essetque in magna spe provinciæ bene administrandæ, non parere noluit, & in triremem, quæ ad eum erat deportandum missa, ascendit; ac Thurios in Italiam pervectus, multa secum reputans de immoderata civium suorum licentia, crudelitatemque erga nobiles, utilissimum ratus impendentem evitare tempestatem, clam se à custodibus subduxit, & indè primùm Elidem, deinde Thebas venit.

Postquam autem *se capitis damnatum, bonis publicatis* audivit, & id quod usu venerat, *Eumolpidas sacerdotes à populo coactos, ut se devoverent, ejusque devotionis quò testatior esset memoria, exemplum in pila lapidea incisum, esse positum in publico*, Lacedæmonem demigravit. Ibi, ut ipse præ-

ALCIBIADES. VII. 81

dicare consueverat , *non adversus patriam , sed inimicos suos bellum gessit , quòd iidem hostes essent civitati. Nam cùm intelligerent se plurimùm prodesse posse Reipublicæ , ex ea ejecisse , plusque iræ suæ , quàm utilitati communi paruisse.* Itaque hujus consilio Lacedæmonii cum persarum Rege amicitiam fecerunt : deinde Deceliam in Attica munierunt , præsidioque perpetuo ibi posito in obsidione Athenas tenuerunt. Ejusdem operâ Ioniam à societate averterunt Atheniensium. Quo facto multò superiores bello esse cœperunt.

V. Neque verò his rebus tam amici Alcibiadi sunt facti quàm timore ab eo alienati. Nam cùm acerrimi viri præstantem prudentiam in omnibus rebus cognoscerent , pertimuerunt , ne caritate patriæ ductus aliquando ab ipsis descisceret , & cum suis in gratiam rediret. Itaque tempus ejus interficiendi quærere instituerunt. Id Alcibiadi diutius celari non potuit ; erat enim ea sagacitate , ut decipi non posset , præsertim cùm animum attendisset ad cavendum. Itaque ad Tissaphernem præ-

82 CORNELII NEPOTIS

fectum regis Darii se contulit. Cujus cum in intimam amicitiam pervenisset, & Atheniensium, malè gestis in Sicilia rebus; opes senescere, contra Lacedæmoniorum crescere videret: initio cum Pisandro prætorè, qui apud Samum exercitum habebat, per internuntios colloquitur, & de reditu suo facit mentionem. Erat enim eodem, quo Alcibiades, sensu, populi potentiae non amicus, & optimatum fautor.

Ab hoc destitutus, primùm per Thrasybulum Lyci filium ab exercitu recipitur, prætorque fit apud Samum: post suffragante Theramene populiscito restituitur, parique absens imperio præficitur, simul cum Thrasybulo & Theramene. Horum imperio tanta commutatio rerum facta est, ut Lacedæmonii, qui paulò antè victores viguerant, perterriti pacem peterent. Victi enim erant quinque præliis terrestribus, tribus navalibus: in quibus ducentas naves triremes amiserant, quæ captæ in hostium venerant potestatem. Alcibiades simul cum collegis receperat Ioniam, Hellespontum,

ALCIBIADES. VII. 83

multas præterea urbes Græcas, quæ in ora sitæ sunt Asiæ: quarum expugnarant complures; in his Byzantium; neque minùs multas consilio ad amicitiam adjunxerant, quòd in captos clementia fuerant usi. Indè prædâ onusti, locupletato exercitu, maximis rebus gestis Athenas venerunt.

VI. His cùm obviam universa civitas in Pyræum descendisset, tanta fuit omnium exspectatio visendi Alcibiadis, ut ad ejus triremem vulgus conflueret, perinde ac si solus advenisset; sic enim populo erat persuasum & adversas superiores, & præsentis secundas res accidisse ejus operâ. Itaque & Siciliæ amissum, & Lacedæmoniorum victorias culpæ suæ tribuebant, quòd talem virum è civitate expulissent. Neque id sine caussa arbitrari videbantur; nam postquam exercitui præesse cœperat, neque terrâ, neque mari hostes pares esse potuerant.

Hic ut navi egressus est, quamquam Theramenes & Thrasybulus eisdem

84 CORNELII NEPOTIS

rebus præfuerant, simulque venerant in Piræeum, tamen illum unum omnes prosequiebantur, & id quod nunquam antea usu venerat, nisi Olympiæ victoribus, coronis aureis æneisque vulgo donabatur. Ille lacrymans talem benevolentiam civium suorum accipiebat, reminiscens pristini temporis acerbitatem. Postquam Astu venit, concione advocata sic verba fecit, ut nemo tam ferus fuerit, quin ejus casum lacrymarit, inimicumque his se ostenderit quorum operâ patriâ pulsus fuerat, proinde ac si alius populus, non ille ipse, qui tum flebat, eum sacrilegii damnasset. Restituta ergo huic sunt publicè bonâ: iidemque illi Eumolpidæ Sacerdotes rursus resacrare sunt coacti, qui eum devoverant: pilæque illæ, in quibus devotio fuerat scripta, in mare præcipitatae.

VII. Hæc Alcibiadi lætitia non nimis fuit diuturna: nam cum ei omnes essent honores decreti, totaque respublica domi bellicæ tradita, ut unius arbitrio gereretur, & ipse postulasset, ut duo sibi collegæ darentur, Thrasy-

ALCIBIADES. VII. 85

bulus & Adimantus ; neque id negatum esset ; classe jam in Asiam profectus quodd apud Cymen minùs ex sententia rem gesserat , in invidiam recidit. Nihil enim eum non efficere posse ducebant. Ex quo fiebat , ut omnia minùs prosperè gesta ejus culpæ tribuerent , cum eum aut negligenter , aut malitiosè fecisse loquerentur . ; sicut tum accidit. Nam corruptum à Rege capere Cymen noluisse , arguebant. Itaque huic maximè putamus malo fuisse , nimiam opinionem ingenii atque virtutis : timebatur enim non minùs , quàm diligebatur , ne secundâ fortunâ , magnisque opibus elatus , tyrannidem concupisceret. Quibus rebus factum est , ut absenti magistratum abrogarent , & alium in ejus locum substituerent. Id ille ut audivit , domum reverti noluit , & se Pactyen contulit ; ibique tria castella communivit , Bornos , By-san then , Neontichos : manuque collecta primus Græciæ civitatis in Thraciam introiit , gloriosius existimans barbarorum prædâ locupletari , quàm Grajorum. Qua ex re creverat cum famâ tum opibus , magnamque amicitiam sibi cum quibusdam Regibus Thraciæ pepererat ;

VIII. Neque tamen à caritate patriæ potuit recedere. Nam cùm apud Ægòs flumen Philocles prætor Atheniensium classem constituisset suam , neque longè abesset Lysander prætor Lacedæmoniorum , qui in eo erat occupatus ut bellum quàm diutissimè duceret , quòd ipsis pecunia à Rege suppeditabatur , contra Atheniensibus exhaustis , præter arma & naves , nihil erat super : Alcibiades ad Atheniensium venit exercitum , ibique præsentè vulgo agere cœpit : *si vellent , se coacturum Lysandrum aut dimicare aut pacem petere : Lacedæmonios eò nolle configere classe , quòd pedestribus copiis plus quàm navibus valerent : sibi autem esse facile , Scuthen regem Thracum deducere , ut eos terrâ depelleret : quo factò , necessariò aut classe conflicturos , aut bellum composituros.*

Id etsi verè dictum Philocles animadvertēbat , tamen postulata facere noluit , quòd sentiebat , se , Alcibiade recepto , nullius momenti apud exercitum futurum : & si quid secundi evenisset , nullam in ea re suam partem fore : con-

ALCIBIADES. VII. 87

tra ea , si quid adversi accidisset , se unum ejus delicti futurum reum. Ab hoc discedens Alcibiades , *quoniam* , inquit , *victoriæ patriæ repugnas* , *illud moneo* , *juxta hostes castra habeas nautica* : *periculum est enim* , *ne immodestiâ militum nostrorum occasio detur Lysandro nostri opprimendi exercitûs*. Nèque ea res illum fefellit. Nam Lysander , cùm per speculatores comperisset , vulgum Atheniensium in terram prædatum exisse , navesque penè inanes relictas , tempus rei gerendæ non dimisit , eo-que impetu totum bellum delevit.

IX. At Alcibiades victis Atheniensibus non satis tuta eadem loca sibi arbitratus , penitus in Thraciam se supra Propontidem abdidit , sperans ibi facilimè suam fortunam oculi posse : falso. Nam Thræces postquam eum cum magna pecunia venisse senserunt , insidias ei fecerunt ; qui ea quæ apportavit abstulerunt , ipsum capere non potuerunt. Ille cernens nullum locum sibi tutum in Græcia , propter potentiam Lacedæmoniorum , ad Pharnabazum in Asiam transiit. Quem quidem adeo

sua cepit humanitate , ut eum nemo in amicitia antecederet;namque ei Grunium dederat in Phrygia castrum , ex quo quinquaginta talenta vectigalis capiebat. Quâ fortunâ Alcibiades non erat contentus , neque Athenas victas Lacedæmoniis servire poterat pati. Itaque ad patriam liberandam omni ferebatur cogitatione ; sed videbat id sine rege Persarum non posse fieri. Ideoque eum amicum sibi cupiebat adjungi , neque dubitabat facile se consecuturum , si modò ejus conveniundi habuisset potestatem. Nam Cyrum fratrem ei bellum clam parare , Lacedæmoniis adjuvantibus , sciebat. Id si ei aperuisset , magnam se ab eo initurum gratiam videbat.

X. Hæc cùm moliretur , peteretque à Pharnabazo, ut ad Regem mitteretur, eodem tempore Critias ceterique tyranni Atheniensium certos homines ad Lylandrum in Asiam miserunt , qui eum certiorem facerent , *nisi Alcibiadem sustulisset , nihil earum rerum fore ratum , quas ipse Athenis constituisset. Quare si suas res gestas manere vellet , illum*

ALCIBIADES. VII. 89

illum persequeretur. His Laco rebus commotus statuit accuratiùs sibi agendum cum Pharnabazo. Huic ergo renunciat, *quæ Regi cum Lacedæmoniis essent, irrita futura, nisi Alcibiadem vivum, aut mortuum tradidisset.* Non tulit hoc satrapes, & violare clementiam, quàm Regis opes minui, maluit. Itaque misit Syfamithren & Bagæum ad Alcibiadem interficiendum, cùm ille esset in Phrygia, iterque ad Regem compararet.

Missi, clam vicinitati, in qua tum Alcibiades erat, dant negotium ut eum interficiant. Illi cùm eum ferro aggredi non auderent, noctu ligna contulerunt circa casam eam, in qua quiescebat; eamque succenderunt, ut incendio conficerent, quem manu superari posse diffidebant. Ille autem ut sonitu flammæ est excitatus, etsi gladius ei erat subductus, familiaris sui subalare telum eripuit. Namque erat cum eo quidam ex Arcadia hospes, qui nunquam discedere voluerat. Hunc sequi se jubet, & id quod in præsentia vestimentorum fuit, arripit; his in

H

ignem eiecit , flammæ vim transiit. Quem ut barbari incendium effugisse eminùs viderunt , telis missis interfecerunt , caputque ejus ad Pharnabazum retulerunt. At mulier , quæ cum eo vivere consuevit , muliebri sua veste contextum , ædificii incendio mortuum cremavit , quod ad vivum interimendum erat comparatum. Sic Alcibiades annos circiter quadraginta natus , diem obiit supremum.

XI. Hunc infamatum à plerisque , tres gravissimi historici summis laudibus extulerunt : *Thucydides* , qui ejusdem ætatis fuit : *Theopompus* , qui fuit post aliquantò natus ; & *Timæus* : qui quidem duo maledicentissimi , nescio quo modo in illo uno laudando consenserunt. Nam ea quæ suprà diximus ; de eo prædicarunt , atque hoc ampliùs , cum *Athenis splendidissima civitate natus esset* , omnes *Athenienses splendore ac dignitate vitæ superasse* : postquam indè *expulsus Thebas venerit* , adeo studiis eorum inservisse , ut nemo eum labore corporisque viribus posset æquiparare. Omnes enim *Bœotii magis firmitati*

ALCIBIADES. VII. 91

corporis , quàm ingenii acumini infer-
viunt. Eundem apud Lacedæmonios ,
quorum moribus summa virtus in patien-
tia ponebatur , sic duritiæ se dedisse , quî
parsimoniâ victûs atque cultûs omnes La-
cædæmonios vinceret : fuisse apud Thra-
cas , homines vinolentos , rebusque Vene-
reis deditos ; hos quoque in his rebus an-
tecessisse : venisse ad Persas , apud quos
summa laus esset fortiter venari , luxu-
riosè vivere ; horum sic imitatum consue-
tudinem , ut illi ipsi eum in his maximè
admirarentur. Quibus rebus effecisse , ut ;
apud quoscumque esset , princeps poneretur ,
habereturque carissimus. Sed satis
de hoc : reliquos ordiamur.





VIII.

THRASYBULUS

LYCI FILIUS,

ATHENIENSIS.



I per se virtus sine fortuna ponderanda sit, dubito an hunc primum omnium ponam : Illi sine dubio neminem præfero fide, constantiâ, magnitudine animi, in patriam amore ; nam quod multi voluerunt, pauci potuerunt, ab uno tyranno patriam liberare ; huic contigit, ut à triginta oppressam tyrannis ex servi-

THRASYBULUS. VIII. 93

tute in libertatem vindicaret. Sed nescio quo modo, cum eum nemo antere-
ret his virtutibus, multi nobilitate præ-
currerunt. Primum Peloponnesio bello
multa hic sine Alcibiade gessit, ille
nullam rem sine hoc: quæ ille universa
naturali quodam bono fecit lucri. Sed
illa tamen omnia communia impera-
toribus cum militibus & fortuna: quod
in prælii concursu abit res à consilio ad
vires, vimque pugnantium. Itaque jure
suo nonnulla ab imperatore miles, plu-
rima verò fortuna vindicat, seque his
plus valuisse, quàm ducis prudentiam,
verè potest prædicare. Quare illud mag-
nificentissimum factum, proprium est
Thrasybuli. Nam cum triginta tyran-
ni, præpositi à Lacedæmoniis, servi-
tute oppressas tenerent Athenas, plu-
rimos cives, quibus in bello pepercerat
fortuna, partim patriâ expulissent, par-
tim interfecissent, plurimorum bona pu-
blicata inter se divisissent, non solum
princeps, sed & solus initio bellum his
indixit.

*Cap. II. Hic enim cum Phylen confu-
gisset, quod est castellum in Attica munt-*

94 CORNELII NEPOTIS

tissimum, non plus habuit secum, quàm triginta de suis. Hoc initium fuit salutis Atticorum; hoc robur libertatis clarissimæ civitatis. Neque verò hic non contemptus est primò à tyrannis, atque ejus solitudo; quæ quidem res & illis contemnentibus, perniciiei; & huic despecto, saluti fuit; hæc enim illos ad persequendum segnes, hos autem tempore ad comparandum dato fecit robustiores. Quo magis præceptum illud omnium in animis esse debet: *Nihil in bello oportere contemni*: Nec sine caussa dici: *Matrem timidi flere non solere*. Neque tamen pro opinione Thrasymbuli auctæ sunt opes; nam jam tum illis temporibus fortius boni pro libertate loquebantur, quàm pugnabant. Hinc in Piræeum transiit, Munychiamque munivit. Hanc bis tyranni oppugnare sunt adorti: ab eaque turpiter repulsi, protinùs in urbem, armis impedimentisque amissis; refugerunt. Usus est Thrasymbulus non minùs prudentia, quàm fortitudine; nam cedentes violari vetuit: *cives enim civibus parcere æquum* censebat; neque quisquam est vulneratus, nisi qui prior impugnare

THRASYBULUS VIII. 95

voluit. Neminem jacentem veste spoliavit : nil attigit , nisi arma quorum indigebat , & quæ ad victum pertinebant. In secundo prælio cecidit Critias dux tyrannorum, cùm quidem ex adversus Thrasybulum fortissimè pugnaret.

III. Hoc dejecto Pausanias venit Atticis auxilio , Rex Lacedæmoniorum. Is inter Thrasybulum & eos , qui urbem tenebant , fecit pacem , his conditionibus : *ne qui præter triginta tyrannos , & decem , qui postea prætores creati , superioris more crudelitatis erant usi , afficerentur exsilio : neve bona publicarentur : reipublicæ procuratio populo redderetur.* Præclarum hoc quoque Thrasybuli , quòd reconciliata pace , cùm plurimum in civitate posset , legem tulit : *ne quis antè altarum rerum accusaretur , neve multaretur : eamque illi legem oblivionis* appellarunt. Neque verò hanc tantùm ferendam curavit , sed etiam , ut valeret , effecit. Nam cùm quidam ex his , qui simul cum eo in exsilio fuerant , cædem facere eorum vellent , cum quibus in gratiam reditum erat , quod pollicitus erat , præstitit.

IV. Huic pro tantis meritis honoris corona à populo data est , facta duabus virgulis oleaginis : quæ , quòd amor civium, non vis exprefferat , nullam habuit invidiam, magnaue fuit gloria. Benè ergo Pittacus ille , qui septem sapientum numero est habitus , cùm ei Mitylenæi multa millia jugerum agri muneri darent : *Nolite , oro vos , inquit , id mihi dare , quod multi invidéant , plures etiam concupiscant ! quare ex istis nolo amplius , quàm centum jugera , quæ & mei animi æquitatem & vestram voluntatem indicent.* Nam parva munera , diutina : locupletia , non propria esse consueverunt. Illâ igitur coronâ contentus Thrasylbulus , neque amplius requisivit , neque quemquam honore se antecessisse existimavit. Hic sequenti tempore cùm prætor classem ad Ciliciam appulisset , neque satis diligenter in castris ejus agerentur vigiliæ , à barbaris , ex oppido noctu eruptione facta , in tabernaculo interfectus est.



IX.

CONON ATHENIENSIS.



PELOPONNESIO bello accessit ad Rempublicam, in eoque ejus opera magni fuit. Nam & prætor pedestribus exercitibus præfuit, & præfectus classis res magnas mari gessit. Quas ob causas præcipuus ei honos habitus est. Namque omnibus unus insulis præfuit. In qua potestate Pharas cepit, coloniam Lacedæmoniorum. Fuit etiam extremo Peloponnesio bello prætor, cum apud Ægos flumen

98 CORNELII NEPOTIS

copiæ Atheniensium à Lyfandro sunt devictæ. Sed tum abfuit, eoque pejus res administrata est; nam & prudens rei militaris, & diligens erat imperator. Itaque nemini erat his temporibus dubium, si affuisset, illam Athenienfes calamitatem accepturos non fuiffe.

Cap. II. Rebus autem afflictis cùm patriam obsideri audisset, non quæfivit, ubi ipse tutò viveret, sed unde præsidio posset esse civibus suis. Itaque contulit se ad Pharnabazum satrapen Ionix & Lydiæ, eundemque generum Regis & propinquum: apud quem ut multum gratiâ valeret, multo labore multisque effecit periculis. Nam cùm Lacedæmonii, Atheniensibus devictis, in societate non manerent, quam cum Artaxerxe fecerant, Agesilaumque bellatum misissent in Asiam, maximè impulsî à Tissapherne, qui ex intimis Regis ab amicitia ejus defecerat, & cum Lacedæmoniis coierat societatem: hunc adversus Pharnabazus habitus est Imperator; re quidem verâ exercitui præfuit Conon, ejusque omnia arbitrio gesta sunt. Hic multum ducem sum-

CONON. IX. 99

num Agefilaum impedivit , sæpeque ejus consiliis obstitit. Neque verò non fuit apertum , si ille non fuisset , Agefilaum Asiam Tauro tenus Regi fuisse erepturum. Qui posteaquam domum à suis civibus revocatus est , quòd Bœotii & Athenienses Lacedæmoniis bellum indixerant , Conon nihilo seciùs apud præfectos Regis versabatur , hisque omnibus maximo erat usui.

III. Defecerat à Rege Tissaphernes , neque id tam Artaxerxi , quàm ceteris , erat apertum. Multis enim magnisque meritis apud Regem , etiam cùm in officio non maneret , valebat. Neque id mirandum , si non facile ad credendum inducebatur , reminiscens ejus se operâ Cyrum fratrem superasse. Hujus accusandi gratiâ Conon à Pharnabazo ad Regem missus , posteaquam venit , primùm ex more Persarum ad Chiliarchum , qui secundum gradum imperii tenebat , Tithraustem accessit , *seque ostendit cum Rege colloqui velle* : Nemo enim sine hoc admittitur. Huic ille ; *nulla , inquit , mora est : sed tu delibera utrum colloqui malis , an per litteras*

100 CORNELII NEPOTIS

agere, quæ cogitas; necesse est enim, si in conspectum veneris, venerari te Regem; quod προσηυχῆν illi vocant. Hoc si tibi grave est, per me nihilo seciùs, editis mandatis, cōsficies quod studes. Tum Conon: Enimvero, inquit, non est grave quemvis honorem habere Regi: sed vereor ne civitati meæ sit opprobrio, si, cū ex ea sim profectus quæ ceteris gentibus imperare consueverit, potiùs barbarorum, quàm illius, more fungar. Itaque quæ volebat, huic scripta tradidit.

IV. Quibus cognitis, Rex tantū auctoritate ejus motus est, ut Tisaphernem hostem judicaverit, & Lacedæmonios bello persequi jusserit, & ei permiserit, quem vellet eligere ad dispensandam pecuniam: id arbitrium Conon negavit sui esse consilii, sed ipsius, qui optimè suos nosse deberet: sed se suadere, Pharnabazo id negotii daret. Hinc magnis muneribus donatus ad mare est missus, ut Cypriis, & Phœnicibus, ceterisque maritimis civitatibus naves longas imperaret, classemque, qua proxima æstate mare tueri posset, compararet: dato adjutore



CONON. IX. 101

Pharnabazo , sicut ipse voluerat. Id ut Lacedæmoniis est nunciatum , non sine cura rem administrarunt quòd majus bellum imminere arbitrabantur , quàm si cum barbaro solùm contenderent. Nam ducem fortem & prudentem , regiis opibus præfuturum , ac secum dimicaturum videbant : quem neque consilio , neque copiis superare possent.

Hac mente magnam contrahunt classem , proficiscuntur Fisandro duce. Hos Conon apud Cnidum adortus magno prælio fugat , multas naves capit , complures deprimit. Qua victoria non solùm Athenæ , sed etiam cuncta Græcia , quæ sub Lacedæmoniorum fuerat imperio , liberata est. Conon cum parte navium in patriam venit : muros dirutos à Lysandro , utrosque & Piræei , & Athenarum , reficiendos curat : pecuniæque quinquaginta talenta , quæ à Pharnabazo acceperat , civibus suis donat.

V. Accidit huic , quod ceteris mortalibus , ut inconsideratio in secunda ,

quàm in adversa esset fortuna. Nam classe Peloponnesiorum devicta, cùm ultum se injurias patriæ putaret, plura concupivit, quàm efficere potuit. Neque tamen ea non pia & probanda fuerunt, quòd potius patriæ opes augeri, quàm Regis maluit. Nam cùm magnam auctoritatem sibi pugna illa navali, quam apud Cnidum fecerat, constituisset, non solum inter Barbaros, sed etiam inter omnes Græciæ civitates, clam dare operam cœpit, ut *Ioniam & Æoliam restitueret Atheniensibus*. Id cùm minùs diligenter esset celatum, Tiribazus, qui Sardibus præerat, Cononem evocavit, simulans *ad Regem eum se mittere velle, magna de re*: hujus nuntio parens cùm venisset, in vincula conjectus est: in quibus aliquamdiu fuit. Nonnulli *eum ad Regem abductum, ibique periisse* scriptum reliquerunt. Contra ea *Dinon* historicus, cui nos plurimùm de Persicis rebus credimus, *effugisse* scripsit: illud addubitat, *utrum Tiribazo sciente, an imprudente sit factum*.



X.

D I O N

HIPPARINI FILIUS,
SYRACUSANUS.



NOBILI genere natus ,
utraq; implicatus tyran-
nide Dionysiorum. Nam-
que ille superior, Aristoma-
chen , sororem Dionis ,
habuit in matrimonio : ex qua duos fi-
lios , Hipparinum & Nysæum , pro-
creavit ; totidemque filias , nomine So-
phrosynen & Areten ; quarum prio-
rem Dionysio filio eidem , cui regnum

reliquit, nuptum dedit; alteram, Areten, Dioni. Dion autem præter nobilem propinquitatem, generosamque majorum famam, multa alia ab Natura habuit bona. In his ingenium docile, come, aptum ad artes optimas: magnam corporis dignitatem, quæ non minimum commendatur: magnas præterea divitias à patre relictas, quas ipse tyranni muneribus auxerat. Erat intimus Dionysio priori, neque minus propter mores, quàm affinitatem: namque etsi Dionysii crudelitas ei displicebat, tamen salvum esse propter necessitudinem, magis etiam suorum causâ, studebat. Aderat in magnis rebus, ejusque consilio multum movebatur tyrannus, nisi qua in re major ipsius cupiditas intercesserat. Legationes verò, quæ essent illustriores, per Dionem administrabantur: quas quidem ille diligenter obeundo, fideliter administrando, crudelissimum nomen *tyranni* sua humanitate tegebat. Hunc à Dionysio missum Carthaginenses suspexerunt, ut neminem unquam Græcâ linguâ loquentem magis sint admirati.

Cap. II. Neque verò hæc Dionysium fugiebant ; nam quanto esset sibi ornamēto , sentiebat : quo fiebat , ut uni huic maximè indulgeret , neque eum secūs diligeret ac filium ; qui quidem , cū Platonem Tarentum venisse fama in Siciliam esset perlata , adolescenti negare non potuit , quin eum arcesse-
ret , cū Dion ejus audiendi cupiditate flagraret. Dedit ergo huic veniam , magnaque eum ambitione Syracusas perduxit. Quem Dion adeo admiratus est , atque adamavit , ut se totum ei traderet. Neque verò minùs Plato delectatus est Dione. Itaque cū à Dionysio tyranno crudeliter violatus esset , quippe quem venundari jussisset , tamen eòdem rediit , ejusdē Dionis precibus adductus. Interim in morbum incidit Dionysius , quo cū gravi conflictaretur , quæsit à medicis Dion , *quemadmodum se haberet ?* simulque ab his petiit , *si fortè majori esset in periculo , ut sibi faterentur : nam velle se cum eo colloqui de partiendo regno : quòd sororis suæ filios ex illo natos partem regni putabat debere habere.* Id medici non ta-

106 CORNELII NEPOTIS

cuerunt , & ad Dionysium filium sermonem retulerunt ; quo ille commotus , ne agendi cum eo esset Dioni potestas , patri soporem medicos dare coëgit. Hoc æger sumpto , ut somno sopitus , diem obiit supremum.

III. Tale initium fuit Dionis & Dionysii simultatis , eaque multis rebus aucta est : sed tamen primis temporibus aliquamdiu simulata inter eos amicitia mansit. Cùmque Dion non desisteret obsecrare Dionysium , *ut Platonem Athenis arcefferet , & ejus consiliis uteretur* , ille , qui in aliqua re vellet patrem imitari , morem ei gessit ; eodemque tempore *Philistum* historicum Syracusas reduxit , hominem amicum non magis tyranno quàm tyrannidi. Sed de hoc in *eo meo libro* plura sunt exposita , *qui de historicis conscriptus est*. Plato autem tantùm apud Dionysium auctoritate potuit , valuitque eloquentiâ , ut ei persuaserit *tyrannidis facere finem , libertatemque reddere Syracusanis*. A qua voluntate Philisti consilio deterritus , aliquantò crudelior esse cœpit.

IV. Qui quidem cùm à Dione se superari videret ingenio , auctoritate , amore populi , verens , ne si eum secum haberet , aliquam occasionem sui daret opprimendi , navem ei triremem dedit , quâ Corinthum deveheretur : ostendens , *se id utriusque facere causâ , ne , cùm inter se timerent , alteruter alterum præoccuparet.* Id cùm factum multi indignarentur , magnæque esset invidiæ tyranno , Dionysius omnia , quæ moveri poterant Dionis , in naves imposuit , ad eumque misit. Sic enim existimari volebat , *id se non odio hominis , sed suæ salutis fecisse causâ.* Postea verò quàm audivit eum in Peloponneso manum comparare , sibi que bellum facere conari , Areten , Dionis uxorem , alii nuptum dedit , filiumque ejus sic educari jussit , ut indulgendo turpissimis imbueretur cupiditatibus. Nam puero , priusquam pubes esset , scorta adducebantur : vino epulisque obruebatur , neque ullum tempus sobrio relinquebatur. Is usque eò vitæ statum commutatum ferre non potuit , postquam in patriam rediit pater ,

108 · CORNELII NEPOTIS

(namque appositi erant custodes qui eum à pristino victu deducerent) ut se de superiore parte ædium dejecerit , atque ita interierit. Sed illuc revertor.

V. Postquam Corinthum pervenit Dion , & eodem perfugit Heraclides , ab eodem expulsus Dionysio , qui præfectus fuerat equitum , omni ratione bellum comparare cœperunt. Sed non multum proficiebant , quòd multorum annorum tyrannis , magnarum opum putabatur. Quam ob causam pauci ad societatem periculi perducebantur. Sed Dion fretus non tam suis copiis , quàm odio tyranni , maximo animo , duabus onerariis navibus , quinquaginta annorum Imperium , munitum quingentis longis navibus , decem equitum , centum peditum millibus , profectus oppugnatum : quod omnibus gentibus admirabile est visum , adeo facilè perculit , ut post diem tertium , quàm Siciliam attigerat ; Syracusas introierit. Ex quo intelligi potest , nullum esse imperium tutum , nisi benevolentia munitum.

Eo tempore aberat Dionysius , &

in Italia classem opperiebatur , adversariorum ratus neminem sine magnis copiis ad se venturum ; quæ res eum fefellit. Nam Dion iis ipsis , qui sub adversarii fuerant potestate , regiones spiritus repressit , totiusque ejus partis Siciliae potitus est , quæ sub potestate Dionysii fuerat : parique modo urbis Syracusarum , præter arcem , & insulam adjunctam oppido ; eoque rem perduxit , ut talibus pactionibus pacem tyrannus facere vellet : *Siciliam Dion obtineret , Italiam Dionysius , Syracusas Apollocrates* , cui maximam fidem uni habebat Dionysius.

VI. Has tam prosperas , tamque inopinatas res consecuta est subita commutatio , quod fortuna sua mobilitate , quem paulo antè extulerat , demergere est adorta. Primum in filium , de quo commemoravi suprà , sævitiam suam exercuit : nam cum uxorem reduxisset , quæ alii fuerat tradita , filiumque vellet revocare ad virtutem à perdita luxuria , accepit gravissimum parens vulnus morte filii : deinde orta dissensio est inter eum & Heraclidem ; qui quæ

110 CORNELII NEPOTIS

dem principatum non concedens, factionem comparavit; neque is minùs valebat apud optimates, quorum consensu præerat classi, cùm Dion exercitum pedestrem teneret. Non tulit hoc animo æquo Dion, & versum illum Homeri retulit ex secunda rhapsodia, in quo hæc sententia est: *Non posse bene geri Rempublicam multorum imperiis.* Quod dictum magna invidia consecuta est. Namque aperuisse videbatur, se omnia in sua potestate esse velle. Hanc ille non lenire obsequio, sed acerbitate opprimere studuit, Heraclidemque, cùm Syracusas venisset, interficiendum curavit.

VII. Quod factum omnibus maximum timorem injecit: nemo enim illo interfecto se tutum putabat. Ille autem, adversario remoto, licentiùs eorum bona, quos sciebat adversùs se sensisse, militibus dispertivit. Quibus divisis, cùm quotidiani maximi fierent sumptus, celeriter pecunia deesse cœpit: neque quò manus porrigeret, suppetebat, nisi amicorum possessiones. Id hujusmodi erat, ut, cùm milites reconciliaffet,

amitteret optimates. Quarum rerum curâ frangebatur , & infuetus malè audiendi non æquo animo ferebat , de se ab iis malè existimari , quorum paulò antè in cœlum fuerat elatus laudibus. Vulgus autem , offensâ ineum militum voluntate liberiùs loquebatur , & *tyrannum non ferendum* dictitabat.

VIII. Hæc ille intuens , cùm , quem admodum sedaret , nesciret , & quorsum evaderent , timeret ; Callicrates quidam , civis Atheniensis , qui simul cum eo ex Peloponneso in Siciliam venerat , homo & callidus & ad fraudem acutus , sine ulla religione ac fide , adit ad Dionem , & ait : *eum in magno periculo esse propter offensionem populi & odium militum : quod nullo modo evitare posset , nisi alicui suorum negotium daret , qui se simularet illi inimicum : quem si invenisset idoneum , facilè omnium animos cogniturum , adversariosque sublatum , quod inimici ejus dissidenti suos sensus aperturi forent.* Tali consilio probato excipit has partes ipse Callicrates , & se armat imprudentiâ Dionis : ad eum interficiendum socios conquirat ; adver-

112 CORNELII NEPOTIS

farios ejus convenit , conjurationem confirmat ; res multis consciis quæ gereretur , elata refertur ad Aristomachen sororem Dionis , uxoremque Areten. Illæ timore perterritæ conveniunt , cujus de periculo timebant. At ille negat à Callicrate fieri sibi insidias , sed illa , quæ agerentur , fieri præcepto suo. Mulieres nihilo seciùs Callicratem in ædem Proserpinæ deducunt , ac jurare cogunt , *nihil ab illo periculi fore Dionis*. Ille hâc religione non modò ab incepto non deterritus , sed ad maturandum concitatus est , verens ne priùs consilium suum aperiretur , quàm conata perfecisset.

IX. Hâc mente proximo die festo ; cum à conventu remotum se Dion domi teneret , atque in conclavi edito recubuiſſet ; consciis loca munitiora oppidi tradit , domum custodibus sepit , à foribus qui non discedant , certos præficit : navem triremem armatis ornat , Philostratoque fratri suo tradit : eamque in portu agitari jubet , ut si exercere remiges vellet : cogitans , si fortè consiliis obstitisset fortuna , ut haberet ,

beret quàm fugeret ad salutem. Suorum autem è numero Zacynthios adolescentes quosdam eligit, cùm audacissimos, tum viribus maximis : hisque dat negotium, ut ad Dionem eant inermes, sic uti conveniendi ejus gratiâ viderentur venire. Hi propter notitiam sunt intronmissi. At illi, ut limen ejus intrarunt, foribus obseratis in lecto cubantem invadunt, colligant : fit strepitus, adeo ut exaudiri posset foris. Hic, sicut antè dictum est, quàm invisa sit singularis potentia, & miseranda vita, qui se metui quàm amari malunt, cuivis facile intellectu fuit. Namque illi ipsi custodes, si propitiâ fuissent voluntate, foribus effractis servare eum potuissent, quòd illi inermes telum foris flagitantes vivum tenebant. Cui cùm succurreret nemo, Lyco quidam Syracusanus per fenestras gladium dedit, quo Dion interfectus est.

X. Confectâ cæde cùm multitudo visendi gratiâ introisset, nonnulli ab insciis pro noxiis conciduntur : nam celeri rumore dilato, Dioni vim allatam, multi concurrerant quibus tale

facinus displicebat. Hi falsâ suspitione ducti, immerentes ut sceleratos occidunt. Hujus de morte ut palam factum est, mirabiliter vulgi mutata est voluntas. Nam qui vivum eum *tyrannum* vocitarant, eundem *liberatore* *patriæ*, *tyrannique expulso* *rem* prædicabant. Sic subito misericordia odio successerat, ut eum suo sanguine, si possent, ab Acheronte cuperent redimere. Itaque in urbe, celeberrimo loco elatus publicè, sepulcri monumento donatus est. Diem obiit circiter annos quinquaginta quinque natus, quartum post annum quàm ex Peloponneso in Siciliam redierat.





XI.

IPHICRATES

ATHENIENSIS.



Non tam magnitudine rerum gestarum , quàm disciplina militari nobilitatus est. Fuit enim talis dux , ut non solum ætatis suæ cum primis compararetur , sed ne de majoribus natu quidem quisquam anteponeretur. Multum verò in bello versatus , sæpe exercitibus præfuit ; nusquam culpâ suâ malè rem gessit , semper consilio vicit ; tantùmque eo valuit , ut multa in re militari partim nova attulerit , partim

K 2

116 CORNELII NEPOTIS

meliora fecerit. Namque ille pedestria arma mutavit , cùm ante illum imperatorem maximis clypeis , brevibus hastis , minutis gladiis uterentur. Ille è contrario peltam pro parma fecit , à quo postea *peltastæ* pedites appellantur ; ut ad motus concursusque essent leviores : hastæ modum duplicavit , gladios longiores fecit. Idem genus loricarum mutavit , & pro ferreis atque æneis lintheas dedit. Quo factò expeditiores milites reddidit ; nam pondere detractò , quod æquè corpus tegeret & leve esset , curavit.

Cap. II. Bellum cum Thracibus gessit : Seuthen socium Atheniensium in regnum restituit. Apud Corinthum tanta severitate exercitui præfuit , ut nullæ unquam in Græcia neque exercitationes copiæ , neque magis dicto audientes fuerint duci : in eamque consuetudinem adduxit , ut , cùm prælii signum ab imperatore esset datum , sine ducis operâ sic ordinatæ consisterent , ut singuli à peritissimo imperatore dispositi viderentur. Hoc exercitu moram Lacedæmoniorum interceptit : quod ma-

IPHICRATES. XI. 117

ximè totâ celebratum est Graciâ. Iterum eodem bello omnes copias eorum fugavit ; quo factô magnam adeptus est gloriam. Cùm Artaxerxes Ægyptio Regi bellum inferre voluit , Iphicratem ab Atheniensibus petivit ducem , quem præficeret exercitui conductitio , cujus numerus duodecim millium fuit. Quem quidem sic omni disciplinâ militari erudit , ut , quemadmodum quondam *Fabiani* milites Romani appellati sunt , sic *Iphicratenses* apud Græcos in summa laude fuerint. Idem subsidio Lacedæmoniis profectus , Epaminondæ retardavit impetus : nam nisi ejus adventus appropinquasset , non priùs Thebani Spartâ abscessissent , quàm captam incendio deleffent.

III. Fuit autem & animo magno , & corpore , imperatoriaque formâ , ut ipso aspectu cuivis injiceret admirationem sui. Sed in labore remissus nimis , parumque patiens , ut Theopompus memoriæ prodidit : bonus verò civis , fideque magna ; quod cùm in aliis rebus declaravit , tum maximè in Amyntæ Macedonis liberis tuendis.

118 CORN. N. IPHIC. XI.

Namque Eurydice mater Perdicæ & Philippi , cum his duobus pueris , Amynta mortuo , ad Iphicratem confugit , ejusque opibus defenſa eſt. Vixit ad ſenectutem , placatis in ſe ſuorum civium animis. Cauſſam capitis ſemel dixit , bello ſociali ſimul cum Timotheo , eoque judicio eſt abſolutus. Menethea filium reliquit ex Threſſa Coti Regis filiâ. Is cùm interrogaretur , *utrum pluris patrem matremne faceret ; matrem* , inquit. Id cùm omnibus mirum videretur : at ille , *meritò* , inquit , *facio. Nam pater , quantum in ſe fuit , Thracem me genuit ; contra ea mater Athenienſem.*





XII.

CHABRIAS

ATHENIENSIS.



Hic quoque in summis habitus est ducibus, resque multas memoriâ dignas gessit. Sed ex his elucet maximè inventum ejus in prælio, quod apud Thebas fecit, cùm Bœotiis subsidio venisset. Namque in eâ victoriâ fidente summo duce Agesilao, fugatis jam ab eo conductitiis ceteris, reliquam phalangem loco vetuit cedere, obnixoque genu scuto, projectâque hastâ, impetum excipere hos-

120 CORNELII NEPOTIS

tium docuit. Id novum Agesilaus con-
tuens, progredi non est ausus, suosque
jam incurrentes tubâ revocavit. Hoc us-
que eò totâ Græciâ famâ celebratum est,
ut illo statu Chabrias sibi statuum fieri
voluerit, quæ publicè ei ab Atheniensibus
in foro constituta est. Ex quo factum
est ut postea athletæ, ceterique artifices
his statibus in statuis ponendis uteren-
tur, in quibus victoriam essent adepti.

Cap. II. Chabrias autem multa in Eu-
ropa bella administravit, cum dux Athe-
nienfium esset; multa in Ægypto suâ
sponte gessit: nam Nectanebum adju-
tum profectus, regnum ei constituit.
Fecit idem Cypri, sed publicè ab Athe-
nienfibus Evagoræ adjutor datus: ne-
que prius indè discessit, quàm to-
tam insulam bello devinceret: qua ex
re Athenienses magnam gloriam sunt
adepti. Interim bellum inter Ægyptios
& Persas conflatum est. Athenienses
cum Artaxerxe societatem habebant;
Lacedæmonii cum Ægyptiis; à quibus
magnas prædas Agesilaus Rex eorum
faciebat. Id intuens Chabrias, cum in
re nulla Agesilao cederet, suâ sponte
eos

CHABRIAS. XII. 121

eos adjutum profectus, Ægyptiæ classi præfuit : pedestribus copiis Agefilaus.

Tum præfecti Regis Persiæ legatos miserunt Athenas questum, quòd Chabrias adversum Regem bellum gereret cum Ægyptiis. Athenienses diem certam Chabriæ præstituerunt, *quam ante, domum nisi redisset, capitis se illum damnaturos* denunciarunt. Hoc ille nuntio Athenas rediit, neque ibi diutius est moratus, quàm fuit necesse. Non enim libenter erat ante oculos civium suorum; quòd & vivebat lautè, & indulgebat sibi liberaliùs, quàm ut invidiam vulgi posset effugere. Est enim hoc commune vitium in magnis liberisque civitatibus, ut invidia gloriæ comes sit, & libenter de his detrahant, quos eminere videant altiùs : neque animo æquo pauperes alienam opulentium intuentur fortunam. Itaque Chabrias, quoad ei licebat, plurimùm aberat. Neque verò solus ille aberat Athenis libenter, sed omnes ferè principes fecerunt idem, quòd tantùm se ab invidia putabant affuturos, quantum à conspectu suorum recessissent. Itaque

L

122 CORNELII NEPOTIS

Conon plurimum Cypri vixit , Iphicrates in Thracia , Timotheus Lesbi , Chares in Sigæo. Dissimilis quidem Chares eorum , factis & moribus , sed tamen Athenis & honoratus & potens.

IV. Chabrias autem periit bello sociali , tali modo. Oppugnabant Athenienses Chium : erat in classe Chabrias privatus , sed omnes , qui in magistratu erant , auctoritate anteibat ; eumque magis milites , quàm qui præerant , aspiciebant. Quæ res ei maturavit mortem ; nam dum primus studet portum intrare , & gubernatorem jubet eò dirigere navem , ipse sibi perniciiei fuit. Cùm enim eò penetrasset , ceteræ non sunt secutæ. Quo facto circumfusus hostium concursu , cùm fortissimè pugnaret , navis rostro percussa , cœpit lidere. Hinc refuge-re cùm posset , si se in mare deiecisset , quòd suberat classis Atheniensium , quæ exciperet natantem ; perire maluit , quàm armis abjectis navem relinquere , in qua fuerat vectus. Id ceteri facere noluerunt , qui nan-

CHABRIAS. XII. 123

do in tutum pervenerunt. At ille præstare honestam mortem existimans turpi vitæ, cominus pugnans telis hostium interfectus est.





XIII.

TIMOTHEUS
 CONONIS FILIUS,
ATHENIENSIS.



Hic à patre acceptam gloriam multis auxit virtutibus ; fuit enim disertus , impiger , laboriosus , rei militaris peritus , neque minùs civitatis regendæ. Multa hujus sunt præclarè facta , sed hæc maximè illustria. Olynthios & Byzantios bello subegit. Samum cepit ; in qua oppugnanda superiore bello Athenienses

mille & ducenta talenta consumpserant : id ille sine ulla publica impensa populo restituit. Adversum Cotym bella gessit , ab eoque mille & ducenta talenta prædæ in publicum retulit. Cyzicum obsidione liberavit : Ariobarzani simul cum Agesilao auxilio profectus est ; à quo cum Laco pecuniam numeratam accepisset , ille cives suos agro atque urbibus augeri maluit , quàm id sumere , cujus partem domum suam ferre posset. Itaque accepit Erichthonem & Sestum.

Cap. II. Idem classi præfectus circumvehens Peloponnesum , Laconicam populatus , classem eorum fugavit. Corcyram sub imperium Atheniensium redegit : sociosque idem adjunxit Epirotas , Acharnanas , Chaonas , omnesque eas gentes quæ mare illud adjacent. Quo factò Lacedæmonii de diutina contentione destiterunt , & suâ sponte Atheniensibus imperii maritimi principatum concesserunt ; pacemque his legibus constituerunt , *ut Athenienses mari duces essent.* Quæ victoria tantæ fuit Atticis lætitiæ , ut

126 CORNELII NEPOTIS

tum primùm aræ PACI publicè sint factæ , eique Deæ pulvinar sit institutum. Cujus laudis ut memoria maneret , Timotheo publicè statuam in foro posuerunt : qui honos huic uni ante hoc tempus contigit , ut cùm patri populus statuam posuisset , filio quoque daret. Sic juxta posita recens filii , veterem patris renovavit memoriam.

III. Hic cùm esset magno natu , & magistratus gerere desisset , bello Athenienses undique premi sunt cœpti. Defecerat Samus , descierat Hellespontus , Philippus jam tum valens Macedo multa moliebatur ; cui oppositus Chares cùm esset , non satis in eo præsidii putabatur. Fit Menestheus prætor , filius Iphicratis , gener Timothei , & ut ad bellum proficiscatur , decernitur. Huic in consilium dantur duo usu sapientiâque præstantes , quorum consilio uteretur , pater & socer : quòd in his tanta erat auctoritas , ut magna spes esset , per eos amissa posse recuperari.

Hi cùm Samum profecti essent , & eòdem Chares , adventu eorum cogni-

TIMOTHEUS. XIII. 127

to, cum suis copiis proficisceretur, ne quid absente se gestum videretur; accidit cum ad insulam appropinquarent, ut magna tempestas oriretur: quam evitare duo veteres imperatores utile arbitrati, suam classem suppresserunt. At ille temeraria usus ratione, non cessit majorum natu auctoritati: &, ut in sua navi esset fortuna, quod contenderat, pervenit: eodemque ut sequerentur, ad Timotheum & Iphicratem nuntium misit. Hinc male re gesta, compluribus amissis navibus, eodem, unde erat profectus, se recepit, litterasque Athenas publice misit, *sibi proclive fuisse Samum capere, nisi a Timotheo & Iphicrate desertus esset.* Ob eam rem in crimen vocabantur. Populus acer, suspicax, mobilis, adversarius, invidus etiam potentiae, domum revocat: accusantur proditoris. Hoc judicio damnatur Timotheus, lisque ejus aestimatur centum talentis. Ille odio ingratae civitatis coactus, Chalcidem se contulit.

IV. Hujus post mortem cum populum judicii sui poeniteret, multae no-

128 CORNELII NEPOTIS

vem partes detraxit , & decem talenta Cononem filium ejus ad muri quamdam partem reficiendam jussit dare ; in quo fortunæ varietas est animadversa. Nam quos avus Conon muros ex hostium præda patriæ restituerat , eosdem nepos , cum summa ignominia familiæ , ex sua re familiari reficere coactus est. Timothei autem moderatæ sapientisque vitæ cùm pleraque possimus proferre testimonia , uno erimus contenti ; quòd ex eo facile conjici poterit quàm charus suis fuerit.

Cùm Athenis adolescentulus causam diceret , non solùm amici , privatiq; hospites ad eum defendendum convenerunt , sed etiam in eis Jason tyrannus , qui illo tempore fuit omnium potentissimus. Hic cùm in patria sine satellitibus se tutum non arbitraretur , Athenas sine ullo præsidio venit : tantique hospitem fecit , ut mallet se capitis periculum adire , quàm Timotheo de fama dimicanti deesse. Hunc adversus tamen Timotheus postea populi jussu bellum gessit , patriæque sanctiora jura , quàm hospitii , esse duxit. Hæc

TIMOTHEUS. XIII. 129

extrema fuit ætas Imperatorum Atheniensium , Iphicratis , Chabriæ , Timothei : neque post illorum obitum quisquam dux in illâ urbe fuit dignus memoriâ.





DATAMES.



ENIO nunc ad fortissimum virum , maximique consilii , omnium Barbarorum , exceptis duobus Carthaginensibus , Hamilcare , & Hannibale. De quo hoc plura referemus , quodd & obscuriora sunt ejus gesta pleraque , & ea quæ prosperè ei cesserunt , non magnitudine copiarum , sed consilii , quo tum omnes superabat , acciderunt ; quorum nisi ratio explicata fuerit , res apparere non poterunt.

DATAMES patre Camissare , na-

CORN. N. DAT. XIV. 131

tionē Care , matre Scythiffā natus ,
primū militum numero fuit apud Ar-
taxerxem , eorum qui Regiam tueban-
tur : pater ejus Camiffares , quōd &
manu fortis & bello strenuus , & Regi
multis locis fidelis erat repertus , ha-
buit provinciam partem Ciliciæ juxta
Cappadociam , quam incolunt Leuco-
fyri. Datames militare munus fungens
primū , qualis effēt , aperuit in bello
quod Rex adversus Cadusios gessit :
namque hīc multis millibus regionum
interfectis , magni fuit ejus opera ; quo
factum est , ut , cū in eo bello ceci-
disset Camiffares , paterna ei tradere-
tur provincia.

Cap. II. Pari se virtute postea præ-
buit , cū Autophradates jussu Regis
bello persequeretur eos qui defecerant ;
namque ejus operā hostes , cū castra
jam intrassent , profligati sunt , exerci-
tusque reliquus conservatus Regis est :
qua ex re majoribus rebus præesse cœ-
pit. Erāt eo tempore Thyus dynastes
Paphlagoniæ , antiquo genere natus à
Pylæmene illo quem Homerus Troico
bello à Patroclo interfectum ait. Is Regi

132 CORNELII NEPOTIS

dicto audiens non erat ; quàm ob causam bello eum persequi constituit , eique rei præfecit Datamem propinquum Paphlagonis. Namque ex fratre & sorore erant nati. Quàm ob causam Datames omnia primùm experiri voluit , ut sine armis propinquum ad officium reduceret. Ad quem cùm venisset sine præsidio , quòd ab amico nullas vereretur insidias , penè interiit. Nam Thyus eum clam interficere voluit. Erat mater cum Datame , amita Paphlagonis : ea , quid ageretur , rescit , filiumque monuit : ille fugâ periculum evitavit , bellumque indixit Thyo ; in quo cùm ab Ariobarzane præfecto Lydiæ & Ioniæ , totiusque Phrygiæ desertus esset , nihilo segnìus perseveravit , vivumque Thyum cepit cum uxore & liberis.

III. Cujus facti ne priùs fama ad Regem , quàm ipse , perveniret , dedit operam. Itaque omnibus insciis , eò , ubi erat Rex , venit : posteroque die Thyum , hominem maximi corporis , terribilique facie , quòd & niger & capillo longo , barbâque erat promissâ ,

DATAMES. XIV. 133

optimâ veste textit , quàm satrapæ Regii gerere consueverant : ornavit etiam torque , & armillis aureis , ceteroque regio cultu: ipse agresti, duplicique amiculo circumdatus , hirtâque tunicâ , gerens in capite galeam venatoriam , dextrâ manu clavam , sinistrâ copulam , quâ vinctum ante se Thyum agebat , ut si feram bestiam captam duceret. Quem cùm omnes prospicerent propter novitatem ornatûs , ignotamque formam , ob eamque rem magnus esset concursus , fuit non nemo , qui agnosceret Thyum , Regique nunciaret. Primò non accreditit. Itaque Pharnabazum misit exploratum : à quo ut rem gestam comperit , statim admitti jussit , magnoperè delectatus cùm factò , tum ornatu : in primis quòd nobilis Rex in potestatem inopinanti venerat. Itaque magnificè Datamem donatum ad exercitum misit , qui tum contrahebatur, duce Pharnabazo & Tithrauste ab bellum Ægyptium , parique eum , atque illos , imperio esse jussit. Postea verò quàm Pharnabazum Rex revocavit , illi summa imperii tradita est.

IV. Hic cùm maximo studio compararet exercitum, Ægyptumque proficisci pararet, subitò à Rege litteræ sunt ei missæ, ut Aspim aggredereetur, qui Cataoniam tenebat: quæ gens jacet supra Ciliciam, confinis Cappadociæ. Namque Aspis saltuosam regionem, castellisque munitam incolens, non solum imperio Regis non parebat; sed etiam finitimas regiones vexabat, & quæ Regi portarentur, abripiebat. Datames, etsi longè aberat ab his regionibus, & à majore re abstrahebatur, tamen Regis voluntati morem gerendum putavit. Itaque cum paucis, sed viris fortibus, navem conscendit: existimans, id quod accidit, faciliùs se imprudentem parvâ manu oppressurum, quàm paratum, quamvis magno exercitu.

Hac delatus in Ciliciam, egressus indè, dies noctesque iter faciens, Taurum transiit, eòque quò studuerat venit: quærit quibus locis sit Aspis: cognoscit haud longè abesse, profectumque eum venatum; quem dum specu-

DATAMES. XIV. 135

latur , adventûs ejus caussa cognoscitur. Pisidas , cum iis quos secum habebat , ad resistendum Aspis comparat. Id Datames ubi audivit , arma sumit , suosque sequi jubet : ipse equo concitato ad hostem vehitur ; quem procul Aspis conspiciens ad se ferentem , pertimescit , atque à conatu resistendi deterritus , sese dedit. Hunc Datames vinctum ad Regem ducendum tradit Mithridati.

V. Hæc dum geruntur , Artaxerxes reminiscens à quanto bello ad quàm parvam rem principem ducum misisset , se ipse reprehendit ; & nuntium ad exercitum Acen misit , quòd nondum Datamem profectum putabat , qui ei diceret ne ab exercitu discederet. Hic priusquàm perveniret quòd erat profectus , in itinere convenit , qui Aspim ducebant. Quâ celeritate cùm magnam benevolentiam Regis Datames consecutus esset , non minorem invidiam aulicorum excepit , qui illum unum pluris , quàm se omnes , fieri videbant. Quo facto cuncti ad eum opprimendum consenserunt.

Hæc Pandates , gazæ custos regiæ , amicus Datami , perscripta ei mittit , in quibus docet : *eum magno fore periculo , si quid illo imperante in Ægypto aduersi accidisset . Namque eam esse consuetudinem regiam , ut casus aduersos hominibus tribuant , secundos fortunæ suæ : quo fieri , ut facile impellantur ad eorum perniciem , quorum ductu res malè gestæ nuncientur : illum hóc maiore fore in discrimine , quòd quibus Rex maximè obediât , eos habeat inimicissimos .* Talibus ille litteris cognitis , cùm jam ad exercitum Acen venisset , quòd non ignorabat ea verè scripta , desciscere à Rege constituit . Neque tamen quicquam fecit , quod fide sua esset indignum ; nam Mandroclum Magnetem exercitui præfecit : ipse cum suis in Cappadociam discedit ; conjunctamque huic Paphlagoniam occupat ; celans quâ voluntate esset in Regem : clam cum Ariobarzane facit amicitiam , manum comparat , urbes munitas suis tuendas tradit .

VI. Sed hæc propter hiemale tempus

DATAMES. XIV. 137

pus minùs prosperè procedebant. Audit Pisidas quasdam copias adversùs se parare ; filium èd Arsideum cum exercitù mittit ; cadit in prælio adolescens. Proficiscitur èd pater , non ita cum magna manu , celans quantum vulnus accepisset ; quòd priùs ad hostem pervenire cupiebat , quàm de re malè gestâ fama ad suos perveniret , ne cognitâ filii morte animi debilitarentur militum. Quò contenderat pervenit , hisque locis castra ponit , ut neque circumveniri multitudine adversariorum posset , neque impediri quominùs ad dimicandum manum haberet expeditam. Erat cum eo Mithrobarzanes socer ejus , præfectus equitum. Is desperatis generi rebus ad hostes transfugit. Id Datames ut audivit , sensit , si in turbam exisset , ab homine tam necessario se relictum , futurum ut ceteri consilium sequerentur. In vulgus edit : *suo jussu Mithrobarzane pro perfugâ , quò faciliùs receptus interficeret hostes ; quare relinquì eum non par esse , sed omnes confestim sequi : quod si animo strenuo fecissent , futurum ut adversarii non possent resistere , eùm & intrâ vallum & foris caderentur.*

M

Hac re probata , exercitum educit ; Mithrobarzanem persequitur ; qui dum ad hostes pervenerat , Datames signa inferri jubet. Pisidæ nova re commoti , in opinionem adducuntur , perfugas mala fide compositoque fecisse , ut recepti essent majori calamitati , primum eos adoriuntur. Illi, cum quid ageretur , aut quare fieret , ignorarent , coacti sunt cum eis pugnare , ad quos transierant , ab hisque stare quos reliquerant. Quibus cum neutri parcerent , celeriter sunt concisi. Reliquos Pisidas resistentes Datames invadit : primo impetu pellit , fugientes persequitur , multos interficit , castra hostium capit. Tali consilio uno tempore & proditores perculit , & hostes profligavit : & quod ad perniciem fuerat cogitatum , id ad salutem convertit. Quo neque acutius ullius imperatoris cogitatum , neque celerius factum usquam legimus.

VII. Ab hoc tamen viro Scifmas maximo natu filius descit , ad Regemque transiit , & de defectione patris detulit. Quo nuntio Artaxerxes com-

DATAMES. XIV. 139

motus , quòd intelligebat sibi cum viro
forti ac strenuo negotium esse , qui ,
cùm cogitasset , facere auderet , & priùs
cogitare , quàm conari , consueffet ;
Autophradatem in Cappadociam mit-
tit. Hic ne intrare posset saltum in
quo Ciliciæ portæ sunt sitæ , Datames
præoccupare studuit. Sed tam subito
copias contrahere non potuit : à qua
re depulsus , cum ea manu quam con-
traxerat , locum delegit talem , ut ne-
que circumiretur ab hostibus , neque
præteriret adversarius , quin ancipitibus
locis premeretur : & si dimicare cum
eò vellet , non multum obesse multitu-
do hostium suæ paucitati posset.

VIII. Hæc etsi Autophradates vide-
bat , tamen statuit congregari , quàm
cùm tantis copiis refugere , aut tamdiu
uno loco sedere. Habebat barbarorum
equitum viginti , peditum centum mil-
lia , quos illi Cardacas appellant ; ejus-
demque generis tria funditorum. Præ-
terea Cappadocum octo , Armeniorum
decem , Paphlagonum quinque , Phry-
gum decem , Lydorum quinque , Af-
pendiorum & Pisidarum circiter tria ,

140 CORNELII NEPOTIS

Cilicum duo , Captianorum totidem , ex Græcia conductorum tria millia : leviss armaturæ maximum numerum. Has adversus copias spes omnis consistebat Datami in se locique natura. Namque hujus partem non habebat vicesimam militum. Quibus fretus conflixit , adversariorumque multa millia concidit ; cum de ipsius exercitu non amplius hominum mille cecidisset. Quam ob causam postero die tropæum posuit , quo loco pridie pugnatum erat.

Hinc cum castra movisset , semperque inferior copiis , superior omnibus præliis discederet : quod nunquam manum confereret , nisi cum adversarios locorum angustis clausisset ; quod perito regionum, callideque cogitanti sæpe accidebat. Autophradates , cum bellum duci majore Regis calamitate , quàm adversariorum videret , ad pacem amicitiamque hortatus est , ut cum Rege in gratiam rediret. Quam ille etsi fidam non fore putabat , tamen conditionem accepit , seque ad Artaxerxem legatos missurum dixit. Sic bellum , quod Rex adversus Datamem

DATAMES. XIV. 141

susceperat , sedatum. Autophradates in Phrygiam se recepit.

IX. At Rex , quòd implacabile odium in Datamem susceperat , postquam bello eum opprimi non posse animadvertit , insidiis interficere studuit. Quas ille plerasque vitavit ; sicut cùm nunciatum esset , quosdam sibi insidiari , qui in amicorum erant numero : de quibus , quòd inimici detulerant , neque credendum , neque negligendum putavit. Experiri voluit verum falsumne esset relatum. Itaque eò profectus est , quo itinere futuras insidias dixerant. Sed elegit corpore & statura simillimum sui , eique vestitum suum dedit , atque eò loci ire , quòd ipse consueverat , jussit. Ipse autem ornatus vestitu militari inter corporis custodes iter facere cœpit. At insidiatores , postquam in eum locum agmen pervenit , decepti ordine atque vestitu , in eum faciunt impetum , qui suppositus erat. Prædixerat autem his Datames , cum quibus iter faciebat , *ut parati essent facere quod ipsum vidissent.* Ipse , ut concurrentes insidiatores animadvertit , tela in eos coniecit. Hoc

idem cùm universi fecissent , priusquam pervenirent ad eum , quem aggredi volebant , confixi ceciderunt.

X. Hic tamen tam callidus vir extremo tempore captus est Mithridatis , Ariobarzanis filii , dolo. Namque is pollicitus est Regi , *se eum interfecturum , si ei Rex permetteret , ut , quodcumque vellet , liceret impunè facere , fidemque de ea re , more Persarum , dextrâ dedisset.* Hanc ut accepit , simulat se suscepisse cùm Rege inimicitiam , copias parat , & absens amicitiam cùm Datame facit ; Regis provincias vexat , castella expugnat , magnas prædas capit : quarum partem suis dispertit , partem ad Datamem mittit. Pari modo complura castella ei tradit. Hæc diu faciendo , persuasit homini , se infinitum adversus Regem suscepisse bellum ; cùm nihilo magis , ne quam suspensionem illi præberet insidiarum , neque colloquium ejus petivit , neque in conspectum venire studuit. Sic absens amicitiam gerebat , ut non beneficiis mutuis , sed odio communi , quod erga Regem susceperant , contineri viderentur.

XI. Id cùm satis se confirmasse arbitratus est , certio rem facit Datamem , *tempus esse majores exercitus parari , bellum cum ipso Rege suscipi : de qua re , si ei videretur , quo loco vellet , in colloquium veniret.* Probatâ re , colloquendi tempus sumitur , locusque quò conveniretur. Huc Mithridates cum uno cui maximam habebat fidem , ante aliquot dies venit , compluribusque locis separatim gladios obruit , eaque loca diligenter notat. Ipso autem colloquendi die , utrique , locum qui explorarent , atque ipsos scrutarentur , mittunt. Deinde ipsi sunt congressi. Hic cùm aliquandiu in colloquio fuissent , & diversi discessissent , jamque pròcul Datames abesset , Mithridates priusquam ad suos perveniret , ne quam suspicionem pareret , in eundem locum revertitur , atque ibi , ubi telum erat positum , resedit , ut si à lassitudine cuperet acquiescere ; Datamemque revocavit , simulans se quiddam in colloquio esse oblitum. Interim telum , quod latebat , protulit , nudatumque vaginâ veste textit , ac Datami venienti ait ,

144 *CORN. N. DAT. XIV.*

digredientem se animadvertisse locum quemdam , qui erat in conspectu , ad castra ponenda esse idoneum ; quem cùm digito monstraret , & ille conspiceret , aversum ferro transfixit : priùsque , quàm quisquam posset succurrere , interfecit. Ita vir , qui multos consilio , neminem perfidiâ ceperat , simulatâ captus est amicitia.





XV.

EPAMINONDAS
POLYMNI FILIUS,
THEBANUS.



E hoc priusquam scribamus, hæc præcipienda videntur lectoribus, ne alienos mores ad suos referant; neve ea, quæ ipsis leviora sunt, pari modo apud ceteros fuisse arbitrentur. Scimus enim Muscen nostris moribus abesse à Principis persona; saltare verò etiam in vitiis poni. Quæ omnia apud Græcos &
N

grata, & laude digna ducuntur. Cùm autem exprimere imaginem consuetudinis atque vitæ velimus Epaminondæ, nihil videmur debere prætermittere, quod pertineat ad eam declarandam. Quare dicemus primùm de genere ejus: deinde quibus disciplinis & à quibus sit eruditus: tum de moribus, ingeniique facultatibus; & si quæ alia digna memoriâ erunt: postremò de rebus gestis, quæ à plurimis omnium anteponuntur virtutibus.

Cap. II. Natus igitur patre, quo diximus, honesto genere, pauper jam à majoribus relictus. Eruditus autem sic, ut nemo Thebanus magis; nam & citharizare, & cantare ad chordarum sonum doctus est à Dionysio: qui non minore fuit in Musicis gloriâ, quàm Damon, aut Lamprus, quorum per-vulgata sunt nomina: carmina cantare tibiis, ab Olympiodoro; saltare, à Cal-liphrone. At Philosophiæ præceptorem habuit Lysim Tarentinum, Pythagoreum: cui quidem sic fuit deditus, ut adolescens tristem & severum senem omnibus æqualibus suis in familiaritate

anteponeret : neque prius eum à se dimiserit , quàm in doctrinis tantò antecesserit condiscipulos , ut facile intelligi posset , pari modo superaturum omnes in ceteris artibus. Atque hæc ad nostram consuetudinem sunt levia , & potius contemnenda , at in Græcia utique olim magnæ laudi erant. Postquam Ephebus factus est , & palæstræ dare operam cœpit , non tam magnitudinis virium servivit , quàm velocitati. Illam enim ad athletarum usum , hanc ad belli existimabat utilitatem pertinere. Itaque exercebatur plurimùm currendo & luctando , ad eum finem , quoad stans complecti posset , atque contendere : In armis plurimum studii consume-
 mebat.

III. Ad hanc corporis firmitatem plurima etiam animi bona accesserant. Erat enim modestus , prudens , gravis , temporibus sapienter utens , peritus belli , fortis manu , animo maximo : adeo veritatis diligens , ut ne joco quidem mentiretur. Idem continens , clemens , patiensque admirandum in modum : non solum populi , sed etiam

amicorum ferens injurias : in primisque commissa celans ; quod interdum non minùs prodest , quàm disertè dicere. Studiosus audiendi ; ex hoc enim facilimè disci arbitrabatur. Itaque cùm in circulum venisset , in quo aut de Republica disputaretur , aut de Philosophia sermo haberetur , nunquam indè priùs discessit , quàm ad finem sermo esset adductus.

Paupertatem adeo facilè perpeffus est , ut de Republica nihil præter gloriam ceperit. Amicorum in se tuendo caruit facultatibus ; fide ad alios sublevandos sæpe sic usus est , ut possit judicari , omnia ei cum amicis fuisse communia. Nam cùm aut civium suorum aliquis ab hostibus esset captus , aut virgo amici nubilis propter paupertatem collocari non posset , amicorum concilium habebat , & quantum quisque daret , pro cujusque facultatibus imperabat ; eamque summam cùm faceret , priusquam acciperet pecuniam , adducebat eum qui quærebat , ad eos qui conferebant : eique ut ipsi numerarent faciebat ; ut , ille ad quem ea

EPAMINONDAS XV. 149

res perveniebat , sciret quantum cuique deberet.

IV. Tentata autem ejus est abstinentia à Diomedonte Cyziceno : namque is , rogatu Artaxerxis , Epaminondam pecuniâ corrupendum suscepit. Hic magno cum pondere auri Thebas venit ; & Micythum adolescentulum quinque talentis ad suam perduxit voluntatem , quem tum Epaminondas plurimum diligebat. Micythus Epaminondam convenit , & causam adventûs Diomedontis ostendit. At ille Diomedonte coram , *nihil* , inquit , *opus pecuniâ est : nam si ea Rex vult ; quæ Thebanis sint utilia , gratis facere sum paratus : sin autem contraria , non habet auri atque argenti satis ; namque orbis terrarum divitias accipere nolo pro patriæ caritate. Te , qui me incognitum tentasti , tuique similem existimasti , non miror ; tibi que ignosco. Sed egredere properè , ne alios corrumpas , cum me non potueris. Tu Micythe , argentum huic redde : nisi id confestim facis , ego te tradam magistratui.* Hunc Diomedon cum rogaret , ut tutò exire , suæque quæ

150 CORNELII NEPOTIS

attulisset, liceret efferre: *illud*, inquit; *faciam*: neque tuâ caussâ, sed meâ: ne, si tibi sit pecunia adempta, aliquis dicat, id ad me ereptum pervenisse, quod delatum accipere noluissem. A quo cum quaesisset quò se deduci vellet, & ille Athenas dixisset; præsidium dedit, ut eò tutò perveniret. Neque verò id satis habuit, sed etiam ut inviolatus in navem ascenderet, per Chabriam Atheniensem, de quo suprà mentionem fecimus, effecit. Abstinentiæ erit hoc satis testimonium. Plurima quidem proferre possemus, sed modus adhibendus est; quoniam uno hoc volumine vitas excellentium virorum concludere constituimus: quorum separatim multis millibus versuum complures scriptores ante nos explicarunt.

V. Fuit & disertus, ut nemo Thebanus ei par esset eloquentiâ: neque minùs concinnus in brevitate respondendi, quàm in perpetua oratione ornatus. Habuit obrectatorem Meneclidem quemdam, indidem Thebis, & adversarium in administranda Republica, satis exercitatum in dicendo, ut

EPAMINONDAS. XV. 151

Thebanum scilicet : namque illi genti plus inest virium quàm ingenii. Is, quòd in re militari florere Epaminondam videbat, hortari solebat Thebanos, ut pacem bello anteferrent, ne illius Imperatoris opera desideraretur. Huic ille ; *fallis*, inquit, *verbo cives tuos*, quòd *hos à bello avocas*. Otii enim nomine servitutem concilias. Nam paritur pax bello. Itaque qui eà diutinà volunt frui, bello exercitati esse debent. Quare si principes Græciæ esse vultis, castris est vobis utendum, non palæstrâ. Idem ille Meneclides cùm huic objiceret, quòd liberos non haberet, neque uxorem duxisset ; maximèque insolentiam, quòd sibi Agamemnonis belli gloriam videretur consecutus : at ille, *desine*, inquit, *Meneclide, de uxore mihi exprobrare* : Nam nullius in ista re minùs uti consilio volo. Habebat enim Meneclides suspicionem adulterii. Quod autem me Agamemnonem æmulari putas, falleris. Namque ille cum universa Græcia vix decem annis unam cepit urbem : ego contra ex una urbe nostra, dieque uno, totam Græciam, Lacedæmoniis fugatis, liberavi.

VI. Idem cùm in conventum venisset Arcadum, petens ut societatem cum Thebanis & Argivis facerent: contraque Callistratus Atheniensium legatus, qui eloquentiâ omnes eo præstabat tempore, postularet, ut potius amicitiam sequerentur Atticorum; & in oratione sua multa invehitus esset in Thebanos & Argivos, in eisque hoc posuisset; *animadvertere debere Arcades, quales utraque civitas cives procreasset, ex quibus de ceteris possent judicare. Argivos enim fuisse Orestem & Alcmaonem, matricidas: Thebis Œdipum natum, qui cùm patrem suum interfecisset, ex matre liberos procreasset.*

Hic in respondendo Epaminondas cùm de ceteris perorasset, postquam ad illa duo opprobria pervenit: *admirari se dixit stultitiam Rhetoris Attici, qui non animadverterit innocentes illos natos; domi scelere admissio, cùm patriâ essent expulsi, receptos esse ab Atheniensibus.* Sed maximè ejus eloquentia eluxit Spartæ legati ante pugnam Leuctricam; quò cùm omnium sociorum con-

EPAMINONDAS. XV. 153

venissent legati , coram frequentissimo legationum conventu , sic Lacedæmoniorum tyrannidem coarguit , ut non minùs illa oratione opes eorum concusserit , quàm Leuctricâ pugnâ. Tum enim perfecit , quod post apparuit , ut auxilio sociorum Lacedæmonii privarentur.

VII. Fuisse patientem , suorumque injurias ferentem civium , quòd se patriæ irasci nefas esse duceret , hæc sunt testimonia. Cùm eum propter invidiam cives præficere exercitui noluisissent , duxque esset delectus belli imperitus , cujus errore eò esset deducta illa multitudo militum , ut omnes de salute pertimescerent , quòd locorum angustiis clausi ab hostibus obsidebantur : desiderari cœpta est Epaminondæ diligentia. Erat enim ibi privatus numero militis. A quo cùm peterent opem , nullam adhibuit memoriam contumeliæ , & exercitum obsidione liberatum , domum reduxit incolumem.

Neque verò hoc semel fecit , sed sæpiùs. Maximè autem fuit illustre ,

154 CORNELII NEPOTIS

cùm in Peloponnesum exercitum duxisset adversùs Lacedæmonios , haberetque collegas duos , quorum alter erat Pelopidas , vir fortis ac strenuus. Hic cùm criminibus adversariorum omnes in invidiam venissent , ob eamque rem imperium his esset abrogatum , atque in eorum locum alii prætores successissent ; Epaminondas plebiscito non paruit , idemque ut facerent , persuasit collegis , & bellum , quod susceperat , gessit. Namque animadvertibat , nisi id fecisset , totum exercitum propter prætorum imprudentiam , inscientiamque belli periturum. Lex erat Thebis , quæ morte multabat , si quis imperium diutiùs retinisset , quàm lege præfinitum foret. Hanc Epaminondas cùm Reipublicæ conservandæ causâ latam videret , ad perniciem civitatis conferre noluit ; & quatuor mensibus diutiùs , quàm populus jusserat , gessit imperium.

VIII. Postquam domum reditum est , collegæ ejus hoc crimine accusabantur ; quibus ille permisit , omnem ut causam in se transferrent , suâque operâ factum

EPAMINONDAS. XV. 155

contenderent , ut legi non obedirent. Qua defensione illis periculo liberatis , nemo Epaminondam responsurum putabat , quòd , quid diceret , non haberet. At ille in iudicium venit ; nihil eorum negavit quæ adversarii crimini dabant , omniaque quæ collegæ dixerant , confessus est , neque recusavit , quò minùs legis pœnam subiret : sed unum ab iis petivit , ut in periculo suo inscriberent : *EPAMINONDAS A THEBANIS MORTE MULTATUS EST , QUOD EOS COEGIT APUD LEUCTRA SUPERARE LACEDÆMONIOS ; QUOS ANTE SE IMPERATOREM NEMO BÆOTIORUM AUSUS FUIT ADSPICERE IN ACIE : QUODQUE UNO PRÆLIO NON SOLUM THEBAS AB INTERITU RETRAXIT , SED ETIAM UNIVERSAM GRÆCIAM IN LIBERTATEM VINDICAVIT , EOQUE RES UTRORUMQUE PERDUXIT , UT THEBANI SPARTAM OPPUGNARENT , LACEDÆMONII SATIS HABERENT , SI SALVIESSE POSSENT : NEQUE PRIUS BELLARE DESTITIT , QUAM , MESSENA*

156 CORNELII NEPOTIS

*CONSTITUTA , URBEM EORUM
OBSIDIONE CLAUSIT.* Hæc cùm
dixisset , risus omnium cum hilaritate
coortus est ; neque quisquam iudex au-
sus est de eo ferre suffragium. Sic à
iudicio capitis maximâ discessit gloriâ.

IX. Hic extremo tempore Impera-
tor apud Mantineam , cùm acie instruc-
ta audaciùs instaret hostibus , cognitus
à Lacedæmoniis , quòd , in unius perni-
cie ejus , patriæ sitam putabant salu-
tem , universi in unum impetum fece-
runt ; neque priùs abscesserunt , quàm
magna cæde facta , multisque occisis ,
fortissimè ipsum Epaminondam pu-
gnantem , ipso eminùs percussum ,
concidere viderunt. Hujus casu aliquan-
tùm retardati sunt Bœotii : neque ta-
men priùs pugnâ excesserunt , quàm
repugnantes profligarunt. At Epami-
nondas , cùm animadverteret mortife-
rum se vulnus accepisse , simulque si fer-
rum , quod ex hastili in corpore re-
manerat , extraxisset , animam statim
emissurum ; usque eò retinuit , quoad
renunciatum est vicisse Bœotios. Id
postquam audivit ; *satis* , inquit , *vixi* ;

EPAMINONDAS. XV. 157.

invictus enim morior. Tum ferro extracto, confestim exanimatus est.

X. Hic uxorem nunquam duxit ; in quo cùm reprehenderetur à Pelopida , qui filium habebat infamem ; malletque eum in eo patriæ consulere diceret , quòd liberos non relinqueret : *vide* , inquit , *ne tu pejùs consulas , qui talem ex te natum relicturus sis : neque verò stirps mihi potest deesse. Namque ex me natam relinquo pugnam Leuëtricam , quæ non modò mihi superstes , sed etiam immortalis sit necesse est.* Quo tempore , duce Pelopida , exsules Thebas occuparunt , & præsidium Lacedæmoniorum ex arce expulerunt ; Epaminondas , quàm diu facta est cædes civium , domi se tenuit : quòd neque malos defendere volebat , neque impugnare , ne manus suorum sanguine cruentaret. Namque omnem civilem victoriam funestam putabat. Idem postquam apud Cadmeam pugnari cum Lacedæmoniis cœpit , in primis stetit. Hujus de virtutibus , vitæque satis erit dictum , si hoc unum adjunxero , quod nemo eat inficiās ; Thebas & ante Epaminon-

158 CORN. N. EPAM. XV.

dam natum , & post ejus interitum ;
perpetuò alieno paruisse imperio : con-
tra ea , quàm diu ille præfuerit Rei-
publicæ , caput fuisse totius Græciæ.
Ex quo intelligi potest , unum homi-
nem pluris quàm civitatem fuisse.





XVI.

PELOPIDAS THEBANUS.



AGIS historicis , quàm vulgo notus. Cujus de virtutibus dubito quemadmodum exponam , quòd vereor , ne , si res explicare incipiam , non vitam ejus enarrare , sed historiam videar scribere : si tantummodò summas attigero , ne rudibus litterarum Græcarum minùs lucidè appareat , quantus fuerit ille vir. Itaque utrique rei occurram , quantum poterò ; & medebor cùm satietati tum ignorantiae lectorum.

Phœbidas Lacedæmonius, cùm exercitum Olynthum duceret, iterque per Thebas faceret, arcem oppidi, quæ Cadmea nominatur, occupavit, impulsu perpaucorum Thebanorum, qui adversariæ factioni quò faciliùs resisterent, Laconum rebus studebant: idque suo privato, non publico, fecit consilio. Quo facto eum Lacedæmonii ab exercitu removerunt pecuniâque multarunt: neque eò magis arcem Thebanis reddiderunt, quòd susceptis inimicitiiis satius ducebant eos obsideri, quàm liberari. Nam post Peloponnesium bellum, Athenasque devictas, cum Thebanis sibi rem esse existimabant; & eos esse solos, qui adversùs resistere auderent. Hac mente amicis suis summas potestates dederant, alteriusque factionis principes partim interfecerant, alios in exilium ejecerant: in quibus Pelopidas hic, de quo scribere exorsi sumus, pulsus patriâ carebat.

Cap. II. Hi omnes ferè Athenas se contulerant, non quò sequerentur otium, sed ut quemque ex proximo locum

PELOPIDAS. XVI. 161

Locum fors obtulisset, eo Patriam recuperare niterentur. Itaque cum tempus est visum rei gerendæ, communiter cum his, qui Thebis idem sentiebant, diem delegerunt ad inimicos opprimendos, civitatemque liberandam, eum quo maximi Magistratus simul consueverant epulari. Magnæ sæpe res non ita magnis copiis sunt gestæ; sed profectò nunquam ab tam tenui initio tantæ opes sunt profligatæ: nam duodecim adolescentuli coierunt ex his qui exilio erant multati, cum omnino non essent amplius centum, qui tanto se offerrent periculo. Quæ paucitate perculsa est Lacedæmoniorum potentia. Hi enim non magis adversariorum factioni, quàm Spartanis, eo tempore bellum intulerunt, qui principes erant totius Græciæ; quorum imperii majestas neque ita multo post, Leuctricâ pugnâ, ab hoc initio perculsa, concidit. Illi igitur duodecim, quorum erat dux Pelopidas, cum Athenis interdium exissent, ut vesperscente Cœlo Thebas possent pervenire, cum canibus venaticis exierunt, retia ferentes, vestitu agresti, quò minore suspitione facerent iter. Qui cum tem-

O

pore ipso , quo studuerant , pervenissent , domum Charonis devenerunt , à quo & tempus , & dies erat datus.

III. Hoc loco libet interponere , etsi sejunctum à re positâ est , *nimia fiducia quantæ calamitati soleat esse*. Nam Magistratum Thebanorum statim ad aures pervenit , exsules in urbem devenisse. Id illi , vino epulisque dediti , usque eò despexerunt , ut ne quærere quidem de tanta re laborarint. Accessit etiam , quòd magis aperiret eorum dementiam : allata est enim epistola Athenis ab Archia Hierophante , Archiæ qui tum maximum magistratum Thebis obtinebat ; in qua omnia de profectioe exsulum pericripta erant. Quæ cum jam accubanti in convivio esset data , sicut erat signata , sub pulvinum subjiciens ; *in crastinum* , inquit , *differe res severas*. At illi omnes , cum jam nox processisset , vinolenti ab exsulis duce Pelopida sunt interfecti. Quibus rebus confectis , vulgo ad arma libertatemque vocato , non solum qui in urbe erant , sed etiam undique ex agris concurrerunt , præsidium Lace-

PELOPIDAS. XVI. 163

dæmoniorum ex arcē pepulerunt ; Patriam obsidione liberaverunt : auctores Cadmeæ occupandæ partim occiderunt , partim in exilium ejecerunt.

IV. Hoc tam turbido tempore , sicut suprà docuimus , Epaminondas , quoad cum civibus dimicatum est , domi quietus fuit. Itaque hæc liberandarum Thebarum propria laus est Pelopidæ : ceteræ ferè omnes communes cum Epaminonda. Namque in Leuctrica pugna , Imperatore Epaminonda , hic fuit Dux delectæ manûs , quæ prima phalangem prostravit Laconum. Omnibus præterea periculis affuit : sicut Spartam cum oppugnavit , alterum tenuit cornu ; quodque Messena celerius restitueretur , legatus in Persas est profectus. Denique hæc fuit altera persona Thebis , sed tamen secunda , ita ut proxima esset Epaminondæ.

V. Conflictatus autem est cum adversa fortuna : nam & initio , sicut ostendimus , exsul patriâ caruit : & cum Thessaliam in potestatem Thebanorum cuperet redigere , legationisque

164 CORN. N. PELOP. XVI.

jure satis tectum se arbitraretur, quod apud omnes gentes sanctum esse consueffet, à tyranno Alexandro Pheræo, simul cum Ismenia comprehensus, in vincula conjectus est. Hunc Epaminondas recuperavit, bello persequens Alexandrum. Post id factum, nunquam is animo placari potuit in eum à quo erat violatus. Itaque persuasit Thebanis, ut subsidio Thessaliæ proficiscerentur, tyrannosque ejus expellerent. Cujus belli cùm ei summa esset data, eoque cum exercitu profectus esset, non dubitavit, simul ac conspexit hostem, conflare. In quo prælio Alexandrum ut animadvertit, incensus irâ equum in eum concitavit, proculque digressus à suis, conjectu telorum confossus cecidit. Atque hoc secundâ victoriâ accidit. Nam jam inclinatæ erant tyrannorum copię. Quo facto, omnes Thessaliæ civitates interfectum Pelopidam coronis aureis, & statuis æneis, liberosque ejus multo agro donaverunt.



XVII.

AGESILAUS

LACEDÆMONIUS.



Um à ceteris scriptoribus ;
tum eximie à Xenophonte
Socratico collaudatus est.
Eo enim usus est familiaris-
sime. Hic primum de Re-
gno cum Leotychide fratris filio , ha-
buit contentionem. Mos est enim à
majoribus Lacedæmoniis traditus , ut
duos haberent semper Reges , nomine
magis quàm imperio , ex duabus fa-
miliis Proclis & Eurysthenis ; qui prin-
cipes ex progenie Herculis , Spartæ Re-

166 CORNELII NEPOTIS

ges fuerunt. Harum ex altera, in alterius familiae locum fieri non licebat. Itaque uterque suum retinebat ordinem. Primum ratio habebatur, qui maximus natu esset ex liberis ejus, qui regnans decessisset: si is virilem sexum non reliquisset, tunc deligebatur, qui proximus esset propinquitate. Mortuus erat Agis Rex, frater Agefilai: filium reliquerat Leotychidem, quem ille natum non agnorat: eundem moriens suum esse dixerat. Is de honore regni cum Agefilao suo patruo contendit: neque id, quod petivit, consecutus est. Nam Lysandro suffragante, homine, ut ostendimus supra, factioso, & his temporibus potente, Agefilaus antelatus est.

Cap. II. Hic, simul atque imperii positus est, persuasit Lacedaemoniis, ut exercitum emitterent in Asiam; bellumque Regi facerent; docens satius esse in Asia quam in Europa dimicari. Namque fama exierat, Artaxerxem comparare classem, pedestresque exercitus, quos in Græciam mitteret. Data potestate, tanta celeritate usus est, ut

AGESILAUS. XVII. 167

prius in Asiam cum copiis perveniret ,
quàm Regii Satrapæ eum scirent pro-
fectum. Quo factum est , ut omnes im-
paratos imprudentesque offenderet. Id
ut cognovit Tissaphernes , qui sum-
mum imperium tum inter præfectos
habebat Regios , inducias à Lacone
petivit , simulans se dare operam , ut
Lacedæmoniis cum Rege conveniret ;
re autem vera , ad copias comparan-
das : easque impetravit trimestres. Ju-
ravit autem uterque , se sine dolo indu-
cias conservaturum ; in qua pactione
summa fide mansit Agesilaus : contra
ea Tissaphernes nihil aliud quàm bel-
lum comparavit. Id etsi sentiebat Laco ,
tamen iusjurandum servabat , *multum-
que in eo se consequi dicebat , quòd Tissa-
phernes perjurio suo & homines suis rebus
abalienaret , & Deos sibi iratos redde-
ret : se autem servatâ religione confirmare
exercitum , cùm animadverteret Deo-
rum numen facere secum , hominesque sibi
conciliari amiciores , quòd his studere con-
sueissent , quos conservare fidem viderent.*

III. Postquam induciarum præterii-
t dies , Barbarus non dubitans , quòd ip-

168 CORNELII NEPOTIS

fius erant plurima domicilia in Caria, & ea regio his temporibus multò putabatur locupletissima, eò potissimùm hostes impetum facturos, omnes suas copias eò contraxerat. At Agesilaus in Phrygiam se convertit, eamque priùs depopulatus est, quàm Tissaphernes usquam se moveret. Magnâ prædâ militibus locupletatis, Ephesum hiematum exercitum reduxit: atque ibi officinis armorum institutis, magnâ industriâ bellum apparavit. Et quò studiosiùs armarentur, insigniùsque ornarentur, præmia proposuit, quibus donarentur, quorum egregia in ea re fuisset industria. Fecit idem in exercitationum generibus, ut qui ceteris præstitissent, eos magnis afficeret muneribus. His igitur rebus effecit, ut & ornatissimum & exercitatissimum haberet exercitum.

Huic cùm tempus esset visum, copias extrahere ex hibernaculis, vidit si, quò esset iter facturus, palam pronunciaffet, hostes non credituros, aliasque regiones occupaturos, nec dubituros aliud esse facturum ac pronunciaffet. Itaque cùm ille Sardis iturum

AGESILAUS. XVII. 169

rum se dixisset, Tissaphernes eamdem Cariam defendendam putavit. In quo cum eum opinio fefellisset, victumque se vidisset consilio, serò suis præsidio profectus est. Nam cum illò venisset, jam Agesilaus, multis locis expugnatis, magnâ erat prædâ potitus. Laco autem, cum videret hostes equitatu superare, nunquam in campo sui fecit potestatem, & his locis manum conseruit, quibus plus pedestres copiae valerent. Pepulit ergo, quotiescumque congressus est, multò majores adversariorum copias, & sic in Asia versatus est, ut omnium opinione victor duceretur.

IV. Hic cum animo meditaretur proficisci in Persas, & ipsum Regem adoriri, nuntius ei domo venit Ephorùm jussu, bellum Athenienses & Bœotios indixisse Lacedæmoniis: quare venire non dubitaret. In hoc non minùs ejus pietas suspicienda est, quàm virtus bellica: qui cum victori præesset exercitui, maximamque haberet fiduciam regni Persarum potiundi, tantâ modestiâ dicto audiens fuit jussis absentium magistratuum, ut si privatus in

170 CORNELII NEPOTIS

comitio esset Spartæ. Cujus exemplum utinam Imperatores nostri sequi voluissent ! Sed illuc redeamus. Agesilaus opulentissimo Regno præposuit bonam existimationem , multòque gloriosius duxit , si institutis patriæ paruisset , quàm si bello superasset Asiam.

Hac igitur mente Hellepontum copias trajecit , tantâque usus est celeritate , ut , quod iter Xerxes anno vertente confecerat , hic transierit triginta diebus. Cùm jam haud ita longè abesset à Peloponneso , obsistere ei conati sunt Athenienses & Bœotii , ceterique eorum socii , apud Coroneam : quos omnes gravi prælio vicit. Hujus victoriæ vel maxima fuit laus , quòd cùm plerique ex fuga se in templum Minervæ conjecissent , quærereturque ab eo , *quid his fieri vellet* ; etsi aliquot vulnera acceperat eo prælio , & iratus videbatur omnibus , qui adversus arma tulerant ; tamen antetulit iræ religionem , & eos vetuit violari. Neque hoc solum in Græcia fecit , ut templa Deorum sancta haberet , sed etiam apud Barbaros summâ religione omnia simu-

AGESILAUS. XVII. 171

lacra , arasque conservavit. Itaque prædicabat , *mirari se , non sacrilegorum numero haberi qui supplicibus eorum nocuissent : aut non gravioribus pœnis affici , qui religionem minuerent , quàm qui sana spoliarent.*

V. Post hoc prælium , collatum est omne bellum circa Corinthum , ideoque *Corinthium* est appellatum. Hic cum unâ pugnâ decem millia hostium Agesilao duce cecidissent , eoque facto opes adversariorum debilitatæ viderentur : tantùm abfuit ab insolentia gloriæ , ut commiseratus sit fortunam Græciæ , quòd tam multi à se victi vitio adversariorum concidissent : namque illa multitudine , si sana mens esset , Græciæ supplicium Persas dare potuisset. Idem cum adversarios intra mœnia compulisset , & ut Corinthum oppugnaret , multi hortarentur : *negavit id suæ virtuti convenire : se enim eum esse , dixit , qui ad officium peccantes redire cogeret , non qui urbes nobilissimas expugnaret Græciæ. Nam si , inquit , eos extinguere voluerimus , qui nobiscum adversus Barbaros steterunt , nosmetipsi*

172 CORNELII NEPOTIS

nos expugnaverimus , illis quiescentibus ; quo facto , sine negotio , cum voverint , nos oppriment.

VI. Interim accidit illa calamitas apud Leuctra Lacedæmoniis ; quò ne proficiscerentur , cùm à plerisque ad exeundum premeretur , ut si de exitu divinaret , exire noluit. Idem cùm Epaminondas Spartam oppugnaret , essetque sine muris oppidum , talem se Imperatorem præbuit , ut eo tempore omnibus apparuerit , nisi ille fuisset , Spartam futuram non fuisse. In quo quidem discrimine celeritas ejus consilii saluti fuit universis ; nam cùm quidam adolescentuli , hostium adventu perterriti , ad Thebanos transfugere vellent , & locum extra urbem editum cepissent , Agesilaus , qui perniciosissimum fore videret , si animadvertens esset quemquam ad hostes transfugere conari , cum suis eò venit , atque , ut si bono animo fecissent , laudavit consilium eorum , quòd eum locum occupassent , & se id quoque fieri debere animadvertisse. Sic adolescentulos simulata laudatione recuperavit ;

AGESILAUS. XVII. 173

& adjunctis de suis comitibus , locum tutum reliquit. Namque illi , aucto numero eorum , qui expertes erant consilii , commovere se non sunt ausi , eoque libentiùs , quòd latere arbitrabantur quæ cogitarant.

VII. Sine dubio post Leuctricam pugnam Lacedæmonii se nunquam referunt , neque pristinum imperium recuperarunt : cùm interim Agesilaus non destitit , quibuscumque rebus posset , patriam juvare. Nam cùm præcipuè Lacedæmonii indigerent pecuniâ , ille omnibus , qui à Rege defecerant , præsidio fuit ; à quibus magnâ donatus pecuniâ , patriam sublevavit. Atque in hoc illud in primis fuit admirabile , cùm maxima munera ei ab Regibus , & Dynastis , civitatibusque conferrentur , quòd nihil unquam in domum suam contulit , nihil de victu , nihil de vestitu Lacorum mutavit. Domo eâdem fuit contentus , quâ Eurysthenes progenitor majorum suorum fuerat usus : quam qui intrarat , nullum signum libidinis , nullum luxuriæ videre poterat ; contra , plurima patientiæ atque abstinentiæ. Sic

enim erat instructa , ut nulla in re differ-
ret à cuius inopis atque privati.

VIII, Atque hic tantus vir , ut Na-
turam fautricem habuerat in tribuendis,
animi virtutibus , sic maleficam nactus
est in corpore ; nam & staturâ fuit hu-
mili , & corpore exiguo , & claudus
altero pede. Quæ res etiam nonnullam
afferebat deformitatem : atque ignoti ,
faciem ejus cùm intuerentur , contem-
nebant : qui autem virtutem noverant ,
non poterant admirari satis. Quod ei
usu venit , cùm annorum octoginta sub-
sidio Thaco in Ægyptum ivisset , & in-
actâ cum suis accubuisset , sine ullo
tecto ; stratumque haberet tale , ut ter-
ra tecta esset stramentis ; neque huc am-
plius quàm pellis esset injecta ; eodem-
que comites omnes accubuissent , vesti-
tū humili , atque obsoleto , ut eorum
ornatus non modò in his Regem ne-
minem significaret , sed hominis non
beatissimi suspicionem præberet. Hujus
de adventu fama cùm ad regiones esset
perlata , celeriter munera eò cujusque
generis sunt allata. His quærentibus
Agésilæum , vix fides facta est , unum

AGESILAUS. XVII. 175

esse ex his , qui tum accubabant: Qui cum Regis verbis , quæ attulerant , dedissent , ille præter vitulina , & hujusmodi genera obsonii , quæ præsens tempus desiderabat , nihil accepit ; unguenta , coronas , secundamque mensam , servis dispertit ; cetera referri jussit. Quo facto eum Barbari magis etiam contempserunt , quòd eum ignorantia bonarum rerum illa potissimum sumpsisse arbitrabantur.

Hic cum ex Ægypto reverteretur , donatus à Rege Nectanebe ducentis viginti talentis , quæ ille muneri populo suo daret : venissetque in portum , qui Menelai vocatur , jacens inter Cyrenas & Ægyptum : in morbum implicatus decessit. Ibi eum amici , quò Spartam faciliùs perferre possent , quòd mel non habebant , cerâ circumfuderunt , atque ita domum retulerunt.



XVIII.

EUMENES
CARDIANUS.



Ujus si virtuti par data
esset fortuna , non ille
quidem major fuisset , sed
multò illustrior , atque
etiam honoratior : quòd
magno8 homines virtute metimur , non
fortunâ. Nam cùm ætas ejus incidisset
in ea tempora , quibus Macedones flo-
rerent , multùm ei detraxit inter eos
viventem , quòd alienæ erat civitatis : ne-
que aliud huic defuit , quàm generosa

CORN. N. EUM. XVIII. 177

stirps. Et si enim ille domestico summo genere erat, tamen Macedones eum sibi aliquando anteponi indignè ferebant: neque tamen non patiebantur; vincebat enim omnes curâ, vigilantîâ, patientîâ, calliditate, & celeritate ingenii.

Hic peradolescens ad amicitiam accessit Philippi, Amyntæ filii: brevi-que tempore in intimam pervenit familiaritatem. Fulgebat enim jam in adolescentulo indoles virtutis. Itaque eum habuit ad manum scribæ loco; quod multò apud Graios honorificentius est, quàm apud Romanos. Nam apud nos re verâ, sicut sunt, mercenarii scribæ existimantur: at apud illos contrariò nemo ad id officium admittitur, nisi honesto loco, & fide, & industriâ cognitâ, quòd necesse est omnium consiliorum eum esse participem. Hunc locum tenuit amicitiae apud Philippum annos septem. Illo interfecto, eodem gradu fuit apud Alexandrum annos tredecim. Novissimo tempore præfuit etiam alteri equitum alæ, quæ *Heterice* appellabatur. Utrique autem

178 CORNELII NEPOTIS

in consilio semper affuit , & omnium rerum habitus est particeps.

Cap. II. Alexandro Babylone mortuo, cum regna singulis familiaribus dispartirentur , & summa rerum tradita esset tuenda eidem , cui Alexander moriens annulum suum dederat , Perdiccæ : ex quo omnes conjecerant, eum regnum ei commendasse, quoad liberi ejus in suam tutelam pervenissent. Aberant enim Craterus, & Antipater, qui antecedere hunc videbantur : mortuus erat Hephæstio, quem unum Alexander, quod facile intelligi posset , plurimi fecerat. Hoc tempore data est Eumeni Cappadocia , five potius dicta. Nam tum in hostium erat potestate. Hunc sibi Perdiccas adjunxerat magno studio , quod in homine fidem & industriam magnam videbat ; non dubitans , si eum pellexisset , magno usui fore sibi in his rebus quas apparabat. Cogitabat enim , quod ferè omnes in magnis imperiis concupiscunt , omnium partes corripere atque complecti. Neque verò hoc solus fecit ; sed ceteri quoque omnes , qui Alexandri fuerant amici. Primus

EUMENES. XVIII. 179

Leonnatus Macedoniam præoccupare destinaverat. Is multis magnis pollicitationibus persuadere Eumeni studuit, ut Perdiccam desereret, ac secum faceret societatem. Cum perducere eum non posset, interficere conatus est; & fecisset, nisi ille clam noctu ex præsidii ejus effugisset.

III. Interim conflata sunt illa bella, quæ ad internecionem post Alexandri mortem gesta sunt, omnesque concurrerunt ad Perdiccam opprimendum. Quem etsi infirmum videbat, quod unus omnibus resistere cogeatur, tamen amicum non deseruit, neque salutis quàm fidei fuit cupidior. Præfecerat eum Perdiccas ei parti Asiæ, quæ inter Taurum montem jacet atque Hellespontum; & illum unum opposuerat Europæis adversariis. Ipse Ægyptum oppugnatum adversus Ptolemæum erat profectus.

Eumenes, cum neque magnas copias, neque firmas haberet, quod inexercitatae, & non multò ante erant contractae; adventare autem diceren-

180 CORNELII NEPOTIS

tur , Helleſpontumque tranſiſſe Anti-
pater & Craterus magno cum exercitu
Macedonum, viri cùm claritate tum uſu
belli præſtantes : (Macedones verò
milites eâ tunc erant famâ , quâ nunc
Romani feruntur : etenim ſemper ha-
biti ſunt fortiffimi , qui ſummam impe-
rii potirentur :) Eumenes intelligebat,
ſi copię ſuæ cognoffent adverſus quos
ducerentur , non modò non ituras ,
ſed ſimul cum nuntio dilapſuras. Ita-
que hoc ejus fuit prudentiffimum conſi-
lium , ut deviis itineribus milites duce-
ret , in quibus vera audire non poſſent ;
& his perſuaderet , ſe contra quosdam
barbaros proficiſci. Itaque tenuit hoc
propoſitum , & priùs in aciem exerci-
tum eduxit , præliumque conſmiſit ,
quàm milites ſui ſcirent , cum quibus
arma conferrent. Effecit etiam illud lo-
corum præoccupatione , ut equitatu
potiùs dimicaret , quo plus valebat ,
quàm peditatu quo erat deterior.

IV. Quorum acerrimo concurſu cùm
magnam partem diei eſſet pugnatum ,
cadit Craterus dux , & Neoptolemus ,
qui ſecundum locum imperii tenebat.

EUMENES. XVIII. 181

Cum hoc concurrat ipse Eumenes. Qui cum inter se complexi in terram ex equis decidissent, ut facile intelligi posset inimicâ mente contendisse, animoque magis etiam pugnassee quàm corpore; non prius distracti sunt, quàm alterum anima reliquerit. Ab hoc aliquot plagis Eumenes vulneratur, neque eò magis ex prælio excessit, sed acrius hostibus instat. Hic equitibus profligatis, interfecto duce Cratere, multis præterea & maximè nobilibus captis, pedester exercitus, quod in ea loca erat deductus, ut invito Eumene elabi non posset, pacem ab eo petiit; quam cum impetrasset, in fide non mansit, & se, simul ac potuit, ad Antipatrum recepit. Eumenes Craterum ex acie semivivum elatum recreare studuit. Cum id non posset, pro hominis dignitate, proque pristina amicitia (namque illo usus erat, Alexandro vivo, familiariter) amplo funere extulit, ossaque in Macedoniam uxori ejus ac liberis remisit.

V. Hæc dum apud Hellespontum geruntur, Perdiccas apud flumen Ni-

182 CORNELII NEPOTIS

lum interficitur à Seleuco & Antigono ; rerumque summa ad Antipatrum deferitur. Hic , qui deseruerant , exercitu suffragium ferente , capitis absentes damnantur. In his Eumenes. Hic ille perculsus plagâ non succubuit , neque eo seciùs bellum administravit. Sed exiles res animi magnitudinem , etsi non frangebant , tamen imminuebant. Hunc persequens Antigonus , cùm omni genere copiarum abundaret , sæpè in itineribus vexabatur ; neque unquam ad manum accedere licebat , nisi his locis , quibus pauci possent multis resistere. Sed extremo tempore cùm consilio capi non posset , multitudine circumventus est. Hinc tamen , multis suis amissis , se expedivit , & in castellum Phrygiæ , quod *Nora* appellatur , confugit.

* In quo cùm circumfederetur , & vereretur , ne uno loco manens equos militares perderet , quòd spatium non esset agitandi ; callidum fuit ejus inventum , quemadmodum stans jumentum calefieri exerceique posset , quò libentiùs & cibo uteretur , & à corporis

EUMENES. XVIII. 183

motu non removeretur. Substringebat caput loro altiùs , quàm ut prioribus pedibus planè terram posset attingere ; deinde post verberibus cogebat exsultare , & calces remittere. Qui motus non minùs sudorem excutiebat , quàm si in spatio decurreret. Quo factum est , quod omnibus mirabile est visum , ut iumenta æquè nitida ex castello educret , cùm complures menses in obsidione fuisset , ac si in campestribus ea locis habuisset.

In hac conclusione , quotiescumque voluit , apparatus & munitiones Antigoni alias incendit , alias disjecit. Tenuit autem se uno loco , quamdiu fuit hiems. Quòd castrum subsidia habere non poterat , & ver appropinquabat , simulatâ deditione , dum de conditionibus tractat , præfectis Antigoni imposuit : seque ac suos omnes extraxit incolumes.

VI. Ad hunc Olympias , mater quæ fuerat Alexandri , cùm litteras & nuntios misisset in Asiam , consultum , *utrum repetitum Macedoniam veniret*

184 CORNELII NEPOTIS

(nam tum in Epiro habitabat) & eas res occuparet: huic ille primùm suavit, ne se moveret, & exspectaret, quoad Alexandri filius regnum adipisceretur: sin aliqua cupiditate raperetur in Macedoniam, omnium injuriarum oblivisceretur, & in neminem acerbiorē uteretur imperio. Horum nihil ea fecit. Nam & in Macedoniam profecta est, & ibi crudelissimè se gessit. Petiit autem ab Eumene absente, ne pateretur, Philippi domus & familiæ inimicissimos regnare, amicissimos interire, ferretque opem liberis Alexandri. Quam veniam si sibi daret, quàm primùm exercitus pararet, quos sibi subsidio adduceret. Id quod facilius faceret, se omnibus præfectis, qui in officio manebant, misisse litteras, ut ei parerent, ejusque consiliis uterentur. His verbis Eumenes permotus satiùs duxit, si ita tulisset fortuna, perire benè meritis referentem gratiam, quàm ingratum vivere.

VII. Itaque copias contraxit, bellum adversus Antigonum comparavit. Quòd unà erant Macedones complures nobiles, in his Peucestes, qui corporis

EUMENES. XVIII. 185

ris custos fuerat Alexandri , tum autem obtinebat Persidem ; & Antigeneſ , cujus ſub imperio phalanx erat Macedonum : invidiam verens , (quam tamen effugere non potuit) ſi potiùs ipſe alienigena ſummi imperii potiretur , quàm alii Macedonum , quorum ibi erat multitudo : in principiis nomine Alexandri ſtatuit tabernaculum , in eoque ſellam auream cum ſceptro ac diademate juſſit poni ; eòque omnes quotidie convenire , ut ibi de ſummis rebus conſilia caperentur : credens minore ſe invidiâ fore , ſi ſpecie imperii , nominisque ſimulatione Alexandri , bellum videretur adminiſtrare. Quod & fecit. Nam cùm non ad Eumenis principia , ſed ad regia conveniretur , atque ibi de rebus deliberaretur , quodam modo latebat , cùm tamen per eum unum gererentur omnia.

VIII. Hic in Parætacis cum Antigono confluxit , non acie inſtructa , ſed in itinere : eumque malè acceptum in Mediam hiematum coëgit redire. Ipſe in finitima regione Perſidis hiematum copias diviſit , non ut voluit , ſed ut

Q

186 CORNELII NEPOTIS

militum cogebat voluntas. Namque illa phalanx Alexandri Magni , quæ Asiam peragrarat , deviceratque Persas , inveteratâ cùm gloriâ tum etiam licentiâ , non parere se ducibus , sed imperare postulabat : ut nunc veterani faciunt nostri. Itaque periculum est , ne faciant , quod illi fecerunt suâ intemperantiâ nimiâque licentiâ , ut omnia perdant , neque minùs eos , cum quibus steterint , quàm adversùs quos fecerint. Quòd si quis illorum veteranorum legat facta , paria horum cognoscat : neque rem ullam , nisi tempus , interesse judicet. Sed ad illos revertar.

Hiberna sumpserant non ad usum belli , sed ad ipsorum luxuriam ; longèque inter se discesserant. Hoc Antigonus cùm comperisset , intelligeretque se parem non esse paratis adversariis , statuit aliquid sibi consilii novi esse capiendum. Duæ erant viæ , quæ ex Medis , ubi ille hiemabat , ad adversariorum hibernacula posset perveniri : quarum brevior per loca deserta , quæ nemo incolebat propter aquæ ino-

EUMENES. XVIII. 187

piam , ceterum dierum erat ferè decem : illa autem , quà omnes commeabant , altero tantò longiorem habebat anfractum , sed erat copiosa , omniumque rerum abundans. Hàc si proficisceretur , intelligebat priùs adversarios rescituros de suo adventu , quàm ipse tertiam partem confecisset itineris ; sin per loca sola contenderet , sperabat se imprudentem hostem oppressurum. Ad hanc rem conficiendam , imperavit quàm plurimos utres atque etiam culleos comparari : post hæc pabulum , præterea cibaria cocta dierum decem ; utque quàm minimè fieret ignis in castris. Iter , quod habebat , omnes celat. Sic paratus , quà constituerat , proficiscitur.

I X. Dimidium ferè spatium confecerat , cùm ex fumo castrorum ejus suspicio allata est ad Eumenem , hostem appropinquare. Conveniunt duces : quæritur , *quid opus sit facto*. Intelligèbant omnes , tam celeriter copias ipsorum contrahi non posse , quàm Antigonus affuturus videbatur. Hic , omnibus titubantibus , & de rebus summis

188 CORNELII NEPOTIS

desperantibus , Eumenes ait , *si celeritatem velint adhibere , & imperata facere , quod ante non fecerint , se rem expediturum , Nam quod diebus quinque hostis transisse posset , se effecturum , ut non minus totidem dierum spatio retardaretur : quare circumirent , suas quisque copias contraheret.* Ad Antigoni autem refrenandum impetum , tale capit consilium.

Certos mittit homines ad infimos montes , qui obvii erant itineri adversariorum ; hisque præcepit , ut primâ nocte quàm latissimè possint , ignes faciant quàm maximos , atque hos secundâ vigiliâ minuant , tertiâ perexiguos reddant : & adsimulatâ castrorum consuetudine suspicionem injiciant hostibus , his locis esse castra , ac de eorum adventu esse prænuntiatum ; idemque postera nocte faciant. Quibus imperatum erat , diligenter præceptum curant. Antigonus tenebris obortis ignes conspicatur : credit de suo adventu esse auditum , & adversarios illuc suas contraxisse copias ; mutat consilium , & quoniam imprudentes adoriri non pos-

set, flectit iter suum, & illum anfractum longiorem copiosæ viæ capit, ibique diem unum opperitur, ad lassitudinem sedandam militum, ac reficienda jumenta, quò integriore exercitu decerneret.

X. Hic Eumenes callidum imperatorem vicit consilio, celeritatemque impedivit ejus: neque tamen multum profecit. Nam invidiâ ducum, cum quibus erat, perfidiâque militum Macedonum veteranorum, cùm superior prælio discessisset, Antigono est deditus, cùm exercitus ei ter ante separatim temporibus jurasset, se eum defensurum, nec unquam deserturum. Sed tanta fuit nonnullorum virtutis obtrectatio, ut fidem amittere mallent, quàm eum non prodere. Atque hunc Antigonus, cùm ei fuisset infestissimus, conservasset, si per suos esset licitum, quòd ab nullo se plus adjuvari posse intelligebat in his rebus, quas impendere jam apparebat omnibus. Imminabant enim Seleucus, Lysimachus, Ptolemæus, opibus jam valentes, cum quibus ei de summis rebus erat dimi-

candum. Sed non passi sunt hi , qui circa erant ; quòd videbant , Eumene recepto , omnes præ illo parvi futuros. Ipse autem Antigonus adeo erat incensus , ut nisi magna spe maximarum rerum leniri non posset.

XI. Itaque cùm eum in custodiam dedisset , & præfectus custodum quæsisset , *quemadmodum servari vellet ? ut acerrimum* , inquit , *leonem , aut ferocissimum elephantum*. Nondum enim statuerat , servaret eum , nec ne. Veniebat autem ad Eumenem utrumque genus hominum : & qui propter odium , fructum oculis ex ejus casu capere velent ; & qui propter veterem amicitiam colloqui , consolarique cuperent. Multi etiam qui ejus formam cognoscere studebant , qualis esset , quem tamdiu , tamque valdè timuissent , cujus in perniciæ positam spem habuissent victoriæ.

At Eumenes , cùm diutiùs in vinculis esset , ait Onomarcho , penes quem summa imperii erat custodiæ , *se mirari quare jam tertium diem sic te-*

EUMENES. XVIII. 191

neretur ; non enim hoc convenire Antigonî prudentiæ , ut sic se deuteretur victo : quin aut interfici , aut missum fieri juberet. Hic cùm ferociùs Onomarcho loqui videretur , quid tu ? inquit , animo si isto eras , cur non in prælio cecidisti potiùs , quàm in potestatem inimici venires ? Huic Eumenes , utinam quidem istud evenisset ! inquit : sed eò non accidit , quòd nunquam cum fortiore sum congressus ; non enim cum quoquam arma contuli , quin is mihi succubuerit : non enim virtute hostium , sed amicorum perfidiâ decidi. Neque id falsum : Nam & dignitate fuit honestâ , & viribus ad laborem ferendum firmis , neque tam magno corpore , quàm figurâ venustâ.

XII. De hoc Antigonus cùm solus constituere non auderet , ad consilium retulit. Hic , cùm plerique omnes primò perturbati admirarentur , non jam de eo sumptum esse supplicium , à quo tot annos adeo essent malè habiti , ut sæpè ad desperationem forent adducti , quique maximos duces interfecisset : denique in quo uno esset tantùm , ut , quoad ille viveret , ipsi securi esse non

possent ; interfecto , nihil habituri negotii essent. Postremò , *si illi redderet salutem* , quærebant , *quibus amicis esset usus ? sese enim cum Eumene apud eum non futuros*. Hic cognitâ consilii voluntate , tamen usque ad septimum diem deliberandi sibi spatium reliquit : tum autem , cùm jam vereretur ne qua seditio exercitûs oriretur , vetuit ad eum quemquam admitti , & quotidianum victum amoveri jussit : nam negabat se ei vim allaturum , qui aliquando fuisset amicus. Hic tamen non amplius , quàm triduum , fame fatigatus , cùm castra moverentur , insciente Antigono , jugulatus est à custodibus.

XIII. Sic Eumenes annorum quinque & quadraginta , cùm ab anno vigesimo [uti suprâ ostendimus] septem annos Philippo apparuisset , & tredecim , apud Alexandrum , eundem locum obtinuisset ; in his uni equitum alæ præfuisse ; post autem Alexandri Magni mortem , imperator exercitus duxisset , summosque duces partim repulisset , partim interfecisset ; captus non Antigoni virtute , sed Macedonum perjurio , talem habuit

EUMENES. XVIII. 193

buit exitum vitæ. De quo quanta fuerit omnium opinio eorum, qui post Alexandrum Magnum Reges sunt appellati, ex hoc facillimè potest judicari, quòd nemo Eumene vivo *Rex* appellatus est, sed *Præfectus*. Iidem post hujus occasum, statim regium ornatum nomenque sumpserunt: neque, quòd initio prædicarant, *sc. Alexandri liberis regnum servare*, id præstare voluerunt; & uno propugnatore sublato, quid sentirent, aperuerunt. Hujus sceleris principes fuerunt Antigonus, Ptolemæus, Seleucus, Lyfimachus, Cassander. Antigonus autem Eumenem mortuum propinquis ejus sepeliendum tradidit. Hi militari honestoque funere, comitante toto exercitu, humaverunt; ossaque ejus in Cappadociam ad matrem, atque uxorem, liberosque ejus deportanda curarunt.



PHOCION

ATHENIENSIS.



ETSI sæpè exercitibus præfuit, summosque magistratus cepit, tamen multò ejus notior integritas est vitæ, quàm rei militaris labor. Itaque hujus memoria est nulla, illius autem magna fama: ex quo, cognomine *Bonus* est appellatus. Fuit enim perpetuò pauper, cùm ditissimus esse posset propter frequentes delatos honores, potestatesque summas, quæ

CORN. N. PHOC. XIX. 195

ei à populo dabantur. Hic cùm à Rege Philippo munera magnæ pecuniæ repudiaret, legatique hortarentur accipere, simulque admonerent, si ipse his facillè careret; liberis tamen suis prospiceret, quibus difficile esset in summa paupertate tantam paternam tueri gloriam: his ille: *si mei similes erunt, idem hic*, inquit, *agellus illos alet, qui me ad hanc dignitatem perduxit: sin dissimiles sunt futuri, nolo meis impensis illorum ali augerique luxuriam.*

Cap. II. Eidem cùm propè ad annum octogesimum prospera permansisset fortuna, extremis temporibus magnum in odium pervenit suorum civium. Primò quòd cum Demade de urbe tradenda Antipatro consenserat: ejusque consilio Demosthenes cum ceteris, qui benè de Republica mereri existimabantur, plebiscito in exilium erant expulsi. Neque in eo solùm offenderat, quòd patriæ malè consuluerat, sed etiam quòd amicitiae fidem non præstiterat. Namque auctus adjutusque à Demosthene, eum, quem tenebat, ascenderat gradum, cùm adversus

196 CORNELII NEPOTIS

Charetem eum subornaret : ab eodem in judiciis , cum capitis causam diceret , defensus aliquoties , liberatus discesserat. Hunc non solum in periculis non defendit , sed etiam prodidit. Concidit autem maxime uno crimine : quod , cum apud eum summum esset imperium populi , & Nicanorem Cassandri praefectum insidiari Piræo Atheniensium à Dercyllo moneretur ; idemque postulare , ut provideret , ne commeatibus civitas privaretur : hic , audiente populo , Phocion negavit esse periculum , seque ejus rei obsidem fore pollicitus est. Neque ita multò post Nicanor Piræo est potitus. Ad quem recuperandum , sine quo Athenæ omnino esse non possunt , cum populus armatus concurrisset , ille non modò neminem ad arma vocavit , sed ne armatis quidem praesse voluit.

III. Erant eo tempore Athenis duæ factiones ; quarum una populi causam agebat , altera optimatum. In hac erant Phocion & Demetrius Phalereus : Harum utraque Macedonum patrocinis nitebatur. Nam populares Polyper-

PHOCION. XIX. 197

chonti favebant, optimates cum Cassandro sentiebant. Interim à Polyperchonte Cassander Macedoniâ pulsus est. Quo facto populus superior factus, statim duces adversariæ factionis, capitis damnatos, patriâ pepulit: in his Phocionem & Demetrium Phalereum: deque ea re legatos ad Polyperchontem misit, qui ab eo peterent, ut sua decreta confirmaret. Huc eodem profectus est Phocion; quò ut venit, causam apud Philippum Regem verbo, reipsâ quidem apud Polyperchontem iussus est dicere: namque is tum Regis rebus præerat. Hic cum ab Agnonide accusatus esset, quòd Pyræum Nicanori prodidisset, ex consilii sententia in custodiam coniectus, Athenas deductus est, ut ibi de eo legibus fieret iudicium.

IV. Huc ubi perventum est, cum propter ætatem pedibus jam non valeret, vehiculoque portaretur, magni concursus sunt facti: cum alii, reminiscentes veteris famæ, ætatis misererentur; plurimi verò irâ exacerentur, propter prodicionis suspicionem Piræei:

198 CORN. N. PHOC. XIX.

maximèque quòd adversùs populi com-
moda in senectute steterat. Qua de re ne
perorandi quidem ei data est facultas, &
dicendi causam. Indè iudicio, legiti-
mis quibusdam confectis, damnatus,
traditus est undecim viris, quibus ad
supplicium, more Atheniensium, pu-
blicè damnati tradi solent.

Hic cùm ad mortem duceretur, ob-
vius ei fuit Emphyletus, quo familia-
riter fuerat usus. Is cùm lacrymans di-
xisset: *O quàm indigna perpeteris Pho-
cion!* huic ille, *at non inopinata*, in-
quit: *hunc enim exitum plerique clari
viri habuerunt Athenienses.* In hoc tan-
tum fuit odium multitudinis, ut nemo
ausus sit eum liber sepelire. Itaque à
servis sepultus est.



TIMOLEON

CORINTHIUS.



IN E dubio magnus omnium iudicio hic vir exstitit. Namque huic uni contigit, quod nescio an ulli, ut & patriam, in qua erat natus, oppressam à tyranno liberaret, & à Syracusis, quibus auxilio erat missus, inveteratam servitutem depelleret; totamque Siciliam, multos annos bello vexatam, à Barbarisque oppressam, suo adventu in pristinum resti-

tueret. Sed in his rebus non simplici fortuna conflictatus est, &, id quod difficilius putatur, multò sapientiùs tulit secundam, quàm adversam, fortunam. Nam cùm ejus frater Timophanes, dux à Corinthiis delectus, tyrannidem per milites mercenarios occupasset, particepsque regni posset esse; tantùm abfuit à societate sceleris, ut antetulerit suorum civium libertatem fratris saluti, & patriæ parere legibus, quàm imperare, satius duxerit.

Hac mente per haruspicem, communemque affinem, cui soror ex eisdem parentibus nata nupta erat, fratrem tyrannum interficiendum curavit. Ipse non modò manus non attulit, sed ne adspicere quidem fraternum sanguinem voluit. Nam, dum res conficeretur, procul in præsidio fuit, ne quis fatelles posset succurrere. Hoc præclarissimum ejus facinus non pari modo probatum est ab omnibus. Nonnulli enim læsam ab eo pietatem putabant, & invidiâ laudem virtutis obterebant. Mater verò post id factum, neque domum ad se filium admisit, neque ad-

TIMOLEON. XX. 201

spexit, quin eum fratricidam impiumque detestans compellaret. Quibus rebus ille adeo est commotus, ut nonnunquam vitæ finem facere voluerit, atque ex ingratorum hominum conspectu morte decedere.

Cap. II. Interim Dione Syracusis interfecto, Dionysius rursus Syracusarum potitus est: cujus adversarii opem à Corinthiis petierunt, ducemque, quo in bello uterentur, postularunt. Huc Timoleon missus, incredibili felicitate Dionysium totâ Siciliâ depulit. Cùm interficere posset, noluit; tutòque ut Corinthum perveniret, effecit; quòd utrorumque Dionysiorum opibus Corinthii sæpè adjuti fuerant. Cujus benignitatis memoriam volebat exstare, eamque præclaram victoriæ ducebat, in qua plus esset clementiæ quàm crudelitatis: postremò, ut non solum auribus acciperetur, sed etiam oculis cerneretur, quem & ex quanto regno ad quam fortunam detrusisset.

Post Dionysii decessum cum Iceta bellavit, qui adversatus fuerat Diony-

fio : quem non odio tyrannidis dissen-
fisse , sed cupiditate , indicio fuit , quòd
ipse , expulso Dionysio , imperium di-
mittere noluit. Hoc superato , Timo-
leon maximas copias Carthagenensium
apud Crimessum flumen fugavit , ac
fatis habere coëgit , si liceret Africam
obtinere , qui jam complures annos
possessionem Siciliae tenebant. Cepit
etiam Mamercum Italicum ducem ,
hominem bellicosum & potentem , qui
tyrannos adjutum in Siciliam venerat.

III. Quibus rebus confectis cum
propter diuturnitatem belli non solum
regiones , sed etiam urbes desertas vi-
deret , conquirit quos potuit , primum
Siculos ; deinde Corintho arcessivit
colonos , quòd ab his initio Syracusæ
erant conditæ. Civibus veteribus sua
restituit , novis bello vacuefactas pos-
sessiones divisit ; urbium mœnia dis-
jecta , fanaque deleta refecit ; civitati-
bus leges libertatemque reddidit. Ex
maximo bello tantum otium toti insu-
læ conciliavit , ut hic conditor urbium
earum , non illi qui initio deduxerant ,
videretur. Arcem , Syracusis , quam

TIMOLEON. XX. 203

munierat Dionysius ad urbem obsidentem , à fundamentis disjecit : cetera tyrannidis propugnacula demolitus est , deditque operam , ut quàm minimè multa vestigia servitutis manerent.

Cùm tantis esset opibus , ut etiam invitis imperare posset , tantum autem haberet amorem omnium Siculorum , ut nullo recusante regnum obtineret , maluit se diligere quàm metui. Itaque , cùm primum potuit , imperium deposuit , & privatus Syracusis , quod reliquum vitæ fuit , vixit. Neque verò id imperitè fecit : nam quod ceteri Reges imperio potuerunt , hic benevolentia tenuit. Nullus honos huic defuit ; neque postea res ulla Syracusis gesta est publicè , de qua prius sit decretum , quàm Timoleontis sententia cognita. Nullius unquam consilium non modò antelatum , sed ne comparatum quidem est. Neque id magis benevolentia factum est , quàm prudentia.

IV. Hic cùm ætate jam proventus esset , sine ullo morbo lumina oculorum amisit. Quam calamitatem ita mo-

deratè tulit , ut neque eum querentem quisquam audierit , neque eò minus privatis publicisque rebus interfuerit. Veniebat autem in theatrum , cùm consilium populi haberetur , propter valetudinem vestus jumentis junctis , atque ita de vehiculo , quæ videbantur , dicebat : neque hoc illi quisquam tribuebat superbiæ. Nihil enim unquam neque insolens , neque gloriosum , ex ore ejus exiit. Qui quidem , cùm suas laudes audiret prædicari , nunquam aliud dixit , quàm *se in ea re maximas Diis gratias agere , atque habere , quòd cùm Siciliam recreare constituissent , tum se potissimum ducem esse voluissent*. Nihil enim rerum humanarum sine Deorum numine geri putabat. Itaque suæ domi sacellum *Αὐτοματίας* constituerat , idque sanctissimè colebat.

V. Ad hanc hominis excellentem bonitatem mirabiles accesserunt casus. Nam prælia maxima natali die suo fecit omnia : quo factum est , ut ejusdem natalem festum haberet universa Sicilia. Huic quidam Lamestius , homo petulans & ingratus , vadimonium cùm

TIMOLEON. XX. 205

vellet imponere , quòd cum illo se lege agere diceret , & complures concurrissent , qui procacitatem hominis manibus coërcere conarentur : Timoleon oravit omnes , ne id facerent : *namque id ut Lamestio ceterisque liceret , se maximos labores summaque adiisse pericula. Hanc enim speciem libertatis esse , si omnibus , quod quisque vellet , legibus experiri liceret.* Idem , cùm quidam Lamestii similis , nomine Demænetus , in concione populi de rebus gestis ejus detrahere cœpisset , ac nonnulla inveheretur in Timoleonta ; dixit , *nunc demùm se voti esse damnatum ! Namque hæc à Diis immortalibus semper precatum , ut talem libertatem restituerent Syracusanis , in qua cuivis liceret , de quo vellet , impune dicere.* Hic cùm diem supremum obiisset , publicè à Syracusanis in gymnasio , quod Timoleon-teum appellatur , tota celebrante Sicilia , sepultus est,



X X I.

DE REGIBUS.



I ferè fuerunt Græciæ gentis duces , qui memoriâ digni videantur , præter *REGES*. Namque eos attingere noluimus , quòd omnium res gestæ separatim sunt relatæ. Neque tamen hi admodum sunt multi. Lacedæmonius autem Agesilaus , nomine , non potestate fuit Rex , sicuti ceteri Spartani.

Ex his verò qui dominatum imperio tenuerunt , excellentissimi fuerunt , ut nos iudicamus , Persarum Cyrus , &

Darius Hyftaspis filius : quorum uterque privatus , virtute regnum est adeptus. Prior horum , apud Maſſagetas in prælio cecidit : Darius ſenectute diem obijt ſupremum. Tres ſunt præterea ejuſdem generis ; Xerxes , & duo Artaxerxes , Macrochir & Mnemon. Xerxi maximè eſt illuſtre , quòd maximis poſt hominum memoriam exercitibus , terrâ marique bellum intulit Græciæ. At Macrochir præcipuam habet laudem ampliſſimæ pulcherrimæque corporis formæ , quam incredibili ornavit virtute belli. Namque illo Perſarum nemo fuit manu fortior. Mnemon autem juſtitia famâ floruit : nam cùm matris ſuæ ſcelere amiſſet uxorem , tantùm indulſit dolori , ut eum pietas vinceret. Ex his duo eodem nomine , morbo naturæ debitum reddiderunt : tertius ab Artabano præfecto ferro interemptus eſt.

Cap. II. Ex Macedonum autem genere , duo multò ceteros antecceſſerunt rerum geſtarum gloriâ ; Philippus Amyntæ filius , & Alexander Magnus. Horum alter Babylone morbo

208 CORNELII NEPOTIS

consumptus est. Philippus Ægis à Pausania , cùm spectatum ludos iret , juxta theatrum occisus est. Unus Epirotes , Pyrrhus , qui cum populo Romano bellavit. Is cùm Argos oppidum oppugnaret in Peloponneso , lapide ictus interiit. Unus item Siculus , Dionysius prior : nam & manu fortis , & belli peritus fuit , & , id quod in tyranno non facîle reperitur , minimè libidinosus , non luxuriosus , non avarus , nullius rei denique cupidus , nisi singularis perpetuique imperii , ob eamque rem crudelis : nam dum id studuit munire , nullius pepercit vitæ , quem ejus insidiatorem putaret. Hic cùm virtute tyrannidem sibi peperisset , magnâ retinuit felicitate , majorque annis sexaginta natus , decessit florente regno. Neque in tam multis annis cujusquam ex sua stirpe funus vidit , cùm ex tribus uxoribus liberos procreasset , multique ei nati essent nepotes.

III. Fuerunt præterea magni Reges ex amicis Alexandri Magni , qui post obitum ejus imperia ceperunt. In his Antigonus , & hujus filius Demetrius :
Lyfimachus ,

Lyfimachus , Seleucus , Ptolemæus. Ex his Antigonus , cùm adversus Seleucum , Lyfimachumque dimicaret , in prælio occisus est. Pari letho affectus est Lyfimachus à Seleuco : nam societate dissoluta , bellum inter se gesserunt. At Demetrius , cùm filiam suam Seleuco in matrimonium dedisset , neque eò magis fida inter eos amicitia manere potuisset , captus bello , in custodia focer generi , periit morbo. Neque ita multò post Seleucus à Ptolemæo Cerauno dolo interfectus est : quem ille à patre expulsus Alexandriâ , alienarum opum indigentem , receperat. Ipse autem Ptolemæus , cùm vivus filio regnum tradidisset , ab illo eodem vitâ privatus dicitur. De quibus quoniam satis dictum putamus , non incommodum videtur non prætereire Hamilcarem & Hannibalem , quos & animi magnitudine , & calliditate omnes in Africa natos præstitisse constat.



XXII.

HAMILCAR

HANNIBALIS FILIUS;

**COGNOMINE BARCAS,
CARTHAGINENSIS.**



PRIMO Punico bello, sed temporibus extremis, admodum adolescentulus in Sicilia præesse cœpit exercitui. Cùm ante ejus adventum & mari & terrâ malè res gererentur Carthagenensium, ipse ubi adfuit, nunquam hosti cessit, neque locum nocendi dedit: sæpèque è con-

CORN. N. HAM. XXII. 211

trario , occasione datâ , laceſſivit , ſemperque ſuperior diſceſſit. Quo factô , cùm penè omnia in Sicilia Pœni amiſſent , ille Erycem ſic defendit , ut bellum eo loco geſtum non videretur.

Interim Carthaginenſes claſſe apud Inſulas Ægates à Caio Lutatio Conſule Romanorum ſuperati , ſtatuerunt belli finem facere , eamque rem arbitrio permiſerunt Hamilcaris. Ille etſi flagrabat bellandi cupiditate , tamen paci ſerviendum putavit , quòd Patriam exhaustam ſumptibus , diutiùs calamitatem belli ferre non poſſe intelligebat : ſed ita ut ſtatim mente agita- ret , ſi paullùm modò res eſſent reſectæ , bellum renovare ; Romanos- que armis perſequi , donec aut virtute viciffent , aut victi manum dediffent. Hoc conſilio pacem conciliavit : in qua tantâ fuit ferociâ , ut cùm Catulus *negaret ſe bellum compoſiturum , niſi ille cum ſuis qui Erycem tenuerant , armis relictis , Siciliâ decederent ; ſuccumbente Patria , ipſe periturum ſe potiùs dixerit , quàm cum tanto flagitio domum rediret. Non enim ſuæ eſſe virtutis , arma*

212 CORNELII NEPOTIS

à patria accepta adversus hostes , adversariis tradere. Hujus pertinaciæ cessit Catulus.

Cap. II. At ille , ut Carthaginem venit , multò aliter ac sperabat Rempublicam se habentem cognovit. Namque diuturnitate externi mali tantum exarsit intestinum bellum , ut nunquam pari periculo fuerit Carthago , nisi cùm deleta est. Primò mercenarii milites , qui adversus Romanos fuerant , defecerunt : quorum numerus erat viginti millium. Hi totam abalienarunt Africam , ipsam Carthaginem oppugnaverunt. Quibus malis adeo sunt Pœni perterriti , ut auxilia etiam à Romanis petiverint , eaque impetrarint. Sed extremò , cùm propè jam ad desperationem pervenissent , Hamilcarem imperatorem fecerunt. Is non solùm hostes à muris Carthaginiis removit , cùm amplius centum millia facta essent armatorum , sed etiam eò compulit , ut locorum angustiis clausi , plures fame , quàm ferro , interirent. Omnia oppida abalienata , in his Uticam atque Hipponem , valentissima totius Africæ ,

HAMILCAR. XXII. 213

restituit Patriæ. Neque eo fuit contentus , sed etiam fines imperii propagavit : totâ Africa tantum otium reddidit , ut nullum in ea bellum videretur multis annis fuisse.

III. Rebus his ex sententia peractis , fidenti animo atque infesto Romanis , quò faciliùs causam bellandi reperiret , effecit , ut imperator cum exercitu in Hispaniam mitteretur , eòque secum duxit filium Hannibalem , annorum novem. Erat præterea cum eo adolescens illustris , formosus , Hasdrubal ; quem nonnulli diligi turpiùs , quàm par erat , ab Hamilcare , loquebantur. Non enim maledici tanto viro deesse poterant. Quo factum est , ut à præfecto morum Hasdrubal cum eo vetaretur esse. Huic ille filiam suam in matrimonium dedit , quòd moribus eorum non poterat interdici focero gener. De hoc ideo mentionem fecimus , quòd Hamilcare occiso , ille exercitui præfuit , resque magnas gessit : & princeps largitione vetustos pervertit mores Carthaginiensium ; ejusdemque post mortem , Hannibal ab exercitu accepit imperium.

IV. At Hamilcar , posteaquam mare transiit , in Hispaniamque venit , magnas res secundâ gessit fortunâ ; maximas bellicosissimasque gentes subegit : equis , armis , viris , pecuniâ , totam locupletavit Africam. Hic cùm in Italiam bellum inferre medicaretur , nono anno postquam in Hispaniam venerat , in prælio pugnans adversùs Vettones occisus est. Hujus perpetuum odium erga Romanos maximè concitasse videtur secundum bellum Punicum. Namque Hannibal , filius ejus , assiduis patris obtestationibus eò est perductus , ut interire , quàm Romanos non experiri , mallet.





XXIII.

HANNIBAL,
 HAMILCARIS FILIUS,
CARTHAGINENSIS.



I verum est, quod nemo dubitat, ut populus Romanus omnes gentes virtute superarit, non est inficiandum, Hannibalem tanto præstitisse ceteros imperatores prudentiâ, quanto populus Romanus antecedit fortitudine cunctas nationes. Nam quotiescumque cum eo congres-

216 CORNELII NEPOTIS

fus est in Italia , semper discessit superior. Quodd nisi domi civium suorum invidiâ debilitatus esset , Romanos videtur superare potuisse. Sed multorum obtrectatio devicit unius virtutem. Hic autem velut hereditate relictum odium paternum erga Romanos sic confirmavit , ut prius animam , quàm id , deposuerit : qui quidem cum patriâ pulsus esset , & alienarum opum indigeret , nunquam destiterit animo bellare cum Romanis.

Cap. II. Nam ut omittam Philip-
 pum , quem absens hostem reddidit
 Romanis ; omnium his temporibus po-
 tentissimus Rex Antiochus fuit. Hunc
 tanta cupiditate incendit bellandi , ut
 usque à rubro mari arma conatus sit
 inferre Italiæ. Ad quem cum legati ve-
 nissent Romani , qui de ejus volunta-
 te explorarent , darentque operam con-
 siliis clandestinis , ut Hannibalem in
 suspicionem Regi adducerent , tan-
 quam ab ipsis corruptum , alia atque
 antea sentire ; neque id frustra fecis-
 sent ; idque Hannibal comperisset , se-
 que ab interioribus consiliis segregari
 vidisset :

HANNIBAL. XXIII. 217

vidisset : tempore dato adiit Regem ,
eique cùm multa de fide sua , & odio
in Romanos commemorasset , hoc ad-
junxit : *pater , inquit , meus Hamilcar ,*
puerulo me , utpote non ampliùs novem
annos nato , in Hispaniam imperator
proficiscens Carthagine , Jovi Optimo
Maximo hostias immolavit. Quæ divina
res dum conficiebatur , quæsit à me ,
VELLEMNE SECUM IN CASTRA
PROFICISCI ? id cùm libenter acce-
pissem , atque ab eo petere cœpissem ne
dubitaret ducere : tum ille : FACIAM ,
inquit , SI FIDEM MIHI , QUAM
POSTULO , DEDERIS. Simul me ad
aram adduxit , apud quam sacrificare
instituerat , eamque , ceteris remotis ,
tenentem jurare jussit , NUNQUAM
ME IN AMICITIA CUM RO-
MANIS FORE. Id ego jusjuran-
dum patri datum usque ad hanc ætatem
ita conservavi , ut nemini dubium esse
debeat , quin reliquo tempore eâdem
mente sim futurus. Quare si quid amicè
de Romanis cogitabis , non imprudenter
feceris , si me celaris. Cùm quidem bel-
lum parabis , te ipsum frustraberis , si
non me in eo principem posueris.

T

III. Hac igitur , quâ diximus , ætate cum patre in Hispaniam profectus est : cujus post obitum , Hasdrubale imperatore successore , equitatui omni præfuit. Hoc quoque interfecto , exercitus summam imperii ad eum detulit. Id Carthaginem delatum , publicè comprobatum est. Sic Hannibal minor quinque & viginti annis natus , imperator factus , proximo triennio omnes gentes Hispaniæ bello subegit. Saguntum , fœderatam civitatem , vi expugnavit. Tres exercitus maximos comparavit. Ex his unum in Africam misit , alterum cum Hasdrubale fratre in Hispania reliquit , tertium in Italiam secum duxit. Saltum Pyrenæum transiit : quacumque iter fecit , cum omnibus incolis confligit ; neminem , nisi victum , dimisit. Ad Alpes posteaquam venit , quæ Italiam à Gallia sejungunt , quas nemo unquam cum exercitu ante eum , præter Herculem Grajum , transierat : quo facto is hodie saltus Grajus appellatur ; Alpico conantes prohibere transitum concidit ; loca patefecit , itinera munivit , effecitque ut eà Elephanti ornati ire

HANNIBAL. XXIII. 219

posset , quà antea unus homo inermis vix poterat repere. Hàc copias traduxit , in Italiamque pervenit.

IV. Confluxerat apud Rhodanum cum P. Cornelio Scipione Consule , eumque pepulerat. Cum hoc eodem de Claustidio apud Padum decernit : faucium indè ac fugatum dimittit. Tertio idem Scipio cum collega Tiberio Longo apud Trebiam adversus eum venit. Cum his manum conseruit , utrumque profligavit. Indè per Ligures Apenninum transit , petens Etruriam. Hoc itinere adeo gravi morbo afficitur oculorum , ut postea nunquam dextero æquè benè usus sit. Qua valetudine cum etiam tum premeretur , lecticâque ferretur , C. Flaminium Consullem apud Trasimenum cum exercitu insidiis circumventum occidit. Neque multò post C. Centenium proprætorem , cum delecta manu saltus occupantem. Hinc in Apuliam pervenit. Ibi obviam ei venerunt duo Consules , C. Terentius Varro , & L. Paulus Æmilius. Utriusque exercitus uno prælio fugavit : L. Paulum Consullem occidit ,

& aliquot præterea Consulares. In his Cn. Servilium Geminum, qui anno superiore fuerat Consul.

V. Hac pugna pugnata, Romam profectus nullo resistente, in propinquis urbis montibus moratus est. Cum aliquot ibi dies castra habuisset, & reverteretur Capuam, Q. Fabius Maximus, Dictator Romanus, in agro Falerno se ei objecit. Hinc clausis locorum angustiis, noctu sine ullo detrimento exercitus se expedivit. Fabio callidissimo imperatori verba dedit. Namque, obducta nocte, sarmenta in cornibus juvencorum deligata incendit, ejusque generis multitudinem magnam dispalatam immisit. Quo repentino objectu viso, tantum terrorem injecit exercitui Romanorum, ut egredi extra vallum nemo sit ausus.

Hanc post rem gestam non ita multis diebus, M. Minutium Rufum magistrum equitum, pari ac Dictatorem imperio, dolo productum in prælium, fugavit. Ti. Sempronium Gracchum, iterum Consulem, in Lucanis, absens,

HANNIBAL. XXIII. 221

in insidias inductum sustulit. M. Claudium Marcellum quinquies Consulem, apud Venusiam pari modo interfecit. Longum est enumerare prælia. Quare hoc unum satis erit dictum, ex quo intelligi possit, quantus ille fuerit: quamdiu in Italia fuit, nemo ei in acie restitit, nemo adversus eum post Cannensem pugnam in campo castra posuit.

VI. Hic invictus patriam defensum revocatus, bellum gessit adversus P. Scipionis filium, quem ipse primùm apud Rhodanum, iterum apud Padum, tertio apud Trebiam fugaverat. Cum hoc, exhaustis jam patriæ facultatibus, cupivit inpræsentiarum bellum componere, quò valentior postea congrediretur. In colloquium convenit, conditiones non convenerunt. Post id factum paucis diebus apud Zamam cum eodem confligit. Pulsus, incredibile dictu, biduo & duabus noctibus, Adrumetum pervenit, quod abest à Zama circiter millia passuum trecenta. In hac fuga Numidæ, qui simul cum eo ex acie excesserant, insidiati sunt ei; quos non solum effugit, sed etiam ipsos oppres-

fit. Adrumeti reliquos ex fuga collegit : novis delectibus , paucis diebus multos contraxit.

VII. Cùm in apparando acerrimè esset occupatus, Carthaginienses bellum cum Romanis composuerunt. Ille nihilo seciùs exercitui postea præfuit , refque in Africa gessit : itemque Mago frater ejus , usque ad Publium Sulpicium & Caium Aurelium Consules. His enim magistratibus legati Carthaginienses Romam venerunt , qui Senatui Populoque Romano gratias agerent , quòd cum his pacem fecissent , ob eamque rem coronâ aureâ eos donarent , simulque peterent , ut *obsides eorum Fregellis essent , captivique redderentur*. His ex Senatûs consulto responsum est : *munus eorum gratum acceptumque esse ; obsides , quo loco rogarent , futuros ; captivos non remissuros , quòd Hannibalem , cujus operâ susceptum bellum foret , inimicissimum nomini Romano , & nunc cum imperio apud exercitum haberent , itemque fratrem ejus Magonem.*

HANNIBAL. XXIII. 223

Hoc responso Carthaginienses cognito, Hannibalem domum, Magonemque revocarunt. Hic, ut rediit, Prætor factus est, postquam Rex fuerat anno secundo & vigesimo. Ut enim Romæ Consules, sic Carthagine quotannis annui bini Reges creabantur. In eo magistratu pari diligentiam se Hannibal præbuit, ac fuerat in bello. Namque effecit ex novis vectigalibus non solum ut esset pecunia, quæ Romanis ex fœdere penderetur, sed etiam superesset quæ in ærario poneretur. Deinde, anno post præturam, Marco Claudio, Lucio Furio Consulibus, Romani legati Carthaginem venerunt. Hos Hannibal sui exposcendi gratiam missos ratus, priusquam his Senatus daretur, navem conscendit clam, atque in Syriam ad Antiochum profugit. Hac repalam factâ, Pœni naves duas, quæ eum comprehenderent, si possent consequi, miserunt; bona ejus publicarunt; domum à fundamentis disjecerunt; ipsum exulem judicarunt.

VIII. At Hannibal, anno tertio

T 4

224 CORNELII NEPOTIS

postquam domo profugerat , Lucio Cornelio , Quinto Minucio Consulibus , cum quinque navibus Africam accessit , in finibus Cyrenæorum , si fortè Carthaginenses ad bellum , Antiochi spe fiduciâque , inducere posset : cui jam persuaserat , ut cum exercitibus in Italiam proficisceretur. Huc Magonem fratrem excivit. Id ubi Pœni resciverunt , Magonem , eâdem quâ fratrem , pœnâ affecerunt. Illi desperatis rebus cum solvissent naves , ac vela ventis dedissent , Hannibal ad Antiochum pervenit. De Magonis interitu duplex memoria prodita est. Namque alii naufragio , alii à servis ipsius interfectum eum , scriptum reliquerunt.

Antiochus autem si tam in agendo bello parere voluisset consiliis ejus , quàm in suscipiendo instituerat , propius Tiberim quàm Thermopylas , de summa imperii dimicasset. Quem etsi multa stultè conari videbat , tamen nullâ deseruit in re. Præfuit paucis navibus , quas ex Syria jussus erat in Asiam ducere , hisque adversus Rhodiorum

HANNIBAL. XXIII. 225

classē in Pamphylīo mari conflixit. Quo cū multitudine adversariorum sui superarentur, ipse, quo cornu rem gessit, fuit superior.

IX. Antiocho fugato, verens ne dederetur, quod sine dubio accidisset, si sui fecisset potestatem, Cretam ad Gortynios venit, ut ibi, quò se conferret, consideraret. Vidit autem vir omnium callidissimus, magno se fore periculo, nisi quid providisset, propter avaritiam Cretensium. Magnam enim secum pecuniam portabat, de qua sciebat exisse famam. Itaque capit tale consilium. Amphoras complures complet plumbo, summas operit auro & argento. Has præsentibus principibus deponit in templo Dianæ; simulans, se suas fortunas illorum fidei credere. His in errorem inductis, statuas æneas, quas secum portabat, omnes suâ pecuniâ complet, easque in propatulo domi abjicit. Gortynii templum magnâ curâ custodiunt, non tam à ceteris, quàm ab Hannibale, ne quid ille, inscientibus his, tolleret, secumque duceret.

X. Sic conservatis suis rebus Pœnus , illufis Cretenfibus omnibus , ad Prufiam in Pontum pervenit. Apud quem eodem animo fuit erga Italiam , neque aliud quicquam egit , quàm Regem armavit & exercuit adverfùs Romanos. Quem cùm videret domesticis rebus minùs effe robustum , conciliabat ceteros Reges , adjungebatque bellicofas nationes.

Diffidebat ab eo Pergamenus Rex Eumenes , Romanis amiciffimus , bellumque inter eos gerebatur & mari & terrâ : quo magis cupiebat eum Hannibal opprimi. Sed utrobique Eumenes plus valebat propter Romanorum focietatem : quem fi removiffet , faciliora fibi cetera fore arbitrabatur. Ad hunc interficiendum talem iniit rationem. Claffe paucis diebus erant decreturi. Superabatur navium multitudine : dolo erat pugnandum , cùm par non effet armis. Imperavit quàm plurimas venenatas serpentes vivas colligi , easque in vafa fictilia conjici. Harum cùm confeciffet magnam multitudinem , die ipfo , quo

HANNIBAL. XXIII. 227

facturus erat navale prælium, classarios convocat, hisque præcipit, *omnes ut in unam Eumenis Regis concurrant navem, à ceteris tantùm satis habeant se defendere. Id faciliè illos serpentium multitudine consecuturos: Rex autem in qua nave veheretur, ut scirent, se facturum: quem si aut cepissent, aut interfecissent, magno his pollicetur præmio fore.*

XI. Tali cohortatione militum factâ, classis ab utrisque in prælium deducitur. Quarum acie constitutâ, priusquam signum pugnae daretur, Hannibal, ut palam faceret suis, quo loco Eumenes esset, tabellarium in scaphâ cum caduceo mittit: qui ubi ad naves adversariorum pervenit, epistolam ostendens, se Regem professus est quærere. Statim ad Eumenem deductus est, quòd nemo dubitabat aliquid de pace esse scriptum. Tabellarius, ducis nave declaratâ suis, eòdem unde ierat, se recepit. At Eumenes, solutâ epistolâ, nihil in ea reperit nisi quod ad irridendum eum pertineret: cujus etsi causam mirabatur, neque reperiēba-

228 CORNELII NEPOTIS

tur , tamen prælium statim committere non dubitavit.

Horum in concursu Bithyni , Hannibalis præcepto , universi navem Eumenis adoriuntur : quorum vim cum Rex sustinere non posset , fugâ salutem petiit : quam consecutus non esset , nisi intrâ sua præsidia se recepisset , quæ in proximo littore erant collocata. Reliquæ Pergamenæ naves cum adversarios premerent acrius , repentè in eas vasa fictilia , de quibus suprâ mentionem fecimus , conjici cœpta sunt. Quæ jacta initio risum pugnantibus concitarunt , nec , quare id fieret , poterat intelligi. Postquam autem naves completas conspexerunt serpentibus , novâ re perterriti , cum quid potissimum vitarent non viderent , puppes averterunt , seque ad sua castra nautica retulerunt. Sic Hannibal consilio arma Pergamenorum superavit : neque tum solum , sed sæpè aliàs pedestribus copiis pari prudentiâ pepulit adversarios.

XII. Quæ dum in Asia geruntur , accidit casu , ut legati Prusiæ Romæ

HANNIBAL. XXIII. 229

apud L. Quinctium Flaminium Consularem cœnarent , atque ibi de Hannibale mentione facta , ex his unus diceret , *eum in Prusæ regno esse* ; id postero die Flaminius Senatui detulit. Patres conscripti , qui Hannibale vivo nunquam se sine insidiis futuros existimabant , legatos in Bithyniam miserunt , in his Flaminium , qui à Rege peterent , *ne inimicissimum suum secum haberet , sibi que dederet*. His Prusias negare ausus non est : illud recusavit , *ne id à se fieri postularent , quod adversus jus hospitii esset* : ipsi , *si possent , comprehenderent : locum ubi esset facile inventuros*. Hannibal enim uno loco se tenebat in castello quod ei ab Rege datum erat muneri ; idque sic ædificarat , ut in omnibus partibus ædificii exitum sibi haberet , semper verens , ne usu eveniret , quod accidit.

Huc cùm legati Romanorum venissent , ac multitudine domum ejus circumdedissent , puer ab janua prospiciens Hannibali dixit , *plures præter consuetudinem armatos apparere*. Qui imperavit ei , ut omnes fores ædificii

230 CORNELII NEPOTIS

circumiret , ac properè sibi renunciaret , num eodem modo undique obsideretur. Puer cùm celeriter , quid esset , renunciasset , omnesque exitus occupatos ostendisset ; sensit id non fortuito factum , sed se peti , neque sibi diutius vitam esse retinendam : quam ne alieno arbitrio dimitteret , memor pristinarum virtutum , venenum , quod semper secum habere consueverat , sumpsit.

XIII. Sic vir fortissimus , multis variisque perfunctus laboribus , anno acquievit septuagesimo. Quibus Consulibus interierit , non convenit. Nam Atticus , Marco Claudio Marcello , Q. Fabio Labeone Coss. mortuum in annali suo scriptum reliquit. At Polybius L. Æmilio Paulo , & Cn. Bæbio Tamphilo : Sulpitius autem , P. Cornelio Cethego , M. Bæbio Tamphilo.

Atque hic tantus vir tantisque bellis districtus , nonnihil temporis tribuit litteris. Namque aliquot ejus libri sunt , Græco sermone confecti. In his ad Rhodios *de Cn. Manlii Vulsonis in Asia*

HANNIBAL. XXIII. 231

rebus gestis. Hujus bella gesta multi memoriae prodiderunt : sed ex his duo , qui cum eo in castris fuerunt , simulque vixerunt , quàm diu fortuna passa est , Syllenus , & Sosilus Lacedæmonius. Atque hoc Sosilo Hannibal litterarum Græcarum usus est doctore.

Sed nunc tempus est hujus libri facere finem , & Romanorum explicare Imperatores ; quò faciliùs collatis utrorumque factis , qui viri præferendi sint , possit judicari.





XXIV.

*MARCUS
PORTIUS CATO.*

Ex Libro posteriore

CORNELII NEPOTIS.



CATO ortus municipio
Tusculo, adolescentulus,
priusquam honoribus ope-
ram daret, versatus est in
Sabinis, quod ibi here-
dium à patre relictum habebat. Hor-
tatu L. Valerii Flacci, quem in Con-
sulatu Censurâque habuit collegam,
ut

C. N. M. P. C. XXIV. 233

ut M. Perpenna Censorinus narrare solitus est, Romam demigravit, in foroque esse cœpit. Primum stipendium meruit annorum decem septemque. Q. Fabio Maximo, M. Claudio Marcello Coss. Tribunus militum in Sicilia fuit. Indè ut rediit, castra secutus est C. Claudii Neronis, magnique ejus opera existimata est in prælio apud Senam, quo cecidit Hasdrubal frater Hannibalis. Quæstor obtigit P. Cornelio Scipioni Africano, Consuli; cum quo non pro fortis necessitudine vixit: namque ab eo perpetuâ dissensit vitâ. Ædilis plebis factus est cum C. Helvio. Prætor provinciam obtinuit Sardiniam, ex qua Quæstor superiore tempore ex Africa decedens, Q. Ennium poëtam deduxerat: quod non minoris existimamus, quàm quemlibet amplissimum Sardinensem triumphum.

Cap. II. Consulatum gessit cum L. Valerio Flacco; sorte provinciam nactus Hispaniam citeriorem, exque ea triumphum deportavit. Ibi cum diutius moraretur, P. Scipio Africanus Consul iterum, cujus in priore Consulatu

234 CORNELII NEPOTIS

Quæstor fuerat , voluit eum de provincia depellere , & ipse ei succedere. Neque hoc per Senatum efficere potuit , cùm quidem Scipio in civitate principatum obtineret : quod tum non potentiâ , sed jure Respublica administrabatur. Qua ex re iratus , Senatu peracto , privatus in urbe mansit. At Cato , Censor cum eodem Flacco factus , severè præfuit ei potestati. Nam & in complures nobiles animadvertit , & multas res novas in edictum addidit , quâ re luxuria reprimeretur , quæ jam tum incipiebat pullulare. Circiter annos octoginta , usque ad extremam ætatem , ab adolescentia , Reipublicæ causâ fuscipere inimicitias non destitit. A multis tentatus , non modò nulum detrimentum existimationis fecit , sed quoad vixit , virtutum laude crevit.

III. In omnibus rebus singulari fuit prudentiâ & industriâ. Nam & agricola solers , & Reipublicæ peritus , & jurisconsultus , & magnus imperator , & probabilis orator , & cupidissimus litterarum fuit. Quarum studium etsi senior arripuerat , tamen tantùm ineis

progressum fecit, ut non facile reperire possis, neque de Græcis, neque de Italicis rebus, quod ei fuerit incognitum.

Ab adolescentia confecit orationes: Senex scribere Historias instituit. Quorum sunt libri septem. Primus continet res gestas Regum populi Romani: Secundus & tertius, unde quæque civitas orta sit Italica. Ob quam rem omnes *Origines* videtur appellasse. In quarto autem, bellum Punicum primum: in quinto, secundum. Atque hæc omnia capitulatim sunt dicta. Reliqua bella pari modo persecutus est, usque ad præturam Servii Galbæ, qui diripuit Lusitanos. Atque horum bellorum duces non nominavit, sed sine nominibus res notavit. In iisdem exposuit, quæ in Italia, Hispaniisque viderentur admiranda. In quibus multa industria, & diligentia comparet, multa doctrina. Hujus de vita & moribus plura in eo libro persecuti sumus, quem separatim de eo fecimus rogatu Titi Pomponii Attici. Quare studiosos Catonis ad illud volumen delegamus.



XXV.

TITI POMPONII
ATTICI
VITA,
EX CORNELIO NEPOTE.



TITUS POMPONIVS
ATTICVS, ab origine
ultima stirpis Romanæ ge-
neratus, perpetuò à mayo-
ribus acceptam equestrem
obtinuit dignitatem. Patre usus est di-
ligente, indulgente, &, ut tum erant
tempora, diti, in primisque studioso

litterarum. Hic , prout ipse amabat litteras , omnibus doctrinis , quibus puerilis ætas impertiri debet , filium erudit. Erat autem in puero , præter docilitatem ingenii , summa suavitas oris ac vocis , ut non solum celeriter arriperet quæ tradebantur , sed etiam excellenter pronuntiaret. Qua ex re , in pueritia , nobilis inter æquales ferebatur , clariùsque exsplendescibat , quàm generosi condiscipuli animo æquo ferre possent. Itaque incitabat omnes studio suo : quo in numero fuerunt L. Torquatus , C. Marius C. filius , M. Cicero : quos consuetudine suâ sic sibi devinxit , ut nemo iis perpetuò fuerit carior.

Cap. II. Pater maturè decessit. Ipse adolescentulus propter affinitatem P. Sulpicii , qui Tribunus plebis interfectus est , non expers fuit illius periculi. Namque Anicia , Pomponii consobrina , nupserat M. Servio , fratri P. Sulpicii. Itaque interfecto P. Sulpicio , posteaquam vidit , Cinnano tumultu civitatem esse perturbatam , neque sibi dari facultatem pro dignitate vivendi ,

quā alterutram partem offenderet ,
 dissociatis animis civium , cū alii Syl-
 lanis , alii Cinnanis faverent partibus ;
 idoneum tempus ratus studiis obsequen-
 di suis , Athenas se contulit. Neque eò
 seciùs adolescentem Marium , hostem
 judicatum , juvit opibus suis ; cuius fu-
 gam pecuniā sublevavit. Ac , ne illa pe-
 regrinatio detrimentum aliquod afferret
 rei familiari , eòdem magnam partem
 fortunarum trajecit suarum.

Hic ita vixit , ut universis Athenien-
 sibus meritò esset carissimus. Nam ,
 præter gratiam , quæ jam in adolescen-
 tulo magna erat , sæpius suis opibus
 inopiam eorum publicam levavit. Cū
 enim versuram facere publicè necesse
 esset , neque ejus conditionem æquam
 haberent , semper se interposuit , atque
 ita , ut neque usuram unquam ab iis
 acceperit , neque longiùs quàm dictum
 esset , eos debere passus sit. Quod
 utrumque erat iis salutare. Nam neque
 indulgendo inveterascere eorum æs
 alienum patiebatur , neque multipli-
 candis usuris crescere. Auxit hoc offi-
 cium aliā quoque liberalitate : Nam

T. P. *ATTICUS. XXV.* 239

universos frumento donavit , ita ut singulis septem modii tritici darentur ; qui modus mensuræ , *Medimnus* Athenis appellatur.

III. Hic autem sic se gerebat , ut communis infimis , par principibus videretur. Quo factum est , ut huic omnes honores , quos possent , publicè haberent , civemque facere studerent. Quo beneficio ille uti noluit : Quod nonnulli ita interpretantur , amitti civitatem Romanam aliâ adscitâ. Quamdiu affuit , ne qua sibi statua poneretur , restitit ; absens prohibere non potuit. Itaque aliquot , *Pnyce* & *Pæcile* locis sanctissimis , posuerunt. Hunc enim in omni procuratione Reipublicæ actorem , auctoremque habebant. Igitur primum illud munus fortunæ , quod in ea potissimum urbe natus est , in qua domicilium orbis terrarum esset imperii , ut eandem & patriam haberet , & domum. Hoc specimen prudentiæ , quod cum in eam civitatem se contulisset , quæ antiquitate , humanitate , doctrinâ præstaret omnes , unus ei ante alios fuerit carissimus.

IV. Huc ex Asia Sylla decedens cùm venisset , quamdiu ibi fuit , secum habuit Pomponium , captus adolescentis & humanitate , & doctrinâ. Sic enim Græcè loquebatur , ut Athenis natus videretur. Tanta autem suavitas erat sermonis Latini , ut apparet , in eo nativum quemdam leporem esse , non adscitum. Idem poëmata pronuntiabat & græcè & latinè , sic ut suprâ nihil posset addi. Quibus rebus factum est , ut Sylla nusquam eum ab se dimitteret , cuperetque secum deducere. Cui cùm persuadere tentaret , *noli , oro te* , inquit Pomponius , *adversùm eos me velle ducere , cum quibus ne contra te arma ferrem , Italiam reliqui*. At Sylla , adolescentis officio collaudato , omnia munera ei , quæ Athenis acceperat , proficiscens jussit deferri.

Hic complures annos moratus , cùm & rei familiari tantùm operæ daret , quantum non indiligens deberet paterfamilias , & omnia reliqua tempora aut litteris , aut Atheniensium Reipublicæ tribueret ,

T. P. ATTICUS. XXV. 245

tribueret , nihilominus amicis urbana officia præstitit. Nam & ad comitia eorum ventitavit , & si qua res major acta est , non defuit ; sicut Ciceroni in omnibus ejus periculis singularem fidem præbuit : cui ex patria fugienti LLS. ducenta & quinquaginta millia donavit. Tranquillatis autem rebus Romanis , remigravit Romam , ut opinor , L. Cotta & L. Torquato Coss. quem diem sic universa civitas Atheniensium profecuta est , ut lacrymis desiderii futuri dolorem indicaret.

V. Habebat avunculum Q. Cæcili-
lium , Equitem Romanum , familiarem
L. Luculli , divitem , difficillimâ natu-
râ , cujus sic asperitatem veritus est ,
ut , quem nemo ferre posset , hujus sine
offensione ad summam senectutem re-
tinuerit benevolentiam. Quo facto tu-
lit pietatis fructum. Cæcilius enim mo-
riens , testamento adoptavit eum , he-
redemque fecit ex dodrante ; ex qua
hereditate accepit circiter centies LLS.
Erat nupta soror Attici Q. Tullio Ci-
ceroni ; easque nuptias M. Cicero con-
ciliarat , cum quo à condiscipulatu vi-

242 CORNELII NEPOTIS

vebat conjunctissimè , multò etiam familiaritùs quàm cum Quinto ; ut judicari possit , plus in amicitia valere similitudinem morum , quàm affinitatem. Utebatur autem intimè Q. Hortensio , qui iis temporibus principatum eloquentiæ tenebat , ut intelligi non posset , uter eum plus diligeret , Cicero , an Hortensius : & id , quod erat difficillimum , efficiebat , ut inter quos tantæ laudis esset æmulatio , nulla intercederet obtrectatio , essetque talium virorum copula.

VI. In Republica ita versatus est , ut semper optimarum partium & esset , & existimaretur ; neque tamen se civilibus fluctibus committeret , quòd non magis eos in sua potestate existimabat esse , qui se iis dedissent , quàm qui maritimis jactarentur. Honores non petiit , cùm ei paterent , propter vel gratiam vel dignitatem ; quòd neque peti more majorum , neque capi possent , conservatis legibus , in tam effusis ambitùs largitionibus , neque geri è Republica sine periculo , corruptis civitatis moribus.

Ad hastam publicam nunquam accessit. Nullius rei neque præs, neque manceps factus est. Neminem suo nomine, neque subscribens accusavit. In jus de sua re nunquam iit; iudicium nullum habuit. Multorum Consulum, Prætorumque Præfecturas delatas sic accepit, ut neminem in provinciam sit secutus, honore fuerit contentus, rei familiaris despexerit fructum. Qui necum Q. quidem Cicerone voluerit ire in Asiam, cum apud eum legati locum obtinere posset. Non enim decere se arbitrabatur, cum Præturam gerere nolisset, asseclam esse Prætoris. Qua in re non solum dignitati serviebat, sed etiam tranquillitati, cum suspiciones quoque vitaret criminum. Quo fiebat, ut ejus observantia omnibus esset carior, cum eam officio, non timori, neque spei, tribui viderent.

VII. Incidit Cæsarianum civile bellum, cum haberet annos circiter sexaginta. Usus est ætatis vacatione, neque se quòquam movit ex urbe. Quæ amicis suis opus fuerant ad Pompeium pro-

ficiscentibus , omnia ex sua re familiari dedit. Ipsum Pompeium conjunctum non offendit : Nullum enim ab eo habebat ornamentum , ut ceteri , qui per eum aut honores , aut divitias ceperant : quorum partim invitissimi castra sunt secuti , partim summâ cum ejus offensione domi remanserunt. Attici autem quies tantoperè Cæsari fuit grata , ut victor cum privatis pecunias per epistolas imperaret , huic non solum molestus non fuerit , sed etiam sororis filium & Q. Ciceronem ex Pompeii castris concesserit. Sic vetere instituto vitæ , effugit nova pericula.

VIII. Secutum est illud , occiso Cæsare , cum Respublica penes Brutos videretur esse , & Cassium , ac tota civitas se ad eos convertisset. Sic M. Bruto usus est , ut nullo ille adolescens æquali familiaris , quàm hoc sene : neque solum eum principem consilii haberet , sed etiam in convictu. Excogitatum est à quibusdam , ut privatum ærarium Cæsaris intersectoribus ab Equitibus Romanis constitueretur. Id facile effici posse arbitrati sunt , si &

T. P. ATTICUS. XXV. 245

principes illius ordinis pecunias contulissent. Itaque appellatus est à Caio Flavio , Bruti familiari , Atticus , ut ejus rei princeps esse vellet. At ille , qui officia amicis præstanda sine factione existimaret , semperque à talibus se consiliis removisset , respondit : *si quid Brutus de suis facultatibus uti voluisset , usurum quantum eæ paterentur ; sed neque cum quoquam de ea re collocuturum , neque coiturum.* Sic ille consensionis globus hujus unius dissensione disjectus est.

Neque multò post superior esse cœpit Antonius , ita ut Brutus & Cassius provinciarum , quæ iis dicis causâ datæ erant à Consulibus , desperatis rebus , in exsilium proficiscerentur. Atticus , qui pecuniam simul cum ceteris conferre noluerat , florenti illi parti , abjecto Bruto Italiâque cedenti , LLS. centum millia muneri misit. Eidem in Epiro absens trecenta jussit dari : neque eò magis potenti adulatus est Antonio , neque desperatos reliquit.

IX. Secutum est bellum gestum apud

246 CORNELII NEPOTIS

Mutinam. In quo si tantum eum prudentem dicam, minus quam debeam, prædicem, cum ille potius divinus fuerit; si divinatio appellanda est perpetua naturalis bonitas, quæ nullis casibus neque agitur, neque minuitur. Hostis Antonius judicatus Italiâ cesserat; spes restituendi nulla erat. Non solum ejus inimici, qui tum erant potentissimi & plurimi, sed etiam amici adversarii ejus se dabant; & in eo lædendo se aliquam consecuturos sperabant commoditatem; ejus familiares insequerantur, uxorem Fulviam omnibus rebus spoliare cupiebant, liberos etiam extinguere parabant.

Atticus cum Ciceronis intima familiaritate uteretur, amicissimus esset Bruto, non modò nihil iis indulgit ad Antonium violandum, sed è contrario familiares ejus ex urbe profugientes, quantum potuit, textit; quibus rebus indiguerunt, adjuvit. P. verò Volumnio ea tribuit, ut plura à parente proficisci non potuerint. Ipsi autem Fulviæ, cum litibus distineretur, magnisque terroribus vexaretur, tantâ diligentia offi-

T. P. ATTICUS. XXV. 247

cium suum præstitit , ut nullum illa stiterit vadimonium sine Attico , hic sponsor omnium rerum fuerit. Quin etiam , cum illa fundum secundâ fortunâ emisset in diem , neque post calamitatem versuram facere potuisset , ille se interposuit , pecuniamque sine fœnore , si neque ulla stipulatione ei credidit ; maximum existimans quæstum , memorem gratumque cognosci , simulque aperire , se non fortunæ sed hominibus solere esse amicum. Quæ cum faciebat , nemo eum temporis causâ facere poterat existimare. Nemini enim in opinionem veniebat , Antonium rerum potiturum. Sed sensim is à nonnullis optimatibus reprehendebatur , quòd parum odisse malos cives videretur.

X. Ille autem sui judicii , potius , quid se facere par esset , intuebatur , quàm quid alii laudaturi forent. Conversa subito fortuna est. Ut Antonius rediit in Italiam , nemo non magno in periculo Atticum futurum putarat , propter intimam familiaritatem Ciceronis & Bruti. Itaque ad adventum imperatorum de foro decesserat , timens

proscriptionem ; latebatque apud P. Volumnium , cui , ut ostendimus paulò ante , opem tulerat : (tanta varietas iis temporibus fuit fortunæ , ut modò hi , modò illi in summo essent aut fastigio , aut periculo :) habebatque secum Q. Gellium Canium , æqualem , simillimumque sui. Hoc quoque sit Attici bonitatis exemplum , quòd cum eo , quem puerum in ludo cognoverat , adeo conjunctè vixit , ut ad extremam ætatem amicitia eorum creverit.

Antonius autem , etsi tanto odio ferebatur in Ciceronem , ut non solùm ei , sed omnibus etiam ejus amicis esset inimicus , eosque vellet proscribere ; multis hortantibus tamen , Attici memor fuit officii ; & ei , cùm requisisset ubinam esset , sua manu scripsit , *ne timeret , statimque ad se veniret : se cum , & Gellium Canium de proscriptorum numero exemisse* : Ac , ne quod in periculum incideret , quod noctu fiebat , præsidium ei misit. Sic Atticus in summo timore non solùm sibi , sed etiam ei , quem carissimum habebat , præsidio fuit. Neque enim suæ solùm à quo-

T. P. Atticus. XXV. 249

quam auxilium petiit salutis , sed conjunctim , ut appareret nullam sejunctam sibi ab eo velle esse fortunam. Quodd si gubernator præcipua laude fertur , qui navem ex hieme marique scopuloso servat , cur non singularis ejus existimetur prudentia , qui ex tot , tamque gravibus procellis civilibus ad incolumitatem pervenit ?

XI. Quibus ex malis ut se emerferat , nihil aliud egit quàm ut plurimis , quibus rebus posset , esset auxilio. Cùm proscriptos præmiis imperatorum vulgus conquireret , nemo in Epirum venit , cui res ulla defuerit. Nemini non ibi perpetuò manendi potestas facta est. Qui etiam post prælium Philippense , interitumque C. Cassii & M. Bruti , L. Julium Mocillam Prætorem , & ejus filium , Aulumque Torquatum , ceterosque pari fortunâ perculsos , instituit tueri ; atque ex Epiro his omnia Samothraciam supportari jussit. Difficile enim est omnia persequi , & non necessaria. Illud unum intelligi volumus , illius liberalitatem , neque temporariam , neque callidam fuisse. Id ex ipsis

250 CORNELII NEPOTIS

rebus ac temporibus judicari potest , quòd non florentibus se venditavit , sed afflictis semper succurrit. Qui quidem Serviliam , Bruti matrem , non minùs post mortem ejus , quàm florentem , coluerit.

Sic liberalitate utens , nullas inimicitias gessit : quòd neque lædebat quemquam , neque , si quam injuriam acceperat , malebat ulcisci , quàm oblivisci. Idem immortalì memoriâ percepta retinebat beneficia ; quæ autem ipse tribuerat , tamdiu meminerat , quoad ille gratus erat , qui acceperat. Itaque hic fecit , ut verè dictum videatur : *Sui cuique mores fingunt fortunam*. Neque tamen priùs ille fortunam , quàm se ipse , finxit ; qui cavìt ne qua in re jure plecteretur.

XII. His igitur rebus effecit , ut M. Vipsanius Agrippa , intimâ familiaritate conjunctus adolescenti Cæsari , cùm propter suam gratiam , & Cæsaris potentiam , nullius conditionis non haberet potestatem ; potissimùm ejus deligeret affinitatem , præoptaretque Equi-

T. P. ATTICUS. XXV. 251

tis Romani filiam generosam nuptiis. Atque harum nuptiarum conciliator fuit (non est enim celandum) M. Antonius Triumvir Reipublicæ constituendæ : cujus gratiâ cum augere possessiones posset suas , tantum abfuit à cupiditate pecuniæ , ut nulla in re usus sit eâ , nisi in deprecandis amicorum aut periculis , aut incommodis. Quod quidem sub ipsa proscriptione perillustre fuit.

Nam cum L. Saufeii Equitis Romani , æqualis sui , qui cum eo complures annos , studio ductus philosophiæ , Athenis habitabat , habebatque in Italia pretiosas possessiones , Triumviri bona vendidissent , consuetudine eâ quâ tum res gerebantur ; Attici labore atque industriâ factum est , ut eodem nuntio Saufeius fieret certior , se patrimonium amisisse , & recuperasse. Idem L. Julium Calidium , quem post Lucretii Catullique mortem multò elegantissimum poetam , nostram tulisse ætatem verè videor posse contendere , neque minùs virum bonum , optimisque artibus eruditum , post proscrip-

252 CORNELII NEPOTIS

tionem Equitum, propter magnas ejus Africanas possessiones, in proscriptorum numerum à P. Volumnio, præfecto fabrûm Antonii, absentem relatum, expeditiv. Quod in præsentì utrum ei laboriosius, an gloriosius fuerit, difficile fuit judicare; quòd in eorum periculis, non secùs absentes, quàm præsentès, amicos Attico esse curæ cognitum est.

XIII. Neque verò minùs ille vir, bonus paterfamilias habitus est, quàm civis. Nam cùm esset pecuniosus, nemo illo minùs fuit emax, minùs ædificator. Neque tamen non in primis bene habitavit, omnibusque optimis rebus usus est: nam domum habuit in colle Quirinali Tamphilanam, ab avunculo hereditate relictam; cujus amœnitas non ædificio, sed silvâ constabat. Ipsum enim tectum antiquitùs constitutum, plus falis, quàm sumprûs habebat: in quo nihil commutavit, nisi si quid vetustate coactus est. Usus est familiâ, si utilitate judicandum est, optimâ; si formâ, vix mediocri. Namque in ea erant pueri litteratissimi, ana-

T. P. ATTICUS. XXV. 253

gnostæ optimi, & plurimi librarii, ut ne pedissequus quidem quisquam esset, qui non utrumque horum pulchrè facere posset.

Pari modo artifices ceteri, quos cultus domesticus desiderat, apprimè boni. Neque tamen horum quemquam, nisi domi natum, domique factum, habuit: quod est signum non solum continentiae, sed etiam diligentiae. Nam & non intemperanter concupiscere, quod à plurimis videas, continentis debet duci: & potius diligentiam, quam pretio, parare, non mediocris est industriae. Elegans, non magnificus; splendidus, non sumptuosus; omni diligentiam munditiem non affluentem affectabat: suppellex modica, non multa, ut in neutram partem conspici posset. Nec hoc præteribo, quamquam nonnullis leve visum iri putem. Cum in primis lautus esset Eques Romanus, & non parum liberaliter domum suam omnium ordinum homines invitaret, scimus non amplius, quam terna millia æris, peræquè in singulos menses, ex ephemeride eum expen-

254 CORNELII NEPOTIS

sum sumptui ferre solitum : Atque hoc non auditum , sed cognitum prædicamus. Sæpe enim , propter familiaritatem , domesticis rebus interfuimus.

XIV. Nemo in convivio ejus aliud acroama audivit quàm anagnosten ; quod nos quidem jucundissimum arbitramur. Neque unquam sine aliqua lectione apud eum cœnatum est , ut non minùs animo , quàm ventre , convivæ delectarentur. Namque eos vocabat , quorum mores à suis non abhorrent. Cùm tanta pecuniæ facta esset accessio , nihil de quotidiano cultu mutavit , nihil de vitæ consuetudine ; tantâque usus est moderatione , ut neque in sestertio vicies , quod à patre acceperat , parum se splendide gesserit ; neque in sestertio centies affluentius vixerit , quàm instituerat ; parique fastigio steterit in utraque fortuna. Nullos habuit hortos , nullam suburbanam , aut maritimam sumptuosam villam , neque in Italia , præter Ardeatinum & Nomentanum , rusticum prædium ; omnisque ejus pecuniæ redditus constabat in Epiroticis & urbanis possessionibus.

T. P. ATTICUS. XXV. 255

Ex quo cognosci potest, eum usum pecuniæ, non magnitudine, sed ratione metiri solitum.

X V. Mendacium neque dicebat, neque pati poterat. Itaque ejus comitas non sine severitate erat, neque gravitas sine facilitate; ut difficile esset intellectu, utrum amici magis vererentur, an amarent. Quicquid rogabatur, religiosè promittebat; quòd non liberalis, sed levis arbitrabatur, polliceri quòd præstare non posset. Idem in nitendo quod semel admisisset, tantâ erat curâ, ut non mandatam, sed suam rem videretur agere. Nunquam suscepti negotiî eum pertæsum est. Suam enim existimationem in ea re agi putabat; quâ nihil habebat carius. Quo fiebat, ut omnia M. & Q. Ciceronum, Catonis, Marii, Q. Hortensii, Auli Torquati, multorum præterea Equitum Romanorum negotia procuraret. Ex quo judicari poterat, non inertîâ, sed judicio, fugisse Reipublicæ procurationem.

XVI. Humanitatis verò nullum af-

ferre majus testimonium possum, quàm quoddam adolescens idem seni Syllæ fuerit jucundissimus, senex adolescenti M. Bruto; cum æqualibus autem suis, Q. Hortensio & M. Cicerone, sic vixerit, ut judicari difficile sit, cui ætati fuerit aptissimus. Quamquam eum præcipuè dilexit Cicero, ut ne frater quidem ei Quintus carior fuerit aut familiarior. Ei rei sunt indicio, præter eos libros, in quibus de eo facit mentionem, qui in vulgus jam sunt editi, sexdecim volumina epistolarum, ab Consulatu ejus usque ad extremum tempus ad Atticum missarum: quæ qui legat, non multum desideret historiam contextam illorum temporum. Sic enim omnia de studiis principum, vitiis ducum, mutationibus Reipublicæ perscripta sunt, ut nihil in iis non appareat, & facile existimari possit, prudentiam quodammodo esse divinationem. Non enim Cicero solum, quæ vivo se acciderunt, futura prædixit, sed etiam quæ nunc usu veniunt, cecinit ut vates.

XVII. De pietate autem Attici quid
plura

T. P. ATTICUS. XXV. 157

plura commemorem ? cùm hoc ipsum verè gloriantem audierim in funere matris suæ , quam extulit annorum nonaginta , cùm esset septem & sexaginta , *se nunquam cum matre in gratiam rediisse , nunquam cum sorore fuisse in similitate* , quam propè æqualem habebat. Quod est signum , aut nullam unquam inter eos querimoniam intercessisse , aut hunc eâ fuisse in suos indulgentiâ , ut , quos amare deberet , irasci eis nefas duceret. Neque id fecit naturâ solum , quamquam omnes ei paremus , sed etiam doctrinâ. Nam & principum Philosophorum ita percepta habuit præcepta , ut iis , ad vitam agendam , non ad ostentationem , uteretur.

XVIII. Moris etiam majorum summus imitator fuit , antiquitatisque amator : quam adeo diligenter habuit cognitam , ut eam totam in volumine exposuerit , quo Magistratus ornavit. Nulla enim lex , neque pax , neque bellum , neque res illustris est populi Romani , quæ non in eo , suo tempore , sit notata : & , quod difficillimum fuit , sic familiarum originem subtexuit , ut

258. CORNELII NEPOTIS

ex eo clarorum virorum propagines
possimus cognoscere. Fecit hoc idem
separatim in aliis libris ; ut , M. Bruti
rogatu , Juniam familiam à stirpe ad
hanc ætatem ordine enumeravit , no-
tans , qui , à quo ortus , quos honores
quibusque temporibus cepisset : pari
modo , Marcelli Claudii , de Marcel-
lorum ; Scipionis Cornelii , & Fabii
Maximi , de Corneliorum & Fabio-
rum , & Æmiliorum quoque : quibus
libris nihil potest esse dulcius iis qui
aliquam cupiditatem habent notitiæ
clarorum virorum.

Attigit quoque poëticen ; credimus ,
ne ejus expers esset suavitatis. Nam-
que versibus , qui honore rerumque
gestarum amplitudine ceteros Romani
populi præstiterunt , exposuit ; ita , ut
sub singulorum imaginibus , facta , Ma-
gistratusque eorum non amplius qua-
ternis , quinisque versibus descripserit.
Quod vix credendum sit , tantas res
tam breviter potuisse declarari. Est
etiam liber Græcè confectus , de Con-
sulatu Ciceronis. Hactenus , Attico vi-
vo , edita hæc à nobis sunt.

XIX. Nunc , quoniam fortuna nos superstites ei esse voluit , reliqua persequemur : & , quantum poterimus , rerum exemplis lectores docebimus , sicut suprà significavimus , *suos cuique mores plerumque conciliare fortunam*. Namque hic contentus ordine Equestri , quo erat ortus , in affinitatem pervenit Imperatoris Divi Julii filii , cum jam ante familiaritatem ejus esset consecutus , nullâ aliâ re , quàm elegantiam vitæ , quàm ceteros ceperat principes civitatis , dignitate pari , fortunâ humiliore. Tanta enim prosperitas Cæsarem est consecuta , ut nihil ei non tribuerit fortuna , quod cuiquam antè detulerit ; & conciliarit , quod nemo adhuc civis Romanus quivit consequi. Nata autem est Attico neptis ex Agrippa , cui virginem filiam collocarat. Hanc Cæsar , vix anniculam , Tiberio Claudio Neroni , Drusillâ nato , privigno suo , despondit : quæ conjunctio necessitudinem eorum sanxit , familiaritatem reddidit frequentiore.

XX. Quamvis ante hæc sponsalia

260 CORNELII NEPOTIS

non solum, cum ab urbe abesset, nunquam ad suorum quemquam litteras misit, quin Attico mitteret, *quid ageret*, in primis, *quid legeret*, *quibusque in locis*, & *quamdiu esset moraturus*: sed etiam cum esset in urbe, & propter suas infinitas occupationes minus sæpe, quam vellet, Attico frueretur, nullus dies tamen temerè intercessit, quo non ad eum scriberet, quo non aliquid de antiquitate ab eo requireret; modò aliquam ei quæstionem poëticam proponeret; interdum jocans ejus verbosiores eliceret epistolas.

Ex quo accidit, cum ædes Jovis Feretrii in Capitolio, ab Romulo constituta, vetustate atque incuriâ detecta prolaberetur, ut, Attici admonitu, Cæsar eam reficiendam curaret. Neque verò ab M. Antonio minus absens litteris colebatur; adeo, ut accuratè ille ex ultimis terris, *quid ageret*, *quid curæ sibi haberet*, certiolem faceret Atticum. Hoc quale sit, faciliùs existimabit is, qui judicare poterit, quantæ sit sapientiæ, eorum retinere usum benevolentiamque, inter quos maxima-

T. P. ATTICUS. XXV. 261

rum rerum non solum æmulatio , sed obrectatio tanta intercedebat , quantum fuit incidere necesse inter Cæsarem , atque Antonium ; cum se uterque principem non solum urbis Romanæ , sed orbis terrarum esse cuperet.

XXI. Tali modo cum septem & septuaginta annos compleisset , atque ad extremam senectutem non minus dignitate , quam gratiâ fortunâque , crevisset , (multas enim hereditates nullâ aliâ re quàm bonitate est consecutus) tantâque prosperitate usus esset valetudinis , ut annos triginta medicinâ non indiguisset : nactus est morbum quem initio & ipse & medici contempserunt. Nam putarunt esse tenesmon , cui remedia celeria faciliaque proponebantur. In hoc cum tres menses sine ullis doloribus , præterquam quos ex curatione capiebat , consumpsisset , subitò tanta vis morbi in unum intestinum prorupit , ut extremo tempore per lumbos fistula putris eruperit. Atque hoc prius quàm ei accideret , postquàm in dies dolores accrescere , febremque accessisse sensit , Agrippam generum ad se arcessi iussit ,

262 CORNELII NEPOTIS

& cum eo L. Cornelium Balbum, Sextumque Peducaëum. Hos ut venisse vidit, in cubitum innixus: *quantam*, inquit, *curam*, *diligentiamque in valetudine meâ tuendâ hoc tempore adhibuerim*, cum vos testes habeam, nihil opus est pluribus verbis commemorare. Quibus quoniam, ut spero, satisfeci, nihilque reliqui feci, quod ad sanandum me pertineret, reliquum est ut egomet mihi consulam. Id vos ignorare nolui: Nam mihi stat, alere morbum desinere. Namque his diebus quicquid cibi sumpsi, ita produxi vitam, ut auxerim dolores, sine spe salutis. Quare à vobis peto primum, ut consilium probetis meum; deinde, ne frustra dehortando conemini.

XXII. Hac oratione habitâ, tantâ constantiâ vocis atque vultûs, ut non ex vita, sed ex domo in domum videretur migrare; cum quidem Agrippa eum flens, atque osculans, oraret atque obsecraret, ne ad id quod Natura cogeret, ipse quoque sibi acceleraret; & quoniam tum quoque posset temporibus superesse, se sibi suisque reservaret; preces ejus taciturnâ suâ obstinatione com-

T. P. ATTICUS. XXV. 263

pressit. Sic cùm biduum cibo se absti-
nuisset, subitò febris decessit, levior-
que morbus esse cœpit, tamen propo-
situm nihilo seciùs peregit. Itaque die
quinto, postquàm id consilium inierat,
pridie Kalendas Aprilis, Cn. Domitio,
C. Soffio Coss. decessit. Elatus est in
lecticula, ut ipse præscripserat, sine
ulla pompa funeris, comitantibus om-
nibus bonis, maximâ vulgi frequen-
tiâ. Sepultus est juxta viam Appiam,
ad quintum lapidem, in monumento Q.
Cæciliî avunculi sui.

*Hactenus de Vitis Virorum illustrium
CORNELII NEPOTIS.*



**CORNELII NEPOTIS
FRAGMENTA,**

Quæ reperiri potuerunt, omnia:
olim summo

ANDRÆ SCHOTTI

Studio collecta,

*Nunc recensita, emendata, & alicubi
aucta.*





CORNELII NEPOTIS
FRAGMENTA

Que reperiri potuerunt omnia :

ANDREÆ SCHOTTI

Studio collecta ,

Nunc passim emendata , & alicubi aucta :

CHRONICORUM LIB. I.

CAP.
I.

DE Homero & Hesiodo inter omnes ferè scriptores constitit , utrumque vixisse ante Romam conditam , ut Cornelius Nepos in primo Chronicorum de Homero dixit , annis circiter centum & sexaginta. *A. Gell. Noct. Attic.* lib. 17. cap. 12.*

Nepoti , & Lutatio Romam placet conditam Olympiadis septimæ anno secundo. *Solin. Poly-hist. c. 1. ed. Salmasii.*

Archilochum Nepos Cornelius tra-

268 CORNELII NEPOTIS

dit Tullo Hostilio Romæ regnante jam tunc poëmatis clarum & nobilem. *A. Gell. l. 17. c. 21.*

M. Manlius Romæ , qui Gallos in obsidione Capitolii obrepentes per ardua depulerat , convictus est consilium de regno occupando iniisse : damnatusque capitis , è saxo Tarpeio , ut M. Varro ait , præceps datus est : ut Cornelius autem Nepos scriptum reliquit , verberando necatus est. *Ibidem.*

Alexander Magnus Pellæ oritur , ut Nepos edidit , M. Fabio Ambusto , Tito Quinctio Capitolino Coss. post Romam conditam anno trecentesimo octogesimo quinto. *Solin. c. 40. Poly-hist. ed. Salmas.*

P. Terentius maximè familiariter vixit cum Scipione Africano , & C. Lælio , &c. quamvis Cornelius Nepos omnes æquales fuisse tradat. *Donatus , in vita Terentii.*

CAP.
II.

CORNELII NEPOTIS EXEMPLORUM

LIB. II.

A Virgine Vestale, *Fl. Carisus, lib. 1. Grammat.*

FRAGMENTA. 269

LIB. V.

Cornelius Nepos exemplorum quinto litteris mandavit, multis in Senatu placuisse, ut ii qui redire nollent, datis custodibus ad Hannibalem deducerentur: sed eam sententiam numero plurium, quibus id non videretur, superatam; eos tamen, qui ad Hannibalem non redissent, usque adeo detestabiles invisosque fuisse, ut tædium vitæ ceperint, necemque sibi consciverint. *A. Gellius. l. 7. c. 18.*

CORNELII NEPOTIS CAP. III. ILLUSTRIUM VIRORUM

LIB. II.

Subinde. *Sofipater Caris. l. l.*

LIB. XV.

Harum partium. *Ibidem.*

LIB. XVI.

A fratre patruele. *Ibidem.*

*Incerta quo Libro Virorum Illustrum
posita.*

C Arthago antea speciem habuit duplicis oppidi, quasi aliud alterum amplecteretur. Cujus interior pars Byrsa dicebatur, exterior Magalia. Hujus rei testis est C. Nepos in eo libro, qui Vita Illustrum inscribitur. *Servius, in 1. l. Æneidos.*

Propius Grammatico accessi. *Dionysius, l. 1. Gram.*

Albinus, qui cum L. Lucullo Consul fuit, res Romanas oratione Græca scriptitavit. In ejus historiæ principio scriptum est ad hanc sententiam: *neminem succensere sibi convenire, si quid in his libris parum compositè aut minùs eleganter scriptum foret; nam sum, inquit, homo Romanus, natus in Latio: Græca oratio à nobis alienissima est.* Ideòque veniam gratiamque malæ existimationis, si quid esset erratum, postulavit. Ea quum legisset M. Cato: *Næ tu, inquit, Aule, nimiùm nugator es, quum*

FRAGMENTA. 271

maluisti culpam deprecari, quàm culpâ vacare. Nam petere veniam solemus, aut quum imprudentes erravimus, aut quum expulsi peccavimus. Tibi, inquit, oro te, quis perpulit, ut id committeres, quod priusquam faceres, peteres ut ignosceretur. Scriptum hoc est in libro Cornelii Nepotis de illustribus viris. A. Gell. l. 11. c. 8. Noct. Attic. & Macrobius, præfat. Saturn.

CORNELII NEPOTIS

CAP.
IV.

LIB. I.

De Vita Ciceronis.

Cornelius Nepos, & rerum memoriæ non indiligens, & M. Ciceronis, ut qui maximè amicus familiaris fuit: atque is tamen in primo librorum, quos de vita illius composuit, errasse videtur, quum eum scripsit tres & viginti annos natum primam causam iudicii publici egisse, Sextumque Roscium parricidii reum defendisse. *A. Gell. lib. 15. Noct. Attic. cap. 28.*

Frustra Tullium suspicimus. Refert enim Cornelius Nepos, se præsentem, isdem pænè verbis, quibus edita est,

272 CORNELII NEPOTIS

eam pro Cornelio seditioso Tribuno defensionem peroratam. *D. Hieron. ep. 71. ad Pammachium.*

SAV.
V.

CORNELII NEPOTIS

LIB. I.

Epistolarum ad Ciceronem.

Tantum abest, ut ego magistram esse putem vitæ Philosophiam, beatæque vitæ perfectricem, ut nullis magis existimem opus esse magistris vivendi, quàm plerisque, qui in ea disputando versantur. Video enim magnam partem eorum, qui in schola de pudore & continentia præcipiant argutissimè, eosdem in omnium libidinum cupiditatibus vivere. *Lactant. lib. 3. c. 15. divin. Institut.*

M. TULLII CICERONIS

AD CORNELIUM NEPOTEM

Epistolarum Lib. II.

Itaque nostri, cùm omnia quæ dixissemus, dicta essent: quæ faceret, & breviter, & acutè locuti essemus, ea

F R A G M E N T A. 273

proprio nomine appellari *dicta* voluerunt. *Macrobius, lib. 2. c. 1. Saturn.*

Ad eundem, ex libro incerto.

Hoc restiterat etiam, ut à se fictis aggrededer donis. *Priscian. l. 8. Gram.*

Qui habet, ultrò appetitur: qui est pauper, aspernatur. *Ibidem.*

Quid? oratorum quem Cæsari antepones eorum qui nihil aliud egerunt? quis sententiis aut acutior aut crebrior? quis verbis aut ornatior aut elegantior? *Suetonius, in Cæsare, cap. 55.*

Ut Tullius docet, crudelitatis increpans Cæsarem in quadam ad Nepotem epistola. Neque enim quidquam aliud est felicitas, inquit, nisi honestarum rerum prosperitas. Vel, ut alio modo definiam, Felicitas est fortuna adiutrix consiliorum bonorum: quibus qui non utitur, felix nullo pacto esse potest. Ergo in perditis impiisque consiliis, quibus Cæsar usus erat, nulla potuit esse felicitas: feliciorque meo iudicio Camillus exsulans, quàm temporibus iisdem Manlius, etiamsi, id quod cupierat, regnare potuisset. *Am. Marcell. lib. 21. ext.*

274 CORNELII NEPOTIS

Quidam veterum formidantes ea quæ Scriptoribus historicè suorum temporum solent sæpè fraudi esse atque invidiæ , cognitiones actuum variorum , stylis jam uberibus explicatas , non edidere superstites , ut in quadam ad Cornelium Nepotem epistola Tullius quoque testis reverendus adfirmat. *Am. Marcell. lib. 26. initio.*

Sententiæ illius Tullianæ ignarus , docentis , infelices esse eos qui omnia sibi licere existimarunt. *Am. Marcell. lib. 26. in fine.*

Idem ad Atticum de Nepote.

Nepotis epistolam exspecto , cupidus ille meorum , qui ea quibus maximè γαυριῶ , legenda non putet ? & ais μετ' ἀμύμονα : tu verò ἀμύμον , ille quidem ἀμύμονος. *Lib. 16. epist. 5.*

Malè narras de Nepotis filio , valdè me hercule moveor , & molestè fero , nescieram omnino esse istum puerum. *Epist. XVI.*

Hic SCHOTTUS inseruit Catonis & Attici vitas.

FRAGMENTA. 275

CORNELII NEPOTIS / CAP.

FRAGMENTA VI.

*Incerta partim quo libro posita, partim
quibus verbis concepta.*

N Epos auctore certo comperisse
se ait, C. Lælium quondam in
Puteolano Kalend. Martiis admonitum
ab uxore, temporius ut discumberet,
petiisse ab ea ne interPELLARETUR: seriùs
tandem ingressum triclinium dixisse,
non sæpè in scribendo magis successisse
sibi: deinde rogatum, ut scripta illa
proferret, pronunciaſſe verſus qui ſunt
in *ἐκ τῶν ῥητορικῶν*:

*Satis pol protervè me Syri promiſſa huc
induxerunt.*

Donatus, in vita Terentii.

L. Otacilius Pilitus Rhetoricam pro-
feſſus, Cn. Pompeium Magnum do-
cuit; patris ejus res geſtas, nec minùs
ipſius, compluribus libris expoſuit:
primus omnium libertinorum, ut Cor-
nelius Nepos opinatur, ſcribere hiſto-
riam orſus, non niſi ab honeſtiſſimo
quoque ſcribi ſolitam. *Suetonius, de cla-
ris Rhetorib. c. 3.*

276 CORNELII NEPOTIS

Cornelius Nepos in libello , quo distinguit litteratum ab erudito , *litteratos* vulgò quidem appellari ait eos , qui aliquid diligenter & acutè scienterque possint aut dicere aut scribere : ceterum propriè se appellandos poëtarum interpretes , qui à Græcis *γραμματικοὶ* nominentur. *Suetonius , de illustr. Gram. cap. 4.*

CAP.
VII.

Præter Physicos , Homerumque , qui universum orbem mari circumfusus esse dixerunt , Cornelius Nepos , ut recentior , ita auctoritate certior [tradit] : Testem autem rei Q. Metellum Celerem adjicit , eumque ita retulisse commemorat. Cùm Galliis proconsul præesset , Indos quosdam à rege Bætorum dono sibi datos : unde in eas terras devenissent , requirendo , cognovisse , vi tempestatum ex Indicis æquoribus abreptos , emensosque quæ intererant , tandem in Germaniæ litora exiisse. *Pomponius Mela , lib. 3. c. 5. de situ orbis ; & Plin. lib. 2. c. 67.*

Largitudo. *Caris. l. 1.*

Eudoxus quidam avorum nostrorum temporibus , cùm Lathurum Regem Alexandriæ profugeret , Arabico sinu

FRAGMENTA. 277

egressus , per hoc pelagus Africum , ut Nepos affirmat , Gades usque pervectus est. *Mela* , l. 3. c. 9. & *Pl.* l. 2. cap. 67. & *Mart. Capella* , l. 6.

Paphlagonia insignis loco Heneto , à quo , ut Cornelius Nepos perhibet , Paphlagonες in Italiam transvecti , mox Veneti sunt nominati. *Solin.* c. 44. ed. *Salm.* & *Plin.* 6. cap. 2.

Fauces Oceani T. Livius , ac Nepos Cornelius latitudinis tradiderunt , ubi minimum , VII. M. pass. ubi verò plurimum , X. M. *Plinius* , lib. 3. proæmio.

Melpum opulentiâ præcipuum , quod ab Insucribus , & Boiis , & Senonibus deletum esse eo die , quo Camillus Vijos ceperit , Nepos Cornelius tradidit. *Plin.* lib. 3. cap. 17.

Ultra Aquileiam VI. M. pass. Formio amnis , ab Ravenna CLXXXIX. M. pass. antiquus Italiæ auctus terminus , nunc verò Istriæ : quam cognominatam à flumine Istro in Adriam affluente à Danubio amne , eidemque Istro ex adverso Padi fauces , contrario eorum percussu mari interjecto dulcescente , plerique dixere falso , & Nepos [Cornelius] etiam Padi accola. *Plin.* l. 3. c. 18. *Natur.*

278 CORNELII NEPOTIS

CAP.
VIII.

Alpes in longitudinem X. M. pass. patere à supero mari ad inferum, Cælius tradit: Timagenes XX. M. pass. deductis in latitudinem, Cornelius Nepos C. M. T. Livius tria M. stadiorum: uterque diversis in locis. *Lib. 3. cap. 19.*

Inter duos Bosphoros, Thracium & Cimmerium, directo cursu, ut auctor est Polybius, IōM. passuum intersunt. Circuitu verò totius Ponti vicies semel centena quinquaginta M. ut auctor est Varro, & ferè veteres. Nepos Cornelius trecenta millia quinquaginta adjicit. *Lib. 4. cap. 12.*

In ora Oceani, colonia Augusti, Julia Constantia, &c. ab ea XXXII. M. pass. colonia à Claudio Cæsare facta Lixos. Ibi regia Antæi, certamenque cum Hercule, & Hesperidum Horti &c. Exstat in ea & ara Herculis, nec præter oleastros aliud ex narrato illo aurifero nemore. Minus profectò mirerentur portentosa Græciæ mendacia, de iis & amne Lixo prodita, qui cogitent, nostros nuper paullò minus monstrifica quædam de iisdem tradidisse: prævalidam hanc urbem majoremque

F R A G M E N T A. 279

Carthagine magna : præterea ex adverso ejus sitam , & propè immenso tractu ab Tingi : quæque alia Cornelius Nepos avidissimè credidit. *Lib. 5. cap. 1.*

Aliqui inter Pontum & Caspium mare CCCLXXV. M. pass. non ampliùs interesse tradiderunt : Cornelius Nepos CCL. M. *Lib. 6. cap. 11.*

Polybius in extrema Mauritania contra montem Atlantem à terra stadia octo abesse prodidit Cernen. Nepos Cornelius exadverso maximè Carthaginis à Continente passus mille: non ampliorem circuitu duobus millibus. *Lib. 6. c. 31. de insulis Æthiopici maris.*

Nepos Cornelius , qui Divi Augusti principatu obiit : Me , inquit , juvene violacea purpura vigebat , cujus libra denariis centum venibat ; nec multò post rubra Tarentina. Huic successit dibapha Tyria , quæ in libras denariis mille non poterat emi. Hac P. Lentulus Spinther , Ædilis Curulis , primus in prætexta usus improbatur : quâ purpurâ quis non jam , inquit , tricliniaria facit ? *Lib. 9. cap. 39.*

Onychem etiam tum in Arabiæ montibus , nec usquam alibi nasci putavere

280 CORNELII NEPOTIS

nostri veteres : sed & in Germania portorii & primum vasis inde factis , dein pedibus lectorum sellisque , Cornelius Nepos tradit magno fuisse miraculo , cum P. Lentulus Spinther amphoras ex eo & urceos magnitudine cadorum ostendisset : post quinquennium deinde , triginta duorum pedum longitudine columnas vidisse se. *Lib. 36. cap. 7.*

CAP.

IX.

Νέπος δὲ Κορήλιος οὐκ ὑπὸ γήραος φησὶν ἔδδ' ἐ νόσου παραλλάξαι τὸν Λέκουλλον , ἀλλὰ φαρμάκοις ὑπὸ τινος τῶν ἀπελευθέρων Καλλισθένης διαφθαρέντα. Τὰ δὲ φάρμακα δοθῆναι μὲν ὡς ἀγαπᾶτο μᾶλλον ὁ Καλλισθένης ὑπ' αὐτῷ , τοιαύτην ἔχειν δοκῶντα τὴν δύναμιν. ἐκ-
 τῆσαι δὲ καὶ καταλύσαι τὸν λογισμὸν , ὥς τ' ἔτι ζῶντος αὐτοῦ , τὴν ἐστίαν διοικεῖν τὸν ἀδελφόν.
*Plutarch. in Lucullo extremo , & An
 seni gerenda Respublica.*

Cornelius Nepos ait : non senio , neque morbo alienata mente fuisse Luculum , sed à quodam liberto Callisthene venenis corruptum. Datum autem esse venenum , ut Callisthenes impensius ab eo diligeretur , quod ejusmodi vi pollere id putaret. Ita verò alienasse & solvisse mentem.

FRAGMENTA. 281

tem ejus , ut adhuc viventis facultates frater procuraret.

Νέπωσ ὁ Κορνήλιος φησὶν, ὃ Κράσσου, Βρύτου δὲ θριαμβεύσαντος ἀπὸ Λυσιτανῶν θυγατέρα γῆμαι Γαίον. *In Graccho.*

Cornelius Nepos non Crassi , sed Bruti , ejus , qui de Lusitanis triumphavit , filium nuptum Caio datum , ait.

Αἰνέσας δὲ τῶν μετὰ ἄλλων, ἐλάχιστος ἦν λόγος, Μάρκελλον δὲ πεπρωμένον πυθόμενος αὐτὸς ἐξέδραμεν ἐπὶ τὸν τόπον. καὶ τῷ νεκρῷ παραστὰς, καὶ πολὺν χρόνον τήντε ρώμην τῷ σώματος καταμαδῶν καὶ τὸ εἶδος, ὅτε φωνὴν ἀφήκεν ὑπερήφανον, οὔτε ἅπῃ ὄψεως τὸ χαῖρον, ὥς ἂν τις ἐργάδῃ πολέμιον καὶ βαρὺν ἀπεκλισθῆς ἐξέφηγεν. ἀλλ' ἐπιθαυμάσας τὸ παράλογον τὸ τελευτῆς, τὸν μετὰ δακτύλιον ἀφείλετο. τὸ δὲ σῶμα κοσμήσας πρέποισι κόσμῳ καὶ περιτείλας ἐντίμως ἔκαυσε, καὶ τὰ λείψανα συνθεὶς εἰς κάλωπην ἀργυρᾶν, καὶ χρυσὸν ἐμβάλων εἰφαινον, ἀπίστευε πρὸς τὸν υἱόν. τῶν δὲ Νομάδων τινὲς περὶτυχόντες τοῖς κομίζουσιν, ἄρμησαν ἀφαιρεῖσθαι τὸ τεῦχος. ἀντιλαμβανομένων δ' ἐκείνων, ἐκδιδυμένους καὶ μαχόμενοι διεῖρρυσαν τὰ ὅσα. πυθόμενος δὲ Αἰνέσας καὶ πρὸς τὲς παρόντας εἰπὼν, ὅδ' ἐν ἅρᾳ δυνατόν γενέσθαι ἄκοντος θεῶ, τοῖς μὲν Νομάσιν ἐπέθηκε δίκην, ἐκ ἑτι δὲ κομιδῆς ἢ συλλογῆς τῶν λειψάνων ἐφρόντισεν. ὥς δὲ κατὰ

282 CORNELII NEPOTIS

θίον τινα καὶ τὸ τελευτῆς καὶ τῆς ἀταφίας πα-
ραλόγως ἔτοι τῷ Μαρκέλλῳ γενομένης. Ταῦτα
μὲν οὖν οἱ περὶ Κορνήλιον Νέπωτα καὶ Οὐαλέ-
ριον Μάξιμον ἰστορήκασι. Λίσιος δ' ἐ καὶ Καῖσαρ
ἰ σίωσις κομισθῆναι τὴν ὑδρίαν πρὸς τὸν νῖον
εἰρήκασι, καὶ ταφῆναι λαμπρῶς. *Plutarch.
in Marcell.*

*Annibal verò quum reliquos minimi
faceret, Marcellum cecidisse audito, ipse
ad locum accurrit: cadaverique adsistens,
diuque corporis robur & formam contem-
platus, neque superbam ullam emisit vo-
cem, neque vultu lætitiā (ut consen-
taneum erat eum, qui tam molestum &
gravem hostem interfecisset) præ se tulit:
sed inopinatum viri exitum miratus, an-
nulum ei abstulit, corpus digno habitu
ornatum, vestibusque decentibus amictum,
cremavit. Reliquias in urnam argen-
team lectas, aureā super additā co-
ronā ad filium misit. Sed quidam Nu-
midæ, cū inferentes ea incidissent,
adimere vi conati sunt: illis reluctanti-
bus, ac vim vi repellentibus, ossa dis-
jecta sunt. Annibal hoc audito, ad eos
qui aderant; Nihil, inquit, utique Diis
invitis fieri potest: sumpto de Numidis
supplicio, nullam præterea de Marcelli*

FRAGMENTA. 283

reliquiis colligendis curam habuit : ut qui Dei alicujus numine Marcello hunc exitum vitæ , & sepulturæ privationem ita præter omnium opinionem evenisse crederet. Hæc Cornelius Nepos & Valerius Maximus narrant. Livius & Augustus Cæsar , perlatam ad filium Marcelli urnam & honorificè sepultas ejus reliquias perhibent.

Ἀνίσταν δὲ Μάρκελλος , ὡς μὲν οἱ πατρὶ Πολύβιον λέγουσιν , ἐδ' ἑ ἀπαξ ἐνίκησεν , ἀλλ' αὐτὸς ἀνὴρ δοκεῖ διαγενέσθαι μέχρι Σικελίανος. ἡμεῖς δὲ Λίβιῳ Καίσαρι καὶ Νέπωτι , καὶ τῶν Ἑλληνικῶν τῷ βασιλεῖ Ἰόῳ πισύομεν , ἥτλας τοὰς καὶ τροπὰς ὑπὸ Μαρκέλλου τῶν σὺν Ἀνίστῳ γενέσθαι. In Marcello.

Annibalem Marcellus , ut Polybius narrat , ne semel quidem vicit , sed invictus hic vir fuisse videtur usque ad Scipionem. Nos autem Livio , & Cæsari , & Nepoti , & ex Græcis scriptoribus regi Jubbæ credimus , aliquoties Hannibalem à Marcello victum , & in fugam versum esse.

Cornelius Nepos , qui Divi Augusti principatu obiit , cùm scriberet turdos paullò antè cœptos saginari , addidit ciconias magis placere , quàm grues :

CAP.
X.

284 CORNELII NEPOTIS

cùm hæc nunc ales inter primas expetatur , illam verò nemo velit tetigisse.

Plin. l. 10. c. 23.

Apud antiquos piscium nobilissimus habitus acipenser , &c. Postea præcipuam auctoritatem fuisse lupo & asellis, Cornelius Nepos , & Laberius , poëta mimorum , tradidere. *Lib. 9. cap. 17.*

Magnitudo *loto arbori* , quæ piro : quamquam Nepos Cornelius brevem tradat , &c. Vinum quoque exprimitur huic simile mulso , quod ultra de nos dies negat durare idem Nepos ; baccasque contusas cum alica ad cibos dolio condi. *Lib. 13. cap. 17.*

Scandulâ contestam fuisse Romam usque ad bellum Pyrrhi annis quadringentis LXX , Cornelius Nepos auctor est. *Lib. 16. cap. 10.*

Cornelius Nepos tradit ante Sullæ victoriam duo tantum triclinia Romæ fuisse argentea. *Lib. 33. cap. 11.*

Primus invenit *lineas* colorare , testâ ut ferunt tritâ , Cleophrantus Corinthius. Hunc , aut eodem nomine alium fuisse tradit Cornelius Nepos , secutum in Italiam Demaratum , Tarquinii Prisci Romani Regis patrem, fugientem

FRAGMENTA. 285

à Corintho injurias Cypseli tyranni.
Lib. 35. cap. 3.

Primum Romæ parietes crustâ marmoris operuisse totius domus suæ in Cœlio monte Cornelius Nepos tradidit Mamurram, Formiis natum, equitem Romanum, præfectum fabrûm C. Cæsaris in Gallia, &c. Adjecit idem Nepos, eum primum totis ædibus nullam, nisi è marmore, columnam habuisse, omnes solidas è Carystio, aut Lunensi.
Lib. 36. cap. 6.

Ædis Martis est in Circo Flaminio CAP. XI.
architectata ab Hermodoro Salaminio.
Priscian. l. 8.

Non ampliùs ter bibere Augustum solitum super cœnam, in castris apud Mutinam, Cornelius Nepos tradidit.
Suetonius Aug. c. 77.

In extrema Britanniae parte Memma, quam Cornelius etiam, Annalium scriptor, narrat metallis plurimis copiosam, herbis frequentem, & his feraciorrem, omnibus, quia pecora magis quàm homines, alat. Labi verò per eam multa quàm maxima relabique flumina, gemmas margaritasque volventia. *Jordanus sive Jornandes, de rebus Gothicis.*

EPISTOLA

CORNELIÆ MATRIS

GRACCHORUM.

CAP.
XII.

Dicis pulchrum esse inimicos ulcisci. Id neque majus, neque pulchrius cuiquam, atque esse mihi videtur; sed si liceat republ. salvâ ea persequi. Sed quatenus id fieri non potest, multo tempore, multisque partibus inimici nostri non peribunt: atque uti nunc sunt, erunt potius, quàm respubl. profligetur atque pereat.

Eadem alio loco:

Verbis conceptis dejerare ausim, præterquam qui Tiberium Gracchum necarunt, neminem inimicum tantum molestiæ, tantumque laboris, quantum te ob has res, mihi tradidisse: quem oportebat omnium eorum, quos antè habuerim liberos, partes eorum tolerare, atque curare, ut quàm minimum sollicitudinis in senectâ haberem, utique quæcumque ageres, ea velles maximè mihi placere: atque uti nefas haberes rerum majorum adversum meam sententiam quicquam facere. Præsertim

FRAGMENTA. 287

mihi , cui parva pars vitæ superest , ne id quidem tam breve spatium potest opitulari , quin & mihi adverteris , & rempubl. profliges. Denique quæ pausa erit ? * & quando desinet familia nostra insanire ? & quando modus ei rei haberi poterit ? & quando desinemus , ** & habentes , & præbentes , molestiis desistere ? & quando perpudescet miscendâ atque perturbandâ republ. Sed si omnino id fieri non potest , ubi ego mortua ero , petito Tribunatum ; post me facito quod libebit , cùm ego non sentiam. Ubi mortua ero , parentabis mihi , & invocabis Deum parentem. In eo tempore , non pudet te eorum *** Deum preces expetere , quos vivos atque præsentis , relictos atque desertos habueris ? Ne ille finat Jupiter , te ea perseverare , nec tibi tantam dementiam venire in animum ; & si perseveras , vereor ne in omnem vitam tantum laboris culpâ tuâ recipias , uti in nullo tempore tute tibi placere possis.

* *Fortè* , Ecquando.

** *Al.* Absentes & præbentes.

*** *Fortè* , Deorum.

*Andraas Schottus , epistolâ ad Corneli-
 um Valerium , Fragmentis
 Nepotis præfixâ.*

Quis horum, dicet aliquis, Fragmentorum usus? Nimirum navi tempestate amissâ, factaque insigni jacturâ, consolationi esse solet, tabulas naufragii reliquas collegisse, & Neptuno maris Deo dedicasse: bonique consulenda salsamenta, cum deficimur cibo, juxta Græcorum proverbium. Quem equidem amissa colligendi laborem, non sine exemplo suscepi. Nam M. Varonis togatorum doctissimi, M. Catonis, reliquorumque, *Vertranius Maurus*, & *Antonius Riccobonus*: M. Tullii Fragmenta, *Car. Sigonius*: eoque diligentius *And. Patricius*: C. Cæsaris, *Fulvius Ursinus*: Sallustii Historiarum libros, *Aldus Manutius minor*, & accuratius *Lud. Carrio*, collegerunt. Virgilii verò catalecta, reliquorumque, *Jos. Scaliger*, Galliæ ocellus: alii alia veterum deperdita contulerunt. Græcorum Poëtarum, Poëtriarum, Oratorum, & Philosophorum collectanea prætereo, in quibus *Hortelii*, *Ursini*, & *Stephani Douzæ* singularis industria elucescit.

CHRONOLOGIA

CHRONOLOGIA
IMPP. GRÆCIÆ

A P U D

CORNELIUM NEPOTEM;

olim ab

ANDRÆA SCHOTTO

concinnata ;

nunc passim correcta , aucta , & inter-
polata.

A C C E S S E R U N T.

Series annorum Catonis per eundem
SCHOTTUM : & V. C. HENRICI
ERNSTII Chronologia Historiæ
T. Pomponii Attici.

Bb

THE UNIVERSITY OF CHICAGO

LIBRARY

1215 EAST 58TH STREET

CHICAGO, ILL.

1950

1951

1952

1953

1954

1955

1956



CHRONOLOGIA IMPP. GRÆCIÆ

A P U D

CORNELIUM NEPOTEM,
PER OLYMPIADAS.

*Ex Herodoto, Thucydide, Xenophonte,
ac potissimum Diodoro.*

OLYMPIADIS LXII. annus IV. putatur Urbis
conditæ Varronianus 225, & incidit in annum
Periodi Julianæ 4185; ante æram verò Chris-
tianam 529.

*Cyrus occidit in bello
contra Massagetas. Ne-
pos 21. 1. vide Peta-
vii Rationar. tempor.
parte 1. lib. 3. c. 9. &
10. Uffer. annal. V. T.
ad. ann. mund. 3475.
Riccioli Chronologia
reform. 5, 7, 1. & c.*

OLYMPIAS LXIII.

- 1.
- 2.
- 3.
- 4.

292 CHRONOLOGIA

OLYMPIAS LXIV.

- 1.
- 2.
- 3.
- 4.

Darius Hystaspis F. regnum Persarum adipiscitur. 21. 1. *Petav. de doct. temp.* 10, 18. *Ricciol.* 5, 7, 3. *Selden. canon. chronic. ad an. P. I.* 4197.

OLYMPIAS LXV.

- 1.
- 2.
- 3.
- 4.

OLYMPIAS LXVI.

- 1.
- 2.
- 3.
- 4.

OLYMPIAS LXVII.

1. Circa hoc tempus *Miltiades* Cimonis F. in Chersonesum mittitur. *Nepos* 1, 1, & 2. vid. *Petav. part. 1. R. T. lib. 2. 8.*

- 2.
- 3.
- 4.

OLYMPIAS LXVIII.

1. *Darius* Scythis bellum
 2. *Miltiades*, Cherso- inferre decernit : pon-
 - neso relicta, Athe- temque in Istro facit.
 - nas redit. 1, 3. *Nep.* 1, 3.
 - 3.
 - 4.
-

OLYMPIAS LXIX.

1. Atheniensium auxilio
 2. Iones Sardes expu-
 3. gnant. *Nep.* 1, 4. *He-*
 4. *rodot.* 7. *Petav. D. T.*
 13. & *Ricciol. in chro-*
 - nico magno.* Sed *Uffe-*
 - rius an.* 3104. qua-
 - driennio post contigisse vult.
-

OLYMPIAS LXX.

- 1.
 - 2.
 - 3.
 - 4.
-

OLYMPIAS LXXI.

- 1.
- 2.
- 3.
4. *Themistocles* Archon persuadet Atheniensibus, ut portum *Pyræi*, & classem novam exædificent. 2, 1. & 2, 6. *Plut. Herod. Polyan.* 1. Ita *Simson. in chron. cathol.*

294 CHRONOLOGIA

OLYMPIAS LXXII.

1.

2.

Darius Datin & *Artaphernem* adversus Græcos cum classe 500 navium mittit. Hi Eretriam capiunt; inde in Atticam accedunt. 1, 4.

3. *Miltiades*, Cimonis Filius, Atheniensium Dux, *Darium* vincit, unâ cum *Aristide* cognomento Justo. 1, 5.

Pugna Marathonica *Darius* Persarum Rex profligatur. *Herod.* 6. *Thucyd.* 1. *Dionys.* *Gell.* & *Nepos* in *Miltiade* c. 5. Alii in ann. 2. aut 1. conjiciunt. *Usser. annal.* V. T. ad ann. M. 3514. *Ricciol. Chronol. reform.* 3, 3, 7.

4. *Miltiades* Parum infelicitè adgressus, in vincula conjicitur, & in iis obiit, juxta *Peruv.* 1, 3, 2. & *Labbeum*, aliosque. *Nepos* 1, 7, *Plus.* *Cimone*.

OLYMPIAS LXXIII.

1.

2.

3.

Xerxes *Dario* *Hystaspis* F. mortuo succe-

dit. 12, 1. *Herod.* 7.
Vide *Petau.* 2, 3, 10.
Ricciol. 5, 7, 4.

4.

OLYMPIAS LXXIV.

1.

2. *Aristides* Ostracismo
urbe pellitur ab in-
gratis civibus. *Diod.*
l. XI. *Plut.* & *Ne-*
pos 3, 1. *Simson.*
ad an. 4. Ol. 73.
refert.

3.

4. *Themistocles* ora-
culum interpretatur
de muris ligneis 2,
2.

Xerxes in Asiam profi-
ciscitur, & hyeme Sar-
dibus exacta, vere
transit in Græciam.
Plutarch. *Themist.* &
Aristid. *Diod.* 11. *Ju-*
stin. 2. *Nepos* 2, 2.
Ricciolus 3, 3, 8.
Selden. *Canon. Chron.*
4233.

OLYMPIAS LXXV.

1.

Aristides ante tempus
ab exilio revocatur.
Plut. *Nepos* 3, 1.

Bellum Persicum Xer-
xis in Græciam. Athe-
næ incensæ. 2, 2, 3, 1.
Pugna ad Thermopylas
duce Leonida, qua
300. Spartani cæsi. 2, 3.
Pugna ad Artemisium
Persiarum infelix. 2, 3.

- Xerxes ad Salaminem victus fugatusque à Themistocle. 2, 4. &c. Plut. Herod. 7. Diod. alii.*
2. *Aristides Athen. & Pausanias Lacedæmon. cum Mardonio pugnant, 3, 2. & 4, 1.* *Pugna ad Platæas, duce Persar. Mardonio occiso, & altera eodem die ad Mycalem. 4, 1. Herodot. 9. Diod. 11. Plut. Aristide; alii.*
3. Athenienses consilio *Themistoclis* muros suos instaurant, repugnantibus Spartanis. *Diodor. lib. XI. Plut. Nep. 2, 6. & 7.*
4. Eiusdem suasu *Piræi* portus Athenis absolvitur. *Diod. Ibid. Thucyd. 1. Nep. 2, 6. Sic & Petavius ac Simsonius. Sed Usserius conjicit in annum 3. Olym. 76.* *Lacedæmonii Pausaniam cum classe communi in Cyprum mittunt. 4, 1.*
- Aristidis æquitate Græcorum imperium ad Athenienses deferatur, & societatem ineunt 3, 2. Eiusdem operâ ærarium*

Græciæ in Delo constituitur. 3, 3.

OLYMPIAS LXXVI.

- 1.
 - 2.
 - 3.
 4. *Iacedæmonii maris imperium affectant. Diod. Nep. 3, 2, &c.*
-

OLYMPIAS LXXVII.

- 1.
 2. *Themistocles Ostracismo pulsus Athenis, & absens prodicionis damnatus, ad Admetum, hinc ad Xerxem (siye Artaxerxem) fugit. 2. 8. Diod. 11. Plut. Aliter Usserius. Vide not. Bosii ad 2, 9, 1.*
 3. *Cimon Atheniensium dux vincit Persas prælio navali ac terrestri eodem die. Bellum in Persas I. ad Eurymedontem fluvium. Diod. & Polyæn. 5, 2. Diodor. 11. Plut.*
 - 4.
-

OLYMPIAS LXXVIII.

- 1.
2. *Aristides obit, secundum Simson. Nepos 3, 3.*

298 CHRONOLOGIA

3. *Themistocles* Magnæ
 siæ moritur. 2, 10.
Thucyd. 1. vide *Uf-*
ser. a. 3538. *Petavius*
 p. 2. 3. 10. trien-
 nio post obiisse con-
 jicit.

Xerxes Persarum Rex
 ab Artabano trucidat-
 tur. Succedit *Artaxer-*
xes Macrochir. *Diod.*
lib. XI. Ctesias. Nep.
 21, 1. vide *Petav. R.*
T. part. 1. lib. 3, 10.
Ricciol. 5, 7, 4. Sed
Ufferius ferè novennio
 integro initium ejus
 antè facit, ad *A.*
M. 3531.

4.

OLYMPIAS LXXIX.

- | | |
|----|---------------------------------------|
| 1. | <i>Thasii</i> , qui ab Athe- |
| 2. | niensibus defecerant, |
| 3. | à <i>Cimone</i> victi. <i>Thucyd.</i> |
| | <i>Diodor. XI. Nepos</i> 1, 2. |
| 4. | <i>Bellum in Persas II.</i> |
-

OLYMPIAS LXXX.

- | | |
|------------------------------|------------------------------|
| 1. <i>Cimon</i> Ostracismo | <i>Bellum Corinthium ex-</i> |
| ejicitur. 5, 3. <i>Diod.</i> | citatum à Megarensi- |
| <i>XI.</i> | bus. |
| 2. | |
| 3. | |
| 4. | |

OLYMPIAS LXXXI.

- 1.
2. *Cimon* in patriam revocatur. 5, 3.

3.

Atheniensium cum Lacedæmoniis per *Cimonem* fœdus quinquennale. *Diod. lib. XI. Thucyd. 1. Nep. 5, 3. Petav. à P. J. 4264. & Labbens in annum 4. Olymp. 82. conjiciunt. sed Nepos quinto exilii anno id factum ait.*

4.

OLYMPIAS LXXXII.

1.

2.

3. *Cimon* Persas in Cypro vincit, & maris imperium suis vindicat. *Diod. Plutarch. Thucyd. lib. 1. & Nepos 5, 3.*

Bellum in Persas III. ab Atheniensibus motum.

4. *Cimon* in Cypro moritur. *Auctores iidem.*

Persæ à Cimone Athen. duce victi pacem cum Atheniensibus compo- nunt. Diod. XI. Thucyd. 3.

OLYMPIAS LXXXIII.

1.

Bellum Lacedæmonium III. gestum à Lace-

300 CHRONOLOGIA

- | | |
|-------------------------------|--|
| 2. | dæm. cum Megaten-
sibus. <i>Diodor. lib. 12.</i> |
| 3. <i>Agefilaus nascitur,</i> | <i>Athenienses ad Coro-
neam victi à Bœotiiis;</i>
<i>Diod. 12.</i> |
| | <i>Bellum Euboicum duce</i>
<i>Pericle cum Eubœen-</i>
<i>sibus gestum. Diod.</i>
<i>lib. 13.</i> |

4.

OLYMPIAS LXXXIV.

- | | |
|----|--|
| 1. | |
| 2. | |
| 3. | |
| 4. | <i>Bellum Samium, quæ</i>
<i>Samii, qui defece-</i>
<i>rant, anno seq. in po-</i>
<i>testatem Athenien-</i>
<i>sium veniunt Pericle</i>
<i>duce. Diod. lib. 13.</i> |

OLYMPIAS LXXXV.

- | | |
|----|--|
| 1. | <i>Bellum Byzantium,</i>
<i>quo Byzantii subacti.</i>
<i>Diod. lib. 12.</i> |
| 2. | <i>Bellum Corinthium &</i>
<i>Corcyraum. Diod. 12.</i> |
| 3. | <i>Thucyd. 1.</i> |
| 4. | <i>Corinthiorum & Corcy-</i>
<i>ræorum ad bellum ap-</i>
<i>paratus. Diod.</i> |

OLYMPIAS

OLYMPIAS LXXXVI.

- | | |
|----|---|
| 1. | <i>Corcyraei</i> vincunt <i>Corinthios</i> auxilio <i>Athenien.</i> <i>Diod.</i> Sed <i>Petavius R. T.</i> 1, 3, 6. & |
| 2. | <i>D. T. lib.</i> 13. ac <i>Labbeus</i> in annum seq. |
| 3. | conjiciunt. |
| 4. | |

OLYMPIAS LXXXVII.

- | | |
|----|---|
| 1. | <i>Bellum Peloponnesiacum</i> incipit. <i>Diod. lib.</i> |
| 2. | 12. <i>Thucyd.</i> 2. & 3. non anno 1. ut volunt ex <i>Diodor.</i> alii. v. <i>Petav.</i> 2, 3, 11. <i>Strauch. breviar. chronol.</i> 4, 28. <i>Langium de ann. Chr.</i> 2, 16. |
| 3. | |
| 4. | |

OLYMPIAS LXXXVIII.

- | | |
|----|--|
| 1. | |
| 2. | <i>Athenienses</i> duce <i>Chabria</i> & <i>Lachete</i> prosperè ad <i>Syracusas</i> pugnant. <i>Diod.</i> |
| 3. | <i>Artaxerxi</i> Reg. <i>Persarum</i> mortuo succedit <i>Xerxes.</i> <i>Diod.</i> Alii biennio post id contigisse volunt. v. <i>Simsf. an.</i> 3782. |
| 4. | |

302 CHRONOLOGIA

OLYMPIAS LXXXIX.

1.

2.

3.

Inter Athen. & Laced.
50 annorum *inducia*
fiunt ; post annos 8
dissolutæ. *Thucyd.* 5.
Alii eas in annum
præced. conjiciunt.

4.

OLYMPIAS XC.

1.

2.

3.

4. *Alcibiades* instau-
rat Remp. Argivo-
rum, *Diod.*

Athenienses bellum *Si-*
ciliense suscipiunt.

OLYMPIAS XCI.

1. *Alcibiades*, *Nicias*,
ac *Lamachus*, duces
Athen. ad bellum
cum *Syracusanis* ge-
rendum missi, *Diod.*
lib. 13. *Thucyd.* 8.
Nep. 7. 3.

2. *Alcibiadis*, quod
contra Remp. con-
jūrasset, postulatio
& fuga ad *Sparta-*
nos, *Diod.* *Nepos* 7,
3. & 7, 7. *alii.*

Pugna ducum *Athe-*
nienf. cum *Syracusa-*
nis, *Diod.* l. 13. Alii
anno seq. contigisse
putant.

3.

4.

Bellum Decelicum, *De-*
celia munitur à *Spar-*

ranis *Alcibiadis* iussu
contra Athenienses. 7,
4.

OLYMPIAS XCII.

1. *Alcibiades* exsul agit
cum Atheniens. ut
restituatur in pa-
triam. *Diod. lib. 13.*
Thuc. 5. Nep. 7, 5.

2. *Alcibiades* ab Athe-
nienfibus revocatur.
Iidem auctores.

3. *Conon* sedat Cor-
cyrae seditionem.
Diod.

4. *Alcibiad. & Thra-
sybulus* in Thracia
prosperè pugnant.
Diod. ibid.

Athenienses duce Thra-
syullo & *Thrafsybulo* na-
vali praelio Lacedæmo-
nios ducemque Min-
daram vincunt. *Diod.*
13.

Athenienses iisdem du-
cibus Lacedæm. vin-
cunt navali praelio ad
Cyzicum, duce eo-
rum Mindaro occiso.
Diod. ibid. Thucyd.
Xenoph. 1. Ufferius id
triennio posterius facit
priori.

OLYMPIAS XCIII.

3. *Alcibiades* Athenas
reversus, fit sum-
mus Imp. & brevi

Atheniensium ad An-
dram cum Lacedæmo-
niis pugna, ducibus

exfulat. *Diod. ibid.*
Nep. 7, 7.

2.

Alcibiade, Adimanto & Thrasybulus. *Diodorus.*
Nep. 7, 7. Athenien-
 ses *Conone* duce malè
 pugnant cum *Calli-*
cratide ad *Methym-*
nam, & altera pugna
 ad *Mitylenem.* *Diod.*
lib. 13. Factum hoc
 alii censent anno seq.
Dionysius senior *Syra-*
cusis tyrannidem ob-
 tinet. *Dionys. Halic.*
l. 7.

3.

4. *Conon* ad *Evagoram*
Cypri Regem fugit.
Diod.

Lysander *Athenas* ca-
 pit, & triginta ty-
 rannos eis imponit.
 8, 1.

Athenienses à *Lacedæ-*
moniis ad *Ægos Po-*
tamon à *Lysandro* de-
 bellati. *Diod. l. 15.*
Nepos 6, 5. 7, 9. 9, 1.

OLYMPIAS XCIV.

1. *Alcibiades* in *Phry-*
giam fugit, & illic
 opprimitur. *Diodor.*
Plut. Nepos 7, 10.

2. *Lysander* accusatus,
 absolvitur. *Diodor.*
Nep. 6, 3.

3.

4. *Thrasybulus* devictis
 tyrannis, Athenien-

Finis belli *Pelopon-*
nesiaci. v. *Petar. D.*
T. 10, 18. R. T. 1, 3.

sibus libertatem
restituit. 8, 3. *Diod.*
13, 14. *Xenoph. rer.*
Gr. 2.

OLYMPIAS XCV.

- 1.
2. *Conon* Athen. exsul
Persicæ classi præfi-
citur adversus Lacedæ-
monios. *Diod.*
lib. 14. *Nep.* 9, 2.

3.

4.

OLYMPIAS XCVI.

1. *Agésilai* cum Persis
in Asia bellum. 17.
2. *Diod.* 14.
Lysander, dux Lacedæ-
m. ad Haliartum
interfectus. 6, 3.
Diod. 14.

2. *Conon* vincit Periar-
chum Lacedæmon.
clatilis præfectum
ad Cnidum. *Diod.*
Xenoph. Plut. Agesi-
lao. Nep. 9, 4. Alii
anno seq. id eve-
nisse volunt. vid.
Usser. a. 3610.

Bellum Sociale Lacedæ-
monium.

Lacedæmonii à *Conone*
victi, post ad Coro-
neam duce *Agésilao*
prosperè pugnant. *Dio-*
dor. Nep. 17, 4.

3. *Conon* muros Athen.
ope Thebanorum

Bellū Corinthiaci ini-
tium. Diod.

C c 3

306 CHRONOLOGIA

restituit, & à Titi-
bazo custodiæ tra-
ditur. 9, 4. 9, 5.
Diod. 14.

4. *Ephicrates* ad Co-
rinthum feliciter
pugnat. *Diod.* 14.
& *Nepos* 11, 2.
Deponit Imperium,
& *Chabrias* succedit.
-

OLYMPIAS XCVII.

1. *Thraſybulus* cum
classe missus Thra-
ciam & Lesbium.
Diodor. 14.
 2. *Agésilæus* Rex La-
cedæm. agrum Co-
rinthium popularur.
17, 5.
 3. *Thraſybulus* ab Af-
pendiis necatus. *Dio-*
dor. 14. *Nepos* 8, 4.
 - 4.
-

OLYMPIAS XCVIII.

- 1.
2. *Chabrias* Evagoræ
adjutor datus, to-
tam Cyprium de-
vincit. 12, 2. *Xe-*
noph. rer. Gr. 5. Ita
Uſſer. a. M. 3617.
Alii Olympiade 27

contigisse volunt.

3.

4. *Datames* ab Artaxerxe Ciliciæ præficitur. *Diod. Nep.*

14, 1.

OLYMPIAS XCIX.

1.

2.

3.

Lacedæmonii, duce Phœbida, arcem Thebarum Cadmeam occupant. *Diod. Aristid. Polyb. Nep.* 16, 1. *Bellum Laconicum Bœoticum.* *Diod.* l. 15. *Aristides*: *Isocr.* in *Panegyrico.*

4.

OLYMPIAS C.

1.

2.

3.

Thebani exules opes Atheniens. Cadmeam recipiunt. 16, 3. *Diod. Xenoph. alii.*

4. *Agésilai* in Bœotiam expeditio. 12, 1.

Chabria victoria de Spartanis. *ibid.*

Chabrias Acorin Ægypti R. adjutum pro-

308 CHRONOLOGIA

fectus , Athenas re-
vocatur. 12, 2. *Diod.*

Idem novo pugnae ge-
nere Boeotios servat.

1: , 1. *Diod.* 15.

Iphicrates ab Athe¹. *Bellum Lacedam. I.*
auxilio regi Persa-
rum Artaxerxi mit-
titur. 11 , 2. *Diod.*

OLYMPIAS CI.

1. *Timotheus* Lacedæ-
monios ad Leuca-
dem superat. 13 , 1.
Diod. lib. 15. *Xe-
noph. lib.* 5.

Chabria interfecto suc-
cedit *Iphicrates*.
Diodor. ibid. Alii
tamen *Chabriam*
denuum post ali-
quot annos , bello
sociali , perire vo-
lunt. vide *Simson*.
ad an. M. 3619.

2.

Lacedæmonii maris im-
perium relinquunt A-
theniensib. 13 , 1.

3. *Timotheus* Corcy-
raeis contra Lacedæ-
monios subsidio
mittitur. *Diod.* 15.
Item *Iphicrates*, *Dio-
dor.* *Xenoph.* Fron-

Diod. 15.

Bellum Lacedæmonium
II. inter Athenienses &
Lacedæmonios. *Diod.*
& *Xenoph.*

tinus. Nepos 11, 2.

Iphicrates exercitui Pharnabazus cum *Iphicrate* adversus *Ægyptios* profectus, conductio præfectus adversus *Ægyptios* proficiscitur, & paullo post Athenas revertitur. *Diod.* & aliter paullo. Nepos 11, 2.

4.

OLYMPIAS CII.

1.

2. *Epaminondas* Spartanos ad *Leuctra* profligat. 15, 8. *Bæoticum Bellum.* *Pugna Leuctrica* Spartanorum cum Thebanis. *Diod.* & al. v. *Pertav. de doct. temp.* 10, 31. *Selden. can. chron.* Alii in annum seq. conjiciunt.

3. *Iphicrates* Euridicen defendit. 11, 3. *Æschin. de falsa leg.*

4. *Epaminondas* Lacedæmoniam invadit, Spartam capir, Messeniam restituit. 15, 8. *Diod.* & alii. *Bæotii* duce *Epaminonda* in Peloponnesum ingreſſi, & à *Chabria* Atheniens. duce repulsi. *Diod. Xenoph.*

Pelopidas & *Epami-*

310 CHRONOLOGIA

nondas Arcadibus
auxilio à Thebanis
mittuntur. *Diodor.*
Plutarch. in Pelop.
Justin. lib. 7. Nepos
16, 4. alii.

OLYMPIAS CIII.

1. *Pelopidas* ab *Alexandro Pheræo* in
vincula conjicitur. *Diod. Plut. Nepos*
16, 5. *Pausanias in*
Boeot. *Thebanorum* cum *Arcadibus* bellum.
Dionysius Syracusarum
Tyrannus moritur. *Nepos* 21, 2. *Eusebius in*
Chronico: alii.
 2. *Epaminondas* exer-
citum *Theban.* in-
columnem domum
reducit. 15, 7. *Plut.*
Pelopida.
Pelopidas liberatur.
16, 5. *Diod.*
 3. *Epaminondas* in *Pe-*
loponneso bellum
gerit. 15, 7. *Diod.*
 4. *Bellum Arcadum &*
Eleorum. *Diod. lib.*
15. *Xenoph. Justin.*
Front.
-

OLYMPIAS CIV.

1. *Pelopidas* prælio ad-
versus *Alexand.*
Pheræum victor
cadit. *Plut. Nepos*
Thebani Epaminonda
perorante de mariti-
mo imperio compa-
rando cogitant. *Diod.*

46, 5. *Diod.*

Pausan. Bæoticis.

Timotheus in Thraciam profectus, Potidæam, & Toronem occupat. *Diod. lib. 15.* Cum Olynthiis bellum gerit. *Nepos 13. 1. Demosthen. Olynth.*

2. *Epaminondas* Spartam iterum tentat. Lacedæm. ad Mantineam vincit, ibidemque interficitur. 15, 9. *Diod.* & alii passim.

Pugna Mantineensis
duce *Epaminonda.*

3. *Agésilæus* & *Chabrias* à Rege Persarum ad Tachum Ægypti Regem deficiunt. 17, 8. 12, 2. *Diodor. 15. Polyan.*

Artaxerxi Mnemoni
Regi Persarum mortuo succedit *Artaxerxes Ochus.* Alii tamen triennio antè obiisse volunt. v. *Petav. D. T. 10, 29. & l. 13. Labbeum a. M. 3688.*

3. *Agésilæi* interitus. *Xenophon. Plut. Diodor. Nepos 17, 8. Datames* ab *Artaxerxe* deficit. 14, 5. & dehinc. *Diod. 15. Chabrias* *Nectanebo* regnum constituit 12, 2.

4.

OLYMPIAS CV.

312 CHRONOLOGIA

1. *Philippus Macedo* rogare incipit. *Diod.* 16. *Justin.* 8. &c.

- 2.

3. *Chabrias* cum *Charete* adversus *Atheniensium* socios, *Chios*, *Rhodos*, *Coos* & *Byzantios*, missus, in prælio occubuit. *Diod. lib.* 16. & *Nepos* 12, 4. *Bellum sociale Atheniensium.*

- Dionis* fuga & præparatio ad bellum cum *Dionysio*. *Diod. ib.* *Ælian. lib.* 12. *Variar. Hist. cap.* 44. *Nepos* 10, 41. Sed fugam *Simfonius* vult contigisse biennio antè.

4. *Dionis* felix cum *Dionysio* bellum. *Plut. Diod. Nepos* 10, 3. *Alexandri Pheræi interitus. Diod. Plutarch. & alii.*

OLYMPIAS CVI.

1. *Iphicrates* & *Timotheus* ab *Atheniensibus* multantur. *13, 3.* *Athenienses* cum *Sociis* acriter pugnant, ducibus *Charete*, *Iphicrate*, & *Timotheo*. *Diod. Nepos* 13, 1. Nascitur *Alexander M.* vid. *Petav. R. T.* 2, 3,

2. *Dion* moritur annos *12, Usser. a. M.* 3648. natus

natus circiter LV.
Euseb. in Chron.
 (ubi vitiosè *Dionysus* pro *Dion* legatur:) *Nep.* 10, 9.
Petavius D. T. lib.
 13. & *R. T.* 1, 3,
 10. *Simsonius, Lab-*
beus, aliique anno
 seq. obiisse volunt.

3.

4. *Chares* Sextum capit.
Diod.

Philippus oculum in
 expugnatione Metho-
 nes amisit. *V. Vitas*
comparatas Schotti,

OLYMPIAS CVII.

1.

2. *Phocion* Athen. Per-
 sarum dux est con-
 tra Cyprios. *Diod.*
 l. 16.

3.

4.

OLYMPIAS CVIII.

1.

2. *Iphicrates* Athen. *Dionysius* junior Syra-
 cularum recuperat, anno
 decimo postquam à
 Dione pulsus erat. 10,
 2, *Diod.* 16. *Plut.*
Diod.

314 CHRONOLOGIA

- 3.
 4. *Timoleontis* in *Siciliam* expeditio. 20 ,
2. *Iceas* Princeps *Syracusarum* à *Timolonte* superatus. 20 , 2.
 - Syracusas* in libertatem restituere conatur. *Diod. Nepos* 20 ,
3. *Plutarch.*
-

OLYMPIAS CIX.

1. *Timoleon* pulsus *Pœnis* , *Syraculis* positur. 20 , 2.
 2. *Remp. Syracusat.* instaurat , ejecto *Dionysio*. 20 , 3.
Diod. 16.
 3. Contra *Siculos* rem feliciter gerit. *Diod. Nepos* 20 , 2.
 4. *Phocion* *Athen.* dux *Clitarchum* Tyrannum *Eretriæ* à *Philippo* constitutum profligat. *Diod.* 1.
16.
-

OLYMPIAS CX.

1. *Timoleon* *Carthaginiensium* exercitum ad *Crimesum* superat. *Plut. Nepos* 20 ,
2. *Diodor. Polyæn.*
lib. 6.

1. *Timoleon* Carthagi-
nensibus pacem pe-
tentibus concedit,
& Mamercum capit.
10, 1. *Diod.*
Idem toti Siciliae pa-
cem ac libertatem
restituit. 10, 3. *Diod.*

3. *Pugna ad Charoneam*,
quâ Philippus Athe-
nienses vicit. *Diod.*
Dionys. ad Ammaum.
Pausan. in Attic. alii.

4. *Timoleon* moritur.
Nepos 2, 5. *Plu-
tarch.*

OLYMPIAS CXI.

1. *Philippus* Rex à Pausa-
nia satellite occiditur.
Diod. lib. 16. Nepos
21, 2 & alii. *Alexan-
der M.* Philippo Patrâ
succedit.
- 2.
- 3.
- 4.

OLYMPIAS CXII.

- 1.
2. *Alexander* debellat
3. *Darium* ad Arbella. v.
4. *Petar. D. T.* 10, 36.
R.T. 2, 3, 12. *Strauch.*
brev. chronol. 4, 30.

OLYMPIAS CXIII.

Dd 2

316 CHRONOLOGIA

1.

2.

3.

4.

Hephæstionis mors. Nepos 18, 2. Ælian. lib. 12, 7. & alii.

OLYMPIAS CXIV.

1.

Alexander Babylone moritur, vel veneno, vel intemperantiâ. 21, 2. Diod. 18. Curt 10. alii. v. Petav. l. c. & in Paralip. p. 859. Uffer. a. M. 3681. Strauch. brevior. 4, 31.

2.

Antipater & Craterus Ætoliam deficientem oppugnant. Diod.

3.

4. *Eumenes vincit Craterum & Neoptolemum. 18, 3. & 4. Diod.*

Peristecus interficitur. 18, 5 Diod.

Idem ab exercitu Alexandri hostis judicatur, & ab Antigono Noræ obsidetur. 18, 5.

Antipater rebus Macedonicis præficitur. 18, 5.

OLYMPIAS CXV.

1.

2. *Eumenes fit regum tutor, bellumque adversus Antigo-*

num comparat. 18,
6, & 7.

3. *Phocion* ad Antipatrum proficisci recusat, & paullò post necatur à civibus suis. *Plut. Nep.* 19.

Eumenes in Persiam copias suas hiematum dividit. 18, 8.

4. *Eumenes* adversus Antigonom bellum gerit, & satrapæ Orientis se conjungunt. 18, 2.

Nicanor à *Cassandro* Athenas missus *Piræum* occupat. 19, 2.

Argyraspidum phalanx Eumeni adjuncta frustra ab Antigono & *Ptolemæo* sollicitatur. *Diod.*

OLYMPIAS CXVI.

1. *Eumenis* cum Antigono anceps prælium. Ab Antigono capitur, & occiditur. *Diodor. Nepos* 18, 10. (*Petar.* ait anno decimo ab *Alex.* obitu sublatum; qui in ann. 2, aut 3, hujus Olymp. incidit.)

2.

3.

4.



CHRONOLOGIA

Annorum Catonis ,

ANDRÆA SCHOTTO

Auctore.

M. PORTIUS. M. F. CATO

CENSORIUS.

Anno
U. C.
§ 21. **N**atus, M. Emilio Lepido, M. Publicio Malleolo Coss. Sic enim ipse apud Cicer. de Senect. differens : Anno postquam primum Coss. fuerat Q. Fabius Maximus Verrucosus, qui Tarentum cepit, ego natus sum. Alii § 19 anno natum putant, L. Postumio Albino, Sp. Carvilio Maximo Coss. In his Kar. Langius Gandensis vir doctiss. legitque, Anno post Consul primum fuerat, quam ego natus sum. quomodo & in vet. lib. scriptum se reperisse Aldus Manutius minor affirmat.

§ 19. Annos natus XVII, primum stipendium meruit, & militavit ad Capuam sub eodem Fabio IV. Consule. Corn. Nepos, in vita Cat. c. 1, 2. Alii XIX numerant, ut altero anno à primum Coss. Fabio Maximo natus sit Cato.

CHRON. ANN. CAT. 319

Ætatis XXIV, si à natali DXIX. numeres, Anno
ad Tarentum stipendium fecit, Fabio V. Cos. U. C.
ut ipse apud *M. Tullium de Senect.* disputans. §44.

Æt. XXV, Tribunus militum in Sicilia fuit
M. Claudio Marcello Quintum. T. Quinctio §45.
Crispino Coss. Cicero Cat. majore, & Nepos
hic Cornelius cap. 1, 2.

C. Claudii Neronis Cos. castra sequitur; stren-
uus habitus & laudatus re bene gesta in præ-
lio Senensi ad Metaurum, quo cecidit Asdru-
bal, exercitu Alpes trajiciens, ut copias cum
Annibale fratre conjungeret. Livius 27. &
Nepos. l. c.

Quæstor obtigit *P. Scipioni Africano majori,* §48.
in Africa Proconsuli, à quo perpetuò dissen-
sit; Augur, annos natus XXVIII, P. Corn. Sci-
pione Afr. P. Licinio Crasso Coss. Livius 29.
& C. Nepos c. 1, 3. M. Tullius verò in Bru-
to, & Catone, anno inseq. DXLIX. Cethego
& Tuditano Coss. Quem locum Andr. Patri-
cus in 2. lib. Cic. de Repub. sic concinnabat:
cum eo (Fabio) quartum Coss. adolescentulus
miles ad Capuam profectus sum, quintoque an-
no post Tarentum. Tum Quæstor: quem magistra-
rum gessi Coss. Tuditano & Cethego. Deinde
Ædilis. Quadriennio post factus sum Prætor,
cum quidem ille admodum senex, suator legis
Cinciae, de donis & muneribus, fuit. Ex Cic.
inf. ubi de fœdilitatibus & magnæ Matris
Deûm sacris, & in Bruto. Aliter Corradus &
Lambinus: quorum hic comm. in Æmilius
Probum, his Quæstorem facit. [Lambini lectio-
nem probabat etiam Langius. Expungunt autem
illa de adilitate & prætura; quod etiam, scilicet

- Anno
U. C.
548. paullo aliter, facit Pighius ad an. U. C. 549. vide not. Gruterianas ad Cic. l. c.] Non sequor. [*Quæsturam tamen anno sequenti demum gessisse, verum est. qua de re diximus in notis ad 24, 1, 3.*]
551. Quadriennio post Ædilis plebis factus, cum C. Ælio, qui hinc C. Helvius appellatur, & à Livio lib. 31. [& 38.] Cato in Cic. dialogo de Senect. ut quidem vulgò interpungitur. Agebat tum fortè annum ætat. 31.
555. Prætor quadriennio post Sardiniam provinciam obtinuit. Q. Ennium poëtam inde deduxit. Liv. 31. & 32. annal. ab U. C. Cicero in Cat. [ex vulg. lectione] & Plut. & Nepos hic c. 1, 3. A quo postea in Græcis litteris, licet senex, est institutus. Plin. 7, 30. Val Max. 8, 7. & D. Hieron. epist. ad Neporian.
558. Consul cum L. Valerio Flacco, quo auctore Romam è Sabinis commigraverat. In hoc magistratu totam citeriorem Hispaniam quæ rebellaverat, pacavit, bello ab Emporiis inchoato, adjuvante P. Manlio Prætor. Veget. 2, 3. & 1, 8. Hinc ejus abstinencia eluxit, & frugalitas. Plinius & Apuleius. Matronis cultum repetentibus Oppia lege ademptum, restitit. Lege Livium 33. Plutarch. Valer. 9, 1. & Nepotem c. 2, 1.
559. Hoc anno Proconsul ex eadem provincia de Senatus sententia triumphavit. Plut. Fasti Capitolini, Appianus Ibericis, Frontinus, Florus, & Zonaras [Nep. l. c.]
562. Legatus (non, ut Cic. in Cat. memoriæ vitio, Trib. militum) Manii Acilii Glabrionis Cos. Auctor de viris illustr. Festum vide in Or-

ANNORUM CATONIS. 321

dinarium, & in *Oratores. Livium* 36. *Appianum*, & *Iustinum* 31. Anno U. C. 569.

Ætatis XLIX, Censor gravissimus cum L. Val. Flacco, L. Quintium Flaminium, Titi fratrem, senatu movit, & in ætarium redegit, quod ad scorti spectaculum, Gallum reum jugulasset. Luxuriam hominum repressit, quæ incipiebat pullulare. In quo honore, quod tam severè præfuisse, Censorii cognomen tulit. *Livius* 39. *Plut. in Cat. & Cicero*, item in *Bruto. Fasti Capitol. Val. Max.* 2, 9. & 4, 5. *Nepos* hîc c. 2, 3. & *Seneca Rhetor controuv.* 2. ubi plura notavimus.

Octogenarius jam, [immomajor octogenario, nec ante annum V. C. 503. vide infra ad annum 605.] Ser. Sulpitium Galbam, qui Lusitanos Prætor diripuit, vehementi oratione accusavit. *Auctor de viris illustr. Valer. Max.* 8, 7. Non (ut *Livius* 39. & *Plut.*) nonagenarius: nam octogesimo quinto ætatis mortuum constat. 600.

Initio tertii belli Punici Carthaginem, nova molientem, delendam censuit; certatumque in ea sententia, de Reip. salute & commodo, cum P. Scipione Nasica, qui servandam urbem, ne otio & ignaviâ in luxum juventus Ro. ut accidit, dilapsa, civilia arma tractaret, censebat. Perovicit tamen sententia Catonis. *Livius, Florus, & Auctor de viris illustr.* 604.

Hoc anno mortuum puto 85 annos natum, L. Marcio Censorino, M. Manilio coff. *Paterculus* verò malè, P. Censorino, M. Manlio coff. *Cicero Bruto*: Cato, inquit, annos quinque & octoginta natus excessit è vita: cum quidem eo 605.

Anno ipso anno contra Ser. Galbam ad populum sum-
 U. C. ma contentione dixisset. Valerius verò 8, 1. &
 605. 7. octogesimum sextum annum agentem ad-
 versus Galbam perorasse ait. Plinius 14, 4. sex-
 centesimo V. C. mortuum, rotundo numero
 dixit. Non rectè, ut puto, Plutarch. in verborum
 Catonem, & Livius nonagenario majorem fa-
 ciunt.





HENRICI ERNSTII CHRONOLOGIA

Historiæ

TITI POMPONII ATTICI.

A Nno Urbis 644. triennio ante M. Tullium Ciceronem. Q. *Cac. Metello Numidico*, & M. *Junio Sulla Coss.* Tit. Pomponius Atticus nascitur. *cap. 1, 2.*

Anno Urbis 666. Ciceronis 20. Cn. *Octavio*, & L. *Cornelio Cinna Coss.* Athenas se contulit Atticus, annum agens vigesimum tertium: quando anno proximè præcedente P. Sulpitius Rufus, Trib. pl. à Sulla interfectus est. *c. 1, 2.*

Anno Urbis 674. Cic. 28. P. *Servilio Vatia*, & Ap. *Claudio Pulchro Coss.* Athenis Cicero Epicureos, Phædrum, & Zenonem, frequenter cum Attico audivit, ut ipse ait *lib. 2. de Finib. & Tuscul. 3. & Acad. 1.*

Anno Urbis 688. Ciceronis verò 42. E. *Aurelio Cotta*, & L. *Manlio Torquato Coss.* ætatis anno 45, cum jam annos 22 Athenis commoratus erat, Romam remigravit. *c. 4, 5.*

Anno Urbis 692. Ciceronis 46, ipsius Attici 49, cum legati locum obtinere posset apud Q. Ciceronem Asiæ prætorem, nolebat. Quo anno Romæ Coss. erant M. *Pupius Piso*, & M. *Valerius Messala. c. 6, 4.*

324 CHRON. HIST. T. P. ATT.

Anno Urbis 697, Ciceronis 51, *Cn. Cornelio Lentulo*, & *L. Marcio Philippo Coss.* pridie Idus Febr. *T. Pomponius Atticus* *Piliam* uxorem duxit, annum agens ætatis 54. in quibus nuptiis Cicero cœnavit. *Epist. 3. lib. 2. ad fratrem.*

Anno Urbis 703, Ciceronis 57, Attici 60, *L. Emilio Paulo*, & *C. Claudio Marcello Coss.* Cæsarianum bellum incidit: quod sequenti anno prorsus in flammam abiit. c. 7, 1.

Anno Urbis 709, Ciceronis 63, Attici 66, *C. Jul. Cæsar*, quum ipse unâ cum *M. Antonio* consul esset, à conjuratis in Pompeii curia 23 plagis confossus est. Sequenti anno *Antonius* *Mutinam* circumfedit, *Brutumque* oppugnavit: hostis patriæ judicatur, sed à *Lepido* recipitur. c. 9, 1 & 2.

Anno Urbis 710, Ciceronis 64, Atticus, natus annos 67, matrem nonagenariam extulit. c. 17, 1.

Anno Urbis 712, Attici 69, *M. Brutus* & *C. Cassius* ab *Octavio*, & *Antonio*, ad *Philippos* victi, sibi met ipsis violentas manus intulerunt. c. 11, 2.

Anno Urbis 721, cum Atticus 77 annos complexset, decessit & sepultus est; qui erat annus 30. antè quàm *DEUS* noster *JESUS CHRISTUS* in carne apparuit: Cui unâ cum *Patre* & *Spiritu Sancto* sit *Laus*, *Honor*, & *Gloria*.



I N D E X

RERUM SINGULARIUM.

CORNELII Nepotis Præfatio. Pag. 27.

I. MILTIADES.

MILTIADES, dux colonorum, in itinere à Lemniis irritetur. Cap. I. Pag. 31.

Miltiades, Chersoneso potitus, Lemnum capit, & Cycladas. II. 33.

Dario Scythis bellum inferente, Miltiades pontis custos consilium dat excutiendæ dominationis Persicæ; sed ab Histæo impeditur. III. 34.

Dario Rege in Græcos movente, auctor suis est Miltiades ut obviam hosti eant. IV. 36.

Miltiades, ante sociorum adventum, Dariū vincit Marathoniā pugnā. V. 37.

Miltiades victoriæ præmium accipit. VI. 38.

Miltiades, insulæ Pari oppugnatione omisā, damnatus, in vinculis moritur. VII. 39.

Metus populi, vera causa damnationis Miltiadis. VIII. 40.

II. THEMISTOCLES.

THEMISTOCLES, adolescentiā ingenioque usus liberiore, à patre exheredatur. I. 42.

Bello clarus Corcyræo & mox Persico, respon-

E e

sum Apollinis interpretatur , & ostendit
mœnia lignea nihil aliud esse quàm naves.

Cap. II. Pag. 43.

Themistocle Atheniensium classiario , pugna-
tur secundo prælio ad Artemisium. III. 44.

Juxta Salaminem , dolo Themistoclis , Xerxes
configit & vincitur. IV. 46.

Idem Xerxes Themistoclis occultâ persuasione
in Asiam revertitur ; & callido nuntio Græ-
cia liberatur. V. *Ibid.*

Confecto bello Persico Themistocles Athenarum
muros restituit. VI. 47.

Lacedæmonios arte delusos liberrimè reprehendit
Themistocles , commune jus gentium sibi
vindicat , & iniquam Lacedæmoniorum dominationem arguit. VII. 49.

Themistocles in exilium ejectus variâ fugâ
agitatur. VIII. 50 & 51.

Themistoclis ad Artaxerxem Litteræ. IX. 52.

Themistoclis sermo Persicus , reditus quarum-
dâm urbium , mors , & sepultura. X. 53.

III. A R I S T I D E S.

ARISTIDES justus , propter virtutem , multatur
exilio. I. 56.

Revocatus sexto ferè anno quàm erat expulsus ,
Prætor factus cum Pausaniâ adversus
Mardonium , maris imperium Atheniensibus
conciliat. II. 57.

Ærario communi Græciæ præest Aristides ,
pauper admodum moritur. III. *Ibid.*

IV. P A U S A N I A S.

PAUSANIAS Mardonii debellator insolens.
I. 59.

RERUM SINGULARIUM. 327

Byzantium expugnat , Xerxi clam propinquos remittit , affinitatem ejus postulans , & patriæ & Græciæ futurus proditor. *Cap. II.*

Pag. 60 & 61.

Pausaniæ peregrini mores , & carcer : Helotes spe libertatis ad rebellionem sollicitat. *III.*

62, 63.

Pausanias , Tænari in fano Neptuni observatus , se ipsum perturbatus indicat. *IV. 64.*

Pausanias in Chalcidæo , æde Minervæ , obstruitur , & mox interit. *V. 65.*

V. C I M O N.

C I M O N paternorum vinculorum hæres ab uxore liberatur Elpinice , mutato conjuge. *I. 67.*

Cimonis res gestæ apud flumen Strymona , urbem Amphipolim & Mycalen , Scyrum & alias rebelles insulas. *II. 68.*

Ostracismo Cimon ejicitur , sed restitutus , pace cum Lacedæmoniis conciliatâ , dum oppugnat Cyprum , in morbum implicitus , Citi moritur. *III. 69.*

Cimonis liberalis indoles , caritas in cives , & bonorum cum illis frequens partitio. *IV. 70.*

V I. L Y S A N D E R.

L Y S A N D E R , bello Peloponnesiaco feliciter confecto , Decemviris civitatibus Græciæ quasi tyrannus imponit. *I. 72.*

Lyfander in Thafios fubdolis & crudelis. *II. 73.*

Lacedæmoniorum Reges tollere , & oracula Delphica corrumpere conatur. *III. ibid.*

Occiditur à Thebanis apud Haliartum : oratio post mortem ejus reperta , perfidarum mo-

litionum index.

Pag. 74.

Lyfander fuus ipfe accusator , fuppositio Pharnabazi libro Ephoris tradito. IV. 75.

VII. ALCIBIADES.

ALCIBIADES in vitiis , in virtutibus excellens. I. 76.

Alcibiades educatur in domo Periclis : eruditur à Socrate : adolefcens amatus eff, & ipfe amavit. II. 77.

Belli contra Syracufanos dux delectus , in fufpicionem venit. III. 78.

Domum ad cauffam dicendam revocatus clam aufugit : bona ejus publicantur : Eumolpidæ sacerdotes eum devovent , ideoque Alcibiades Lacedæmoniis infervit. IV. 80, 81.

Lacedæmoniis fufpectus Alcibiades ad Tiffaphernem fe confert , & Athenienfium exercitui reconciliatur , Prætorque fit apud Samum. V. 82.

Gloriosè domi exceptum rurfus refacrare coguntur Eumolpidæ Sacerdotes. VI. 84.

Minus felix in invidiam recidit. VII. 85.

Civibus , quantum potest , confultat. VIII. 86.

Alcibiades fpe patriæ recuperandæ orbatus , ad Pharnabazum in Afiam tranfit. IX. 87.

Pharnabazo jubente , in infidiis deprehenfus Alcibiades relis miffis interficitur. X. 90.

Alcibiades infamatus , & laudatus. XI. 91.

VIII. THRASYBULUS.

THRASYBULUS virtute clarus , patriam à triginta tyrannis liberat. I. 92.

Phylen confugit : Munychiam occupat , parcit civibus. II. 94.

RERUM SINGULARIUM. 329

Pace factâ , legem fert oblivionis. *Cap. III. Pag.*

Thrasylbulus coronâ oleaginâ non aliter ac Pit-
 racus agello modico contentus , non multò
 post Prætor ad Ciliciam noctu à Barbaris in
 tabernaculo interficitur. IV. 96.

I X. C O N O N.

CONON Peloponnesio bello bene meretur de
 Republicâ : egregius bellator capit Pharas.

I. 97.

Conon afflictis patriæ rebus , Pharnabazo Im-
 peratori adversus Lacedæmonios usui fuit.

II. 98.

Tissaphernem alienatum accusaturus , per litte-
 ras agit cum Artaxerxe.

III. 100.

Conone duce vincuntur apud Cnidum Lacedæ-
 monii : Græcia liberatur , & muri Athe-
 niensium reficiuntur.

IV. 101.

Conon Ioniam & Æoliam Atheniensibus
 restitutus , à Tiribazo in vincula conjiciur.

V. 102.

X. D I O N.

DION adfinis Dionysiorum , intimus & lega-
 tus.

I. 104.

Impetrat à Dionysio majori ut Syracusas Pla-
 to perducatur.

II. 105.

Simultas Dionis & Dionysii junioris : hic Dio-
 ni Platonis reditum continuo postulanti
 morem gerit : Platoni Philistus redux Syra-
 cusas adversatur.

III. 106.

Dion Corinthum devehitur ; uxor ejus Arete
 aliis nuptum traditur ; filius ejus imbuatur tur-
 pissimis cupiditatibus.

IV. 107.

- Dion Syracusarum potitus Tyrannum ad pac-
tiones adigit. *Cap. V. Pag. 109.*
Dion morte filii grave vulnus accipit : Hera-
clidis cæde populum à se alienat. VI. 110.
Dion largitionibus milites sibi reconciliat , amit-
tit Optimates , Tyrannus non ferendus audi-
tur. VII. 111.
Callicratis consilio & insidiis decipitur. VIII.
112. Domi suæ die festo jugulatur. IX. *ibid.*
Fit tumultus & cædes etiam immerentium :
desiderium mortui Dionis sequitur. X. 113
& 114.

X I. I P H I C R A T E S.

- DISCIPLINA militari nobilis Iphicrates. I. 115.
Bellum gerit cum Thracibus ; Lacedæmonio-
rum moram intercipit ; Persarum exercitui
conductio præest ; Epaminondæ retardat im-
petus. II. 117.
Iphicratis natura , dotes ; ipsius filii Menesthei
exprobratio de uxore Thressâ. III. 118.

X I I. C H A B R I A S.

- CHABRIAS , novo pugnandi invento , totâ
Graciâ gloriam adipiscitur. I. 119.
Res Chabriæ cum Nectanebo Ægyptio , Eva-
gorâ Cyprio ; Ægyptiæ classi præest. II. 120.
Chabriam incusant præfecti Regis Persiæ ;
Athenienses cum ex Ægypto domum re-
vocant ; hic propter invidiam abest. III. 121.
Desertus à suis , bello sociali perit. IV. 122.

X I I I. T I M O T H E U S.

- TIMOTHEI virtutes ; facta bellica ; adversum
Cotym & alios bella gerit. I. 124.
Timotheo Lacedæmoniorum victori statuam

RERUM SINGULARIUM. 331

publicè in foro ponunt Athenienses. *Cap. II.*

Pag. 126.

Timotheus senex Menestheo Prætori genero suo
in consilium datus, accusatus, damnatus.

III. 127.

Conon Timothei filius partem murorum reſt-
cete cogitur; Jafonis tyranni erga Timo-
theum ſingularis amicitie testimonium. *IV.*

128.

XIV. DATAMES.

DATAMES Barbarorum clarissimus, bello Ar-
taxerxis contra Cadusios, paternam provin-
ciam, Cilicie partem, meruit. *I. 131.*

Thyum Dynastem Paphlagonie vivum capit.

II. 132.

Datames captum Thyum, insolito ornatu rec-
tum, ad Regem adducit; copiis ad bellum
Ægyptium præficitur.

III. 133.

Revocatus Aspim Cappadocem capit. *IV. 135.*

Aulicorum insidias edoctus, Cappadociam sibi
& Paphlagoniam occupat.

V. 136.

Datames filium Arsideum in prælio adversus
Pisidas amittit, quos foci sui Mithrobar-
zanis perfidiam ulturus invadit, & superat.

VI. 137.

A Scisma filio natu maximo proditur. *VII. 138.*

Autophradatem contra se missum vincit. *VIII.*

139.

Regis insidias callidè declinat. *IX. 141.*

Mithridatis dolo capitur. *X. 142.*

In colloquio per fraudem occiditur. *XI. 144.*

XV. EPAMINONDA.

DE moribus Græcorum excursio. *I. 145.*

Epaminondæ genus, pueritia, & adolescentia;

magistri & documenta. *Cap. II. Pag. 146.*
 Ipsius animi virtutes, studium audiendi, paupertatis patientia, & pia liberalitatis ratio. *III. 148.*

A Diomedonte tentata ejus abstinencia. IV. 149.
Epaminondæ arguta in obrectatorem Mcneclidem responsio. V. 151.

Rhetori Attico Callistrato acriter respondet Epaminondas in conventu Atcadum; Lacedæmoniorum tyrannidem aliàs coarguit. VI. 152.

Injuriarum obliviscitur, ratus patriæ irasci nefas esse: imperii diuturnior retentio. VII. 153.

Accusatus hoc crimine, in periculo suo inscribi postulat quæ pro Thebanis gesserit. VIII. 155.

Apud Mantineam invictus moritur. IX. 156.
Epaminondæ cælibatûs criminatio diluta: horror ejus à civili cæde: Thebarum gloria. X. 157.

XVI. PELOPIDAS.

PELOPIDAS cum aliis in exilium ejectus. I. 160.
Cum duodecim adolescentulis, Thebas recuperaturus, domum Charonis devenit. II. 61.
Patriæ libertatem restituit, interfectis tyrannis, pulso ex arce Cadmeâ Lacedæmoniorum præsidio. III. 162.

Hæc prior expeditio propria fuit Pelopidæ; ceteræ ferè omnes communes cum Epaminonda. IV. 163.

Tyrannum Alexandrum Pheræum in prælio ut animadvertit, equum in eum concitat, & coniectu telorum confossus cadit Pelopidas. V. 164.

RERUM SINGULARIUM. 333

XVII. AGESILAUS.

AGESILAUS cum Leotychide fratris filio de honore regni contendit. *Cap. I. Pag. 166.*

In Asia pacis cum Tissapherne perjurante inducias religiosè servat. *II. 167.*

Phrygiam depopulatur; Ephesi militem exercet officinis armorum institutis; aliò it, aliò fe-
iturum simulat. *III. 168.*

Revocatus domum contra Boeotios quos apud Coroneam gravi prælio vincit; supplicibus parcit. *IV. 170.*

Bello circa Corinthum collato, ab illà urbe oppugnandà abstinet. *V. 171.*

Ad Leuctricam pugnam ire recusat; Spartam à Thebano Epaminonda obsessam singulari servat commento. *VI. 172.*

Pecunià patriam sublevat, munera sibi à Re-
gibus & Dynastis missa confert in publicum. *VII. 173.*

Agésilas corpore deformis, apparatuque utens vulgari, contemnitur à Barbaris; in portu Menelai implicitus in morbum decedit. *VIII. 174.*

XVIII. EUMENES.

EUMENES primùm Philippi & Alexandri scriba, postea equitum alæ præfectus. *I. 177.*

Cappadociam sortitus provinciam, carus Perdic-
cæ fuit, & fidus. *II. 178.*

A Perdicca oppositus Europæis adversariis. *III. 179.*

Singulari certamine Neoptolemum enecat: Cra-
terum amplo funere effert. *IV. 181.*

Perdicca interfecto capitis absens damnatur,

circumventus ab Antigono se expedit, & subinde obfessus in Castello Nora, callido invento se ac suos omnes extrahit incolumes.

Cap. V. Pag. 182, 185.

Olympiadi consulit et Alexandri liberis. VI.

184.

Adversus Antigonum bellum comparat; Alexandri tabernaculum in castris itatuit. VII.

185.

Antigoni victor, copias hyematum dividere cogitur à militibus. VIII. 186.

Consilio callido Antigoni refrenat impetum.

IX. 188.

A suis proditus invidiâ ducum, victor Antigono victo in custodiam traditur. X. 189.

Impatiens supplicium expostulat. XI. 191.

Consilii sententia fame fatigatus, jugulatur à custodibus, insciente Antigono. XII. 192.

Eumene vivo nemo Principum, Alexandro mortuo, Regis nomen usurpare ausus fuerat.

Honestum ipsius funus, XIII. 193.

XIX. П Н О Ц И О Н.

PHOCION cognominatus Bonus; perpetuò pauper; Regis Philippi dona pecuniæ repudiat.

I. 194.

Senex in odium suorum civium pervenit, ob tradendam Antipatro urbem, & ipsius consilio Demosthenis exilium: Phocionis culpâ

Piræeo potitur Nicanor. II. 196.

Exilio multatur; causam apud Philippum Macedoniæ Regem, aut potius apud Polyperchontem dicere jubetur; Athenas indè deducitur.

III. 197.

Ibi Jamnatus traditur undecim viris ad sup-

plicium; à servis sepelitur. *Cap. IV. Pag. 198.*

XX. TIMOLEON.

TIMOLEON, patriâ liberatâ, fratrem suum Timophanem tyrannum interficiendum jubet.

I. 200.

Dionysium depulsum Siciliâ Corinthum tutò pervenire curat; cum Iceta bellat; Pænos apud Crimessum flumen fugat; capit Mamercum ducem Italicum.

II. 202.

Restauratis Siculorum rebus, imperium deponit, & privatus Syraculis vivit.

III. 203.

Oculis captus, in theatrum vehiculo fertur; sacellum domi suæ A'vrouarías (idest casus fortuiti) constituit.

IV. 204.

Convitiis Lamestii cujusdam patientia; in gymnasio Timoleonteo sepelitur.

V. 205.

XXI. DE REGIBUS.

NOMINE tantum non potestate Reges Spartani; imperio excellentissimi Persarum Reges Cyrus, Xerxes, duo Artaxerxes: horum præcipuus Macrochir.

I. 207.

Ex Macedonum genere clariores, Philippus Amyntæ filius, Alexander Magnus, Pyrrhus Epirotes: Unus Rex Siculus verè illustris, Dionysius prior.

II. 208.

Ex Alexandri amicis Antigonus & ejus filius Demetrius, Lyfimachus, Seleucus, Ptolemæus imperia sibi constituunt.

III. 209.

XXII. HAMILCAR.

HAMILCAR Erycem deffendit, fortunam Carthaginensium in melius convertit.

I. 211.

Pace cum Romanis conciliatâ, mercenarios

- milites à muris Carthaginis remouet , Op-
pida abalienata Patriæ restituit , & otium
roti Africæ. *Cap. II. Pag. 212.*
- In Hispaniam missus Hannibalem filium secum
ducit ; formosum Hasdrubalem filiæ suæ
despondet ; largitione mores civium suorum
pervertit. *III. 213.*
- In Hispaniâ , prælio pugnans adversus Vetto-
nes , occiditur ; insensus Romanis , & pri-
ma fax belli Punici. *IV. 214.*

X X I I I. H A N N I B A L.

- HANNIBAL omnibus ducibus maior , suorum
civium invidiâ debilitatur. *I. 215.*
- In Romanos concitat Philippum & Antio-
chum ; narrat quomodo iuraverit se nun-
quam in amicitia cum Romanis fore. *II. 217.*
- Imperator Hispaniam subigit , Saguntum ex-
pugnat , per Pyrenæum saltum & Alpes in
Italiam transit cum copiis. *III. 218.*
- Apud Rhodanum , Padum de Clastidio , Tre-
biam , Trasimenum & Cannas cum Roma-
nis confligit. prosperâ fortunâ. *IV. 219.*
- Q. Fabio Maximo verba dat ; Minutium Ru-
fum , Tib. Sempron. Gracchum , M. Claud.
Marcellum dolis militaribus superat aut in-
terficit. *V. 220.*
- Revocatus patriam defensum apud Zamam
vincitur à Scipione filio. *VI. 221.*
- Pace compositâ , metuens ne Romanis à Char-
taginensibus tradatur , profugit ad Antio-
chum. *VII. 223.*
- Tentat frustra suos cives ad bellum inducere ;
fratrem Magonem amittit ; Rhodiorum clas-
sem

RERUM SINGULARIUM. 337

sem in Pamphilio mari , quo cornu rem gerit , superat. VIII. 224.

Antiocho fugato , avaritiâ Crætenſium deludit. IX. 225.

Prusiâ Ponti Regem armat & exercet adversus Romanos. X. 226.

Regem Pergamenum Eutnemem , Romanis amicitissimum , & infensum Prusiæ , serpentibus in naves coniectis , fugâ salutem petere cogit. XI. 228.

Prusias timidus repetitum à Romanis Hannibalem tueri non auder ; Hannibal factus certior circumdari domum suam à legatis Romanorum , veneno sumpto , anno acquiescit septuagesimo. XII. 229.

Hannibal tantis districtus bellis nonnihil temporis tribuebat Littetis ; ejus libri quidam. XIII. 230.

XXIV. MARCUS PORTIUS CATO.

CATO adolescens , miles , Quæstor , Ædilis , Prætor , Q. Ennium Poëtam Romam deducit. I. 233.

Consul Hispaniâ citiorem sortitus est , Censor inimicitias Reipublicæ causâ suscipit. II. 234.

Ipsius elogium , studia , scripta. III. 235.

XXV. T. POMPONIUS ATTICUS.

ATTICUS usus est parte in primis studioſo litterarum ; nobilis ingenii dotibus , incitabat omnes studio suo. I. 237.

Sulpicii propter necem , Cinnano tumultu , Athenas delatus , pecuniâ Marium juvar & Athenienses. II. 238.

Athenis ante alios sit carissimus. III. 239.

Syllæ acceptus , tranquillatis Reipublicæ rebus ;
Romam remigrat. IV. 240.

Q. Cæcilius Avunculi sui asperitatem veritus , ab
eo moriente testamento adoptatur , hæres-
que ejus fit ex dodrante : Ciceronis , Hor-
tensii , & Attici rara amicitia copula. V. 242.

Honoribus , litibus , Præfectoris abstinet , digni-
tati serviens , & criminum suspiciones vi-
tans. VI. 243.

Cæsariano civili bello , neque Pompeium con-
junctum offendit , neque Cæsarem. VII. 244.

M. Bruto , occiso Cæsare , etiam abjecto Ita-
liaque cedenti LLS. centum millia muneris
mittit. VIII. 245.

Antonio hosti judicato ne quidem inimicus ,
familiares ejus tegit , & Fulviæ ejusdem uxori
ac liberis opitulatur , non fortunæ sed
hominibus amicus. IX. 246.

Antonius , Attici memor officiorum , eum &
Q. Gellium Canium de proscriptorum nu-
mero eximit. X. 248.

Atticus , ex his malis emerfus , proscriptis plu-
rimis est auxilio , liberalitate neque tempo-
rariâ neque callidâ. XI. 249.

M. Vipsanio Agrippa , & M. Antonio Trium-
viro utitur tantummodo in deprecandis ami-
corum aut periculis aut incommodis. XII.

251.

Bonus paterfamilias & civis ; minùs emax , mi-
nus ædificator ; elegans , non magnificus ;
splendidus , non sumptuosus. XIII. 253.

Nunquam sine aliquâ lectione apud eum cœ-
natum est ; usum pecuniæ , non magnitudi-
ne , sed ratione metiri solitus fuerat. XIV.

254.

RERUM SINGULARIUM. 339

Mendacii osor ; levis arbitrabatur polliceri quod præstare non posset : non inertiâ , sed iudicio Reipublicæ procuracionem fugit. XV.

255.

Senibus adolescens , adolescentibus senex pariter iucundus , cum æqualibus suis sic vixit , ut omni ætati fuerit aptissimus. XVI. 256.

Cum matre nunquam in gratiam rediit , cum sorore nunquam fuit in similitate , ad id ductus non naturâ solum sed doctrinâ. XVII.

257.

Moris Majorum summus imitator , antiquitatique amator ; plurium familiarum originem subtexuit , notitiæ clarorum virorum studiosus ; non expers suavitatis poëticæ ; de Consulatu Ciceronis liber ejus græcè confectus. XVIII. 258.

Morum elegantiam pervenit in affinitatem Imperatoris Divi Julii filii , & ceterorum civitatis principum. XIX. 259.

Cum Octaviano Cæsare & Antonio , de orbis terrarum imperio dissidentibus , continua Attici familiaritas , eorumque usus ac benevolentia. XX. 260.

Senex , fistula , febre laborans Agrippæ genero , L. Cornelio Balbo , Sextoque Peducæo moriendi consilium aperit. XXI. 261.

Die quinto postquam cibo abstinuisset decessit ; juxta Appiam viam sepultus jacet. XXII.

263.

F I N I S.

F f 2

CATALOGUS

Editionum Cornelii Nepotis de Vita
excellentium Imperatorum.

1473. **C**ornelius Nepos. Venetiis. in-folio.
 1480. Parmæ. in-folio.
 1499. Venetiis. in-folio.
 1543. Longolii. Coloniae. in-8.
 1544. Chytræi. Bardi Pomer. in-8.
 1563. Magii. Basileæ.
 1569. Lambini. Parisiis. in-4.
 1602. Savaronis. Parisiis. in-12.
 1608. Diversorum. Francofurti. in-folio.
 1635. Raven. Jenæ. in-8.
 1638. Loccenii. Holmiæ. in-12.
 1640. Boecleri. Argentorati. in-8.
 1642. Lugduni Batavorum. in-12.
 1644. Gebhardi. Amstelodami. in-12.
 1648. Hamburgi. in-12.
 1648. Amstelodami. in-8.
 1653. Myſii. Lipsiæ. in-8.
 1654. Holmiæ. in-8.
 1656. in-8. VI Editio ejusdem Boecleri.
 1657. Bosii. Lipsiæ. in-8.

1658. *Variorum*. Lugduni Batavorum. in-8.
 1659. Lipsiæ. in-8. VII Editio.
 1662. Amstelodami. in-12.
 1665. *Kirchmeieri*. in-8.
 1666. *Hildebrandi*. Lipsiæ. in-12.
 1667. in-8.
 1673. Hamburgi. in-12.
 1675. Jenæ. in-8.
 1675. in-8.
 1675. *Courtini*. Paris. in-4.
 1675. Oxonii. in-12.
 1677. in-12.
 1687. in-8.
 Buchneri. Hamb. in-8.
 1687. in-12.
 1688. Lipsiæ. in-8.
 1689. *Cellarii*. Lipsiæ. in-12.
 1691. Lond. in-8.
 1691. *Essenii*. Trajecti. in-12.
 1691. *Hoogstratani*. Amstelodami. in-12.
 1692. *Hermannida*. Amstelodami. in-12.
 1694. Lipsiæ. in-12.
 1697. in-8.
 1697. *Gunbergii*. Francof. in-8.
 1697. *Henningii*. Hamb. in-8.
 1705. in-12.
 1715. *Tonson*. in-12.

1717. Succus & sanguis Cornelianus , h. e.
Cornelius Nepos de vitâ excellentium
 Imperatorum , vulgo *Æmilius Pro-*
bus , at perperam dictus , novâ arte ,
 nativâ tamen , multoque commo-
 diore enucleatus à Joanne Joachimo
Ungnad , Sechufa - Palæo - March-
Wratislaviæ , apud Michaelem Hu-
bertum. in-8.

1745. Ex recognitione Steph. And. *Philippe*.
 Lutet. Par. Sumptibus Mich. Steph.
David. cum Iconibus æneis. in-12.



Typis C. F. SIMON. 1745.



CENSORIS REGII
APPROBATIO.

JUssu Illustrissimi Franciæ Cancellarii legi *CORNELII NEPOTIS* quæ exstant, atque Imperatorum Graciæ Chronologiam, &c.
Datum Lutet. Paris. 22 April.
1745.

JOAN. BAPT. SOUCHAY.





